

З.Е. Қабылдинов, А.Д. Сандыбаева, Ф.Р. Лебаев

ҚАЗАҚСТАН ТАРИХЫ

Жалпы білім беретін мектептің 11-сыныбына ариалған оқулық

Екі бөлімді

1-бөлім

11

Қазақстан Республикасының Білім және ғылым министрлігі ұсынған



Алматы «Атамұра» 2020

ӘОЖ 373.167.1
КБЖ 63.3 (5 Қаз) я 72
Қ 13

*Оқулық Қазақстан Республикасының Білім және ғылым министрлігі бекіткен
жалпы орта білім беру деңгейінің 10–11-сыныптарына арналған
«Қазақстан тарихы» пәнінің жаңартылған мазмұндагы
члгілік оқу бағдарламасына сәйкес дайындалды.*

Пікір жазғандар:

А.Г. Ибраева, тарих ғылымдарының докторы, профессор
А.Т. Қайыпбаева, тарих ғылымдарының кандидаты

ШАРТТЫ БЕЛГІЛЕР



– тақырып бойынша сұрақтар



– үғымдар мен терминдер



– құжаттар



– құжат бойынша сұрақтар

Қабылдинов З.Е., т.б.

Қ 13 Қазақстан тарихы. Жалпы білім беретін мектептің 11-сыныбына арналған оқулық/З.Е. Қабылдинов, А.Д. Сандыбаева, Ф.Р. Лебаев. Екі бөлімді. – Алматы: Атамұра, 2020. – 160 бет.

ISBN 978-601-331-712-0

1-бөлім. – 2020. – 160 б.

ISBN 978-601-331-713-7

ӘОЖ 373.167.1
КБЖ 63.3 (5 Қаз) я 72

ISBN 978-601-331-713-7 (1-бөлім)
ISBN 978-601-331-712-0

© Қабылдинов З.Е., Сандыбаева А.Д.,
Лебаев Ф.Р., 2020
© «Атамұра», 2020

KIRISPE

Құрметті оқушылар! Сендер тәменгі сыйнштарда Қазақстанның ежелгі заманнан бүгінгі күнге дейінгі төл тарихымен жүйелі түрде таныстындар. Қолдарыңдағы оқулықта Отанымыздың басты тарихи оқиғалары мен аз зерттелген көкейкесті мәселелері қарастырылған. «Қазақстан тарихы» пәнінің маңсаты – отандық тарихтың негізгі оқиғалары мен үрдісін оқыту негізінде тарихи санаға, азаматтылық пен отансүйгіштік қасиеттерге ие, тарихи білім мен дағдыларды шығармашылықпен қолдана алатын тұлға қалыптастыру.

Оқу пәнінің міндеттері:

- Қазақстан аумағындағы қоғамның әртүрлі тарихи кезеңдеріндегі этникалық, әлеуметтік, экономикалық, саяси және мәдени дамуының негізгі мәселелері бойынша білімін жетілдіру;
- әлемдік тарихи үдерістегі Қазақстанның орны мен рөлі туралы жалпы тұтас түсінік қалыптастыру;
- оқушылардың тарихи оқиғалар мен тұлғаларға қатысты сыни түрғыдан талдау дағдыларын дамыту.

Ежелгі заманнан бері Қазақстан бірегей өркениет үлгісі ретінде басқа аймақтардан өзіндік түрғыда ерекшеленді. Еуропа мен Азияның тоғысында орналасқан Қазақстанның кең-байтақ дала-сында көшпелі және отырықшы мәдениет өзара үйлесімді дамыды. Қазақстан жері көшпелі малшаруашылығымен қатар, қала мәдениетінің де ошагы болды. Шығыс пен Батысты ұштастырған Ұлы Жібек жолында Қазақстан маңызды рөл атқарды. Дала мен қала өзара қарым-қатынасында әлеуметтік-экономикалық байланыстарын нығайтып, бір-бірінің мәдениетін байытты. Алайда ғасырлар бойы қалыптасқан қазақтың дәстүрлі малшаруашылығы XX ғасырдың 20–30-жылдарында большевиктердің экономикалық сынақ тәжірибелері нәтижесінде дагдарысқа ұшырап, күйреді. Қазақ халқы дамуының табиғи үдерісі кеңестік биліктің өрекетінен жасанды түрде бұзылып, дәстүрлі шаруашылыққа үлкен зардан тигізілді. Жер мен малдың нақты иелері ғасырлар бойы орын алғып келген шаруашылық жүргізу тәсілінен шеттетіліп, оның орнына ұжымдық және мемлекеттік шаруашылықтар құрылды. Қуатты және дербес қожалықтардың мал-мұлкі тәркіленіп, мемлекет меншігіне өткізілді. Мал саны азайып, шаруашылықтар

күйзеліске, халық аштыққа ұшырады. Елдің экономикалық құлдырауы одан әрі жалғаса берді.

Қазақстанның Ресей құрамына енүі, 1822–1824 жылдары хандық биліктің жойылуы, XIX ғасырдың 60–90-жылдарындағы реформалар өлкеде қазақ халқы ұлттық құрамының өзгеруіне әкелді. Бір ғасыр шеңберінде қазақ өлкесінің бірұлттық құрамы көпұлттық сипатқа ие болып, жергілікті халық өкілдерінің үлесі азайып кетті. Қазақстан Ресейден кейінгі сталиндік лагерьлері көп республикаға айналды.

Кеңестік әкімшіл-әміршіл жүйе жеке халықтарды республика аймағына күштеп жер аударды. Ашаршылық пен құғын-сүргіннен қазақ халқының жартысына жуығы қазаға ұшырады. Ал тың игеру жылдары КСРО-ның европалық белігі мен көрші республикалардан елімізге жүздеген мың адам келіп қоныстанды.

Осы оқиғалармен бірге, КСРО ыдыраған соң төуелсіздіктің алғашқы жылдары бірқатар ұлттардың тарихи отандарына үдерек көшіп кету себептері туралы да білетін боласындар.

Ежелгі дәуірден бастау алған қоғамдық-саяси ойдың дамуына қатысты жаңа тақырыптармен танысасындар. Ұлы дала мемлекеттік бірлестіктерінің әлеуметтік-саяси, экономикалық, мәдени өмірінде айтулы тұлғалар маңызды рөл атқарды. Халық мұддесінің жаршылары қатарында тек қаған-хандарға емес, билер, ақындар мен Алаш зиялыштары да болды.

Сонымен қатар оқулықтан XX ғасырдың басындағы басты оқиғаларды, ұлттық сана-сезімнің оянуына, мемлекетті қайта қалпына келтіруге әсер еткен Алаш зиялыштарының идеялық кез-қарастарымен танысасындар. Ә. Бекейхан сияқты Алаш арыстарының төңірегіне топтасқан ұлттымыздың білімді де сауатты, зиялыш азаматтары дербес мемлекет құру жолын таңдай отырып, қолдарынан келгеннің бәрін жасады.

Бұғінгі күні елдің қуаты, ең алдымен, білім мен ғылымның дамуына байланысты екені анық. Бұл басылымнан білім мен ғылымның ежелгі, орта ғасырдан бұғінгі күнге дейінгі дамуы туралы білімдерінді толықтырасындар. Қазақстан аумағында ғылыми мекемелердің іргетасы жаңа заманнан, яғни XVIII ғасырдан қалана бастады. Кеңес дәуірінде мықты білім жүйесі құрылдып, республиканың ғылыми базасы қалыптасты. Алайда қоғамдық-

гуманитарлық ғылым саласында марксистік-лениндік көзқарас басшылыққа алынып, партиялық үстаным ұлықталды.

1946 жылы ҚазКСР Ғылым академиясының құрылуы кеңестік Қазақстан ғылыминың үлкен жетістігі еді. Еліміз тәуелсіздігін алған кезден бастап Қазақстанда бұрынғы кеңестік оқу-агарту негізінде, сондай-ақ әлем елдерінің жетістіктерін қамтитын ұлттық білім беру жүйесін қалыптастыру мақсатында бірқатар шаралар қабылданды. Соңғы жылдары үкімет ғылым мен білім саласын жақсарту үшін кешенді бағдарламаларды жүзеге асырды. Заманауи материалдық-техникалық базамен қамтамасыз етілген Назарбаев зияткерлік және инновациялық мектептер ашылды. Президенттік «Болашақ» бағдарламасы бойынша жастар сапалы білім алуда.

Қазақстан тарихын терең оқып-үйрену өз Отаныңды құрметтеп, мақтан тұту сезімін қалыптастырады. Әрқайсысың еліміздің тарихын жақсы білулерің керек, сонда ғана дұрыс бағыт-бағдар алып, өз болашақтарыңды болжай аласыңдар. Оқу материалын сапалы меңгеруге «Хрестоматия» мен үстаздарға арналған «Оқыту әдістемесі» де көп көмегін тигізеді. Оқулық екі бөлімнен тұрады.

Мектептегі тарихшы үстаздар, ата-аналар мен оқырман қауым тарапынан осы оқулықтың мазмұнын одан әрі жетілдіру үшін құнды ескертпелер, маңызды ұсыныстар жасалуы мүмкін. Оның бәрін ескеріп, келесі басылымдарда оқулықтың сапасын одан әрі жақсарту үшін пайдаланатын боламыз. Авторлар оқулықты дайындауға көмек көрсеткендердің барлығына шынайы алғыстарын білдіреді.

Құрметті оқушылар! Сендерге жаңа тарихи білім алуда сәттілік тілейміз!

ӨРКЕНИЕТ: ДАМУ ЕРЕКШЕЛІКТЕРІ

Бірінші тарау

ҚАЗАҚТАРДЫҢ ТІРШІЛІКТІ ҚАМТАМАСЫЗ ЕТУДЕГІ ДӘСТҮРЛІ ЖҮЙЕСІ

§1–2. Қазақстанда көшпелі малшаруашылығы және егіншіліктің дамуы

Оқу мақсаты:

- ✓ Қазақстан халқының тіршілікті қамтамасыз ету жүйесінің қалыптасуына және дамуына табиғи-географиялық факторлардың әсерін зерттеу;
- ✓ көшпелі малшаруашылығы және егіншіліктің ерекшеліктерін «тіршілікті қамтамасыз ету жүйесі», «қоныстану жүйесі», «эко-жүйе» ұғымдарын пайдалана отырып анықтау;
- ✓ картаны пайдаланып, дәстүрлі шаруашылық қызмет түрлерін жіктеу.

Тірек сөздер:

Қазақша	Орысша	Ағылшынша
Евроцентристік тұжырымдама	Евроцентристская концепция	Eurocentric concept
Эрозия	Эрозия	Erosion
Суару қондырғылары	Иrrigation facilities	Irrigation facilities

Тақырыпқа шығу:

«Халықтардың дамуы мен шаруашылық-мәдени ерекшеліктерінің қалыптасуында географиялық және экологиялық фактор үлкен рөл атқарады».

Л.Н. Гумилев

Автор пікіріне өз көзқарасынды білдір.



1. Көшпелі малшаруашылығының қалыптасуы. Қазақстан аумағының табиғи және климаттық ерекшеліктері, яғни экологиясы жергілікті тұрғындардың шаруашылық түрінің қалыптасуына ежелден-ақ тікелей әсер еткен. Ежелгі тұрғындар тіршілік ортасының өзгеруіне қарай біртіндеп егіншілікten малшаруашылығына көше бастады. Шамамен б.з.б. II мыңжылдықтың соңындағы қуаңшылық жағдайында егіншілікпен айналысу тиімсіз болды. Қазақстан аумағының басым бөлігін шөлейт жерлер алып жатыр. Құн радиациясы өте жоғары, қуаңшылық жиі орын алып отырады.

Су көзі мен жайылымдық жерлердің тапшылығы, аумақтағы есімдіктердің жеткіліксіздігі табиғи мал азығы қорының таралуына әкелді. Жер құнарлығы төмендей, **эрозияга** ұшырау қаупі артты. Біртіндеп мал басының саны көбейді. Мұның бөрі адамның өмір сүру ортасына икемделіп, әлеуметтік-мәдени бейімделудің ерекше түрін таңдауына мәжбүр етті. Ол көшпелі малшаруашылығының орнығына жеткізді. Жайылымдық алқаптарды егіншілік мақсатында пайдалану өнімділікті арттырмады. Ұлы далада егіншілікке аса тиімді балама ретінде көшпелі малшаруашылығы дамыды.

Көшпелілер өмірі табиғи зандаудың тарға бейімделіп, тіршілікті қамтамасыз ету жүйесі, қоршаған ортаны игеру тәжірибе-

Қызықты дерек

Көшпелі табиғи-шаруашылық тұрларі Қазақстанмен қатар, Монголия, Араб түбегі мен Солтүстік Африка аумағында қалыптасты.



Аттың жүгөні,
қола ауыздықтар

Картамен жұмыс

Ботай мәдениетінің орнын
қазіргі географиялық кар-
тадан көрсетіңдер.

сінен қалыптасты. Ежелгі Қазақстанның қуандаласын мекендерген тұрғындардың өмір сүруді қамтамасыз етудегі негізгі кесібі – көшпелі тірлікке негізделген мал өсіру болды. Көшпелі малшаруашылығына көшу себептерінің бірі – жылқыны қолға үйрету еді. Жылқы малы ең алдымен Солтүстік Қазақстанда қолға үйретілді. Бұл жерде ежелгі адамның алғаш рет жылқыны қолға үйрету орталығының бірі, әлемге әйгілі *Ботай мәдениеті* табылған. Ботай қонысы 15 гектардан астам жерді алыш жатты. Жылқыны қолға үйретіп, кейін оны мініс көлігіне айналдырудың барысында адам орасан зор кеңістікті игерді.

Көшпелі өмір салты малды жау шапқыншылығынан және табиғат апратынан аман сақтап қалып отырды. Сонымен қатар жайылымдардың


тозуы да табиғи талаптарға байланысты мал өрістерін ауыстырып отыру қажеттілігін тудырды.

Көшпеліліктің пайда болуы ғасырлар бойы малшылардың қоршаған ортаның табиғи-климаттық жағдайына икемделуіне

байланысты еді. Бұл тұжырымды XIX ғасырдағы Қазақстанның зерттеуші ғалымдар да қолдайды. Орыс ғалымдарының басым көпшілігі көшпелі малшаруашылығы қалыптасуын табиғи жағдайға тәуелділікten туындағанын негізге алады (И.Ф. Бларамберг, А.Н. Макшеев, Л.Л. Мейер, Г.Н. Потанин, И.И. Завалишин, А.И. Добросмыслов және т.б.).

Көшпелі өмір сүру салты қоршаған ортаға бейімделуден орнығып, малшылардың малды суықтан, боранан, шөлден, су мен жемшөп тапшылығынан қорғайтын оңтайлы тәсілдерді меңгеруіне жеткізді.

Ата-бабаларымыз жайылымдардың табиғи тепе-тендігін сақтау мақсатында кішігірім рулық бірлестіктерге бөлініп,



Ботай қонысы

белгілі жер көлемі шеңберінде көшіп-қонды. Жыл мезгілдерінің ерекшелігіне қарай маусымды қоныстану жүйесі қалыптасты. Қазақ халқы малды қыстан және жұттан аман сақтау үшін қоршаған ортага (екожүйеге) бейімделу заңдылықтарын шебер менгерген. Жыл маусымдары мен жайылымдарды пайдалану тәсілдеріне орай көштің ұзақтығы кейде жүздеген шақырымға дейін созылды.

Маусымдық жайылымдар рулар арасында бөліске түскенімен, ежелгі дәстүр бойынша қыстаулардан басқа жерлерді елдің бөрі бірдей пайдаланған.

Көшпелілер ерте заманнан қоршаған ортанды, табиатты игеруіне байланысты қалыптасқан экологиялық тәжірибесі арқасында білгір ботаник, астролог, әрі географ болған деп

айта аламыз. Дала аймағының ажырамас бөлігі іспеттес көшпелілер малшаруашылығын тіршілік қамы жүйесі ретінде қалыптастырыды. Оған тікелей табиғи-географиялық жағдай әсер етті. Көшпелі малшаруашылығы Ұлы даланың энергетикалық және биологиялық ресурстарын тиімді пайдалануды көзdedі. Көшпелілер тіршілік көзі болған мал өнімдерін пайдалануды үйренді.



Қазақ халқының дәстүрлі шаруашылығы *көшпелі*, *жартылай көшпелі*, *отырықшылық* түрғыда дамыды. Көшпелілік түрінде мал жыл бойы жайылымда тебіндеп жайылды. Малшылар көшпелі өмірге қолайлы жасалған киіз үйде тұрды.

Жартылай көшпелілік салтында қазақ халқы мал басы салын аман сақтап қалу үшін жыл мезгілдері мен жайылымдық жерлердің ерекшеліктеріне қарай көшіл-қонды. Қысқы көшінде жылы тұрақтары – қыстауларға қоныстанған. Мал төлдетіп, жүн қырқу үшін қектеуге (қектемгі көш), кейін жас төлдер есіп, жер көгерген кезде жайлауға көшкен. Қыстауларының жаңында мал азығы үшін шөп дайындаған, егіншілік көсібімен де айналысқан. Отырықшылық дәстүрде мал белгілі бір аумақта бағылып, қорада ұсталған. Іле, Талас, Арыс, Шу, Сыр өзендері


бойында және Жетісү өңірінде егіншілік кеңінен дамыған. Дәстүрлі малшаруашылығы XIX ғасырдың соңына дейін сақталынды.

XX ғасырдың 20-жылдарының соңы мен 30-жылдарының басында қазақтардың күштеп отырықшыландыру және ұжымдастыру салдарынан орын алған ашаршылықта республика халқының жартысына жуығы қазаға ұшырады. Жергілікті халық санының күрт кемуіне өкеліп соқты. 1950 жылдардағы ескерілмей жүргізілген тың және тыңайған жерлердің игеру саясаты нәтижесінде құнарлы жерлердің 10 млн гектары эрозияға ұшырады. Сондай-ақ малшаруашылығының жүргізуідегі кеңестік әдістер еліміздегі тары 55 млн гектар жердің тозуына өкелді.

2. Дәстүрлі малшаруашылығы – тіршіліктің негізі. Көшпелілікті зерттеумен айналысқан *еуроцентрлік тұжырымдамадағы* кейбір зерттеушілер шаруашылықтың бұл түрін өркениеттен артта қалу мен жабайылық көрінісі ретінде біржақты түсіндіріп келді. Ұзақ жылдар бойы көшпелілерді белгілі өз атамекені мен шегарасы жоқ, баспанасыз, мән-мағынасыз көшіп-қонып, құқық пен әділетті білмейтіндер деп қабылданап келді. Бірақ бұл түсінік тіпті дұрыс емес. Ұлы дала көшпелілерінің нақты бекітілген өз жерлері болды.

Л.Н. Гумилев және басқа ғалымдар көшпелілердің киіз үй, арба, ер-тұрман, қайқы қылыш т.б. жетістіктер ойлап тауып, әлемдік өркениетке қосқан үлесін дәлелдеді.

Ата-бабаларымыз рулық жайылымдарды тек адамдар мен мал арасында әртурлі аурулар мен індегі жайылуынан жаппай қырылуына өкеліп соққандаған уақытша тастап кетуге мәжбүр болған. Басқа уақытта көшпелілер сан мыңжылдықтар бойы үдайы көштің әдістері мен ережелерін сақтап келді. Осындай



Көшпелілер тұрмысы

корытындыны көрнекті түркітанушы және лингвист В. Радлов та жасайды: «*Жоспарланбаган көші-қон туралы сөз болуы мұмкін емес... тайпа немесе тайпалық бірлестіктер жайылымдарын өздерінің жекеменшігі ретінде санайды, көрші тайпалардың басып кіруіне жол бермейді*».

XIX ғасырдың басына дейін қазақтар және олардың түпкі ата-бабалары (сақтар, ғұндар, түркілер) ете дәүлетті түрмис кешкен. Еркіндік, әділеттік, көшпелі өмір салты, ен даладағы кең жайылымдар, халықтың сирек орналасуы Ұлы далада дәүлетті малшылар дәстүрі мен сән-салтанатын қалыптастырыды. Көшпелілер түгелдей қару-жарақпен жеткілікті қаруланып, өз отбасын, малы мен жайылымдарын қорғауға дайын тұрды. Көшпелілердің негізгі дәүлеті мал болып, байлық өлшемін ірі және ұсақ мал құрады.

Мал көшпелілерге азық-түлік, киім-кешек, тұргын үй т.б. қажетті өнім берді, көлік міндетін атқарды. Алайда байлық өмір сүрудің негізгі мақсаты емес, әрбір далалықтың жеке бостандығы мен тәуелсіздігі және өмір сүруінің кепілі есептелінді. Мал санының көп болуы мұқтаждың өмір сүру мен ұлдарын үйлендіргенде қалыңмал төлеу үшін қажет еді. Байлықтың арқасында олар ата-баба аруағына бағыштап салтанатты ас берді. Қез келген адамды, тіпті жатжерліктерді де ақы алмай қонақ етіп күтті. Қазақ әдебиетінің белгілі зерттеушісі, ойшыл Мәшіүр Жүсіп Қөпейұлы Абылай хан заманында әрбір екінші қазақтың дәүлетті, бай болғандығын жазады. Бұл деректі Орта жүз қазақтары туралы жазған жазбаларында Шоқан Үәлиханов та растайды: «*Сібір қыргыздары (қазақтары) сыртқы округтік приказдар құрылғанга дейін оте дәүлетті де бай болған, бұған еш күмән келтіруге болмайды*».

Осындай дәүлетті Сапақ би туралы XIX ғасырдың алғашқы жартысында Солтүстік-Шығыс Қазақстан қазақтарының өмірі мен түрмисін зерттеген орыс офицері С. Броневский былай деп жазады: «*Орта жүзде оте бай қазақтар бар: мысалы, Қарпық болысындағы Сапақ бидің 10 мыңға жуық жылды, көптеген*

түйелер мен ұсақ малы болды; бір жайылымнан келесі қонысқа көшкенде дүние-мұлқін 150-ден астам түйеге артқан». Бай және ауқаттылардан Түйте Нүрекенов, Мұса Шорманов, Шон Едіге, Сағынай, Нұрмағамбет, Жексенбай және т.б. атап өтуге болады.

ХХ ғасырдың басындағы патша үкіметінің құлау қарсаңында бой көтерген Алаш қозғалысының өкілдеріне қазақ даласының әртүрлі аймақтарының дәuletті азаматтары қаржылық қолдау көрсетіп, қазақ мемлекеттілігінің қалыптасуына өз үлестерін қости. Олар – Қаражан Үкібаев, Медеу Оразбаев, Үкі Әділов, Хасен Ақаев, ағайынды Бекметовтер, Ыбырай Ақбаев, Маман байдың балалары, Иса Көпжасаров, Салық Омаров, Тобанияз Әлниязов т.б.

Ұлы дала кеңістігінде малшылардың басым бөлігі бай-қуатты болғандықтан, елде үрлық та орын алмаған. XIX ғасырдың ортасында М.И. Красовский бұл туралы былай жазған: «*Урлық... даладагы қазақтар арасында орын алмаған деп толық айта аламыз*». Қыстауларға ешкім тиіспеген. Дала жұрты есікті іштен құлыптау дегенді білген жоқ. Жаман ырымға теңеп мал басын да санамауга тырысқан. Дәuletті түрмис далалықтар өмірінің маңызды бөлігін мейрамдар мен ойын-сауықтарда, спорт сайыстарында, аңшылық пен саудада өткізуге мүмкіндік берді.

3. Егіншіліктің дамуы. Қазақстан аймағында табиғи-климаттық жағдайдың әртүрлілігіне байланысты көшпелі малшаруашылығымен қатар, егіншілік те орын алған. Кеңес өкіметі кезінде далалықтарда егіншілік ешқашан болған емес деген пікір айтылды.

Шын мәнінде, қазақтар егіншілікпен ежелден-ақ айналысқан. Оны тарихи, соның ішінде археологиялық деректер айқын дәлледейді. Өзен-көл, су көздері жақын өңірлерде егіншілік ошақтары дамыды. Егіншілік орталықтары – Сырдария, Іле, Шу, Нұра, Орал, Ертіс өзендері мен Балқаш, Алакөл, Зайсан көлдері маңы. Егіншілік ертеден-ақ Оңтүстік Қазақстан (Сырдария,

Ойлан

Қазақстан аумағын мекен еткен тұргындардың негізгі касіп түрі малшаруашылығы емес, егіншілік болған жағдайда қалай болар еді?

Қаратай) және Жетісу өңірлерінде кең өріс алды. Басқа аймақтарда да шағын қөлемде тұрғындар жер өндеумен айналысты.


Егіншілік неолит және энеолит кезеңінде қалыптасты. Алғашқы қола дәүірінің қарапайым орақтарын археологтар Шығыс Қазақстан мен Солтүстік Қазақстан өңірлерінен тапқан.

Қола дәүірінде Қазақстан аумағын мекендеген тайпалар егіншілік кәсібімен шұғылданды. Оны археологиялық деректер айқындалап берді. Андрон тайпаларында егіншілік қосалқы шаруашылық түрі болды. Андрондықтар жерді өндеу үшін тесе, қола және мыс орақтарды пайдаланған.

Б.з.б. VIII–VII ғасырларда Қазақстанның ежелгі тұрғындары ерте темір дәүірінде шаруашылықтың кешенді тұрімен айналысты. Оңтүстік Қазақстан мен Жетісуда жер өндеу кәсібі малшаруашылығымен қатар дамыды. Ежелгі тұрғындар жер өндеуде *суару қондыргыларын* пайдаланған. Сырдың орта ағысында пайда болған Қаңды мемлекетінде егіншілік қарқынды дамыды. Бұл өңірде отырықшы малшаруашылығымен ұштасқан тәлімді (суармайтын) және қолдан суаратын егіншілік түрі жүргізілді. Егіс алқаптарын суару үшін тогандар мен су қоймаларын салған.



Жер жырту.
Н.Г. Хлудов



Бұған Шыршық өзені бойынан ұзындығы 20 шақырымдай болатын Зах арығы орнының табылғаны дәлел бола алады.

Орта ғасырларда егіншілік Түркі қaganатында да шаруашылықтың бір саласы еді. Ертістің орта ағысын мекендеғен қимақтар IX–X ғасырларда егіншілікпен шұғылданды. Әл-Идриси мәліметі бойынша қимақтар бидай, арпа, күріш және жүзім есірген.

Кейін Шыңғысхан және Әмір Темір шапқыншылықтары салдарынан егіншілік құлдырап кетті. Қазақ хандығының құрылуды Жетісу және Сырдария алқаптарында егіншаруашылығын қайта жандандырды. Оны Отырардағы археологиялық қазба жұмыстары дәлелдейді.


15-беттегі картадан дәстүрлі шаруашылық түрлері қай өнірде, қалай дамығанын анықтаңдар.

1692 жылы қазақ жеріне келген елші В. Кобяков былай дейді: «*Тәуке ханда наң көп, қазақтар бидай, арпа және тары есіреді...*».

Қазақтар орыстарға астық сатып та отырды. Осы жайлы 1830 жылы С. Броневский: «*Астық далада айтарлықтай бар... Өскемен, Семей, Ертіс шебіне қазақтар ... бидай және тарыны базарга сатуга әкеліп тұрады; бұл кез кел-*



Ежелгі Зах арығы



Шаруашылыққа қажетті құрал-саймандар

ген орысты таңғалдырады», – деп жазды. Бұл – қазақ халқының егіншілікпен айналысқанының айқын дәлелі.

Қазақтар бидай, тары, арпа, күріш, жүгері екті. Шымкент және Перовск уездерінде мақта, Верный уезінде аздал темекі өсірді. Оңтүстік және Оңтүстік-Шығыс аймақтарда қауын, қарбызы, асқабақ, пияз, сәбіз екті. XIX ғасырдың соңынан бастап қазақтар мен орыс шаруалары қатар қоныстанған аудандарда жергілікті тұрғындар картоп, қияр және тағы басқа көгөніс түрлерін егумен айналысты.

Малға азықтық дақылдардан жоңышқа егу кеңінен таралды. Қазақстанның оңтүстік өңірлерінде қазақтар жеміс ағаштарын (алма, шие, өрік, алмұрт, жұзім) өсірді.


Отырықшы және жартылай отырықшы егіншілер астықты сақтау үшін жерді қазып *ца* немесе *қамба* салған.

Егіншаруашылығы арнайы еңбек құрал-саймандар жасауды қажет етті. Соқа, орак, айыр, күрек, кетпен, аша, тырма т.б. жер өндіреуге қажетті құралдар қолдан жасалды. XIX ғасырдың соны – XX ғасырдың басында қазақ шаруашылығында жер жыртуға *temir соқа* мен *мала* (топырақты майдалайтын құрал) да кең қолданыла бастады. Егінді *атпа* және *шығыр* (*су көтеретін құрылғы*) арқылы қолдан суарды.


Қазақтардың егіншаруашылығы, негізінен, тұтынуға қажетті астықты ғана өндіретін табиғи (натуралдық) сипатта болды. Кедейленген егіншілер (диқандар) байлардың егістіктерінде астықтың белгілі бір бөлігі үшін жалданып жұмыс істеді. Еңбек құралдары өте қарапайым еді. Мемлекет тарапынан қазақтар



Атпа



Соқа (жерағаш)



Жертұрма

астық түкімдары немесе еңбек құралдарымен қамтамасыз етілген жоқ.

4. XX ғасырдың басындағы қазақтардың жаппай егіншілікке өту себептері. XIX ғасырдың соңында қазақтарды жаппай егіншілікпен айналысуга мәжбүр еткен себептер: *біріншіден*, орыс шаруаларының қоныс аударуы салдарынан мал жайылымдары қысқарып, қала тұрғындарының саны өсті. *Екіншіден*, қазақтар егіншілікке өтпеген жағдайда қоныстанған аймақтардан күштеп ығыстырылатын қауіпті де ескерді. Егіншілікке өту арқылы қазақтар өз жерінде тұрақтап қалуға өрекеттенді. Бұл туралы «Азиялық Ресей» (СПб, 1914, 1 т.) кітабын құрастырушылар былай деп жазған: «Орыстардың қоныстануы бұл жерге (Далалық өлкеде) қазақтардың отырықшылыққа көшүімен бірге жүріп жатыр. Жайылымдардың қысқаруы оларды малшаруашылығынан отырықшы егіншаруашылығына көшуге мәжбүрледі».


Ушиншіден, патша өкіметінің отарлау саясаты қазақтарды отырықшылыққа көшіруді көздеді. Бұл жерде патшалық Ресейдің басты мақсаты – өлкенің негізгі тұрғындарын жерінен айырып, қоныс аударушыларға босатып беру және қазақ қоғамында патша билігі үстемдігін бекіту еді. Кейде қазақтар орыс шаруаларымен тәжірибе алmasып, олардан шаруашылықты жүргізу әдісін үйренген.

5. Аңшылық пен балық аулау. Қазақстанның жергілікті тұрғындары аңшылықпен ерте заманнан бері шұғылданды. Қазақ шаруашылығында аңшылық қосымша көсіп сипатында болды. Аң аулауга қыран құстар салу, құмай тазылар жүгірту, қақпан



Аңшылар

және тұзақ құру сияқты тәсілдер қолданылды. XIX ғасырдан аң аулауга мылтых әсерде пайдаланыла бастады. Қасқыр, түлкі, қарсақ ату кең таралды. Қымбат бағалы аң терілерін жәрмеңкелер мен сауда орындарына шығарып, сататын болды.



Ірі көлдер мен өзендерде, сондай-ақ Арас және Каспий теңіздерінде балық аулау едөүір дамыды. Қазақтар балықты тағам ретінде тұтынды және сату үшін аулады. Балық Ертіс пен Жайықта көп ауланатын.



Бүркіт ұстаган саятшы. С.М. Дудиннің суреті

Қорыта айтқанда, қазақ халқы малшаруашылығымен қатар, егіншілік көсібімен де айналысқан. Егіншілік көсібі Оңтүстік Қазақстан мен Жетісу өңірінде өртеден дамыған. Оған дәлел ретінде оқулықта келтірілген картада суармалы егіншілік және бау-бақша өсіретін аймақтар анық көрсетілген.

Тарихи дәстүр негізінде қалыптасқан малшаруашылығы мен егіншілік саласы бүгінгі күні ірі жетістіктерге жетті. Ауылшаруашылығы өніміне жаһандық сұраныс өсіп отырған қазіргі уақытта өндіріске жаңа технологияларды қеңінен енгізу керек.

- ?
- 1. Көшпелі қоғамда таптық бөлініс (бай мен кедей) болды ма?
- 2. XVIII–XIX ғасырларда көшпелі қазақ қоғамына орыс зерттеушілері қызығушылығының арту себебі неде?
- 3. «Көшпелілер тек малшаруашылығымен айналысты, өздері өнім өндірмеді». Бұл пікірге қалай қарайсындар?
- 4. Қазақ қоғамындағы ауқатты көшпелілердің рөлі қандай еді?
- 5. Қазіргі уақытта республикамыздың қай өңірлерінде егіншілік басым дамыған?



Еуроцентристік тұжырымдама – адамзат өркениетінде европалық немесе батыс халықтарының үстемдігі мен дамуын басқа ұлттардан жоғары қоятын философиялық ұғымдар жиынтығы.

Эрозия – қандай да бір нәрсенің жоғары қабатының толық немесе ішінара бұзылу үрдісі.

Суару қондырығылары – каналдар, арық-атыз желісі және басқа да техникалық құрылыштары бар суландыруды қамтамасыз ететін жүйе.

Атпа – егінге су шығаратын қарапайым құрылғы.

Шығыр – егістікке су шығару үшін жасалған, су ағатын науасы бар қарапайым құрал.

Шығармашылық тапсырмалар.

1-тапсырма. Көшпелі өмір салты мен отырықшы өмірді салыстырып, талдаңдар.

Көшпелі өмір	Отырықшылық

2-тапсырма. Қазақ халқының дәстүрлі малшаруашылығынан отырықшылыққа көшуіне қандай факторлар әсер еткенін анықтаңдар.



«Қайсақ (қазақ) орагы біраз иілген пышаққа көбірек үқсас, жақсы шықкан өнімнен күніне 20–30 баяу жасайды. Астық бастыру өгіздің көмегімен жүргізіледі, олар күні бойы жерге жайылған астықты қуалай басады. Қырман алдында лай су жіберіліп ылғалдандырылған, артынан құрғатылып тапталған жерде жасалады. Шамасына қарай егінші қазақ қырманға (белгілі шамада) өгіздерді жібереді, бірақ мен алтыдан аз болғанын көрмеппін.

Тапталған астық самал желдің көмегімен әдеттегідей елеңеді. Егер жел соқпаса, қазақтар бұрыннан қалыптасқан әдіс-

ке жүгінеді: біреуі астықты жоғарыға шашады, 2-3 не одан көп адам қаппен желпіп жел тұрғызады, осылайша астық үшірылып кептіріледі. Бірақ бұл басқа амал жоқ кезде, тағамға пайдаланатын ештеңе қалмаганда болатын сирек жағдай, әдетте, қазақ бұл арада уілдеп тұратын желдің соғуын сабырмен күтеді.

Озіне қысқы азыққа қажет тары немесе өзге астық түрін есептеп алған егінші қазақ оны ауылға әкеледі, әйелі оның барлығын қабығынан тазартады. Бұл үшін тарыны (сөл уақыт) шойын қазанда қуырып, келіге түйеді, содан кейін тазаланған және қуырылған дәнді (арнайы жасалған мықты жүн) қаптарға салады. Тарының қалған бөлігін ұра қазып, соған көмеді, ол арада тары қыс бойы немесе керек болғанша сақталады».

Егіншілік туралы /Уәлиханов Ш. Көптомдық шыгармалар жинағы. – Алматы, 2010, 3-том, 162-бет.



Көшпелілер астықты бастыруда қандай әдістерге жүгінді?

§3–4. Қолөнер мен кәсіптер

Оқу мақсаты:

- ✓ этнографиялық материалдардан қазақтарда қолөнер мен кәсіптердің дамуын сипаттау.

Тірек сөздер:

Қазақша	Орысша	Ағылшынша
Автохтонды	Автохтонный	Autochthonous
Қалау (тұрмыс-тық дәстүр)	Калау (бытовая традиция)	Kalau (household tradition)

Тақырыпқа шығу:

Суретке назар аударып, қазақ халқы қолөнер туындыларының ерекшелігі неде екенін айтындар.



1. Қазақ қолөнері мен кәсібінің бастаулары. Қазақтар көне дәуірден Қазақстан жерін мекендеген ежелгі тайпалар (сақтар, ғұндар, ортағасырлық түркілер, қыпшақтар т.б.) рухани-материалдық мәдениетінің тікелей мұрагері. Антрополог, академик О. Смағұлов дәлелдегендегі, Қазақстан жеріндегі тұрғындардың негізгі белігі төрт мың жыл бойы *автохтонды* түрде өлкені тұрақты мекендереп келді. Олардың ежелгі мәдениеті қазақ халқының материалдық және рухани мұрасымен тікелей байланысты және сабақтас келеді. Мысалы, сақтардың киізден жасалған бүйымдары қазіргі кездегі үлгілермен үндеседі. Киіз және теріден тігілген шалбар мен етік үлгілері XX ғасырдың бірінші жартысындағы дала тұрғындарында кездеседі. 1969 жылы белгілі археолог К. Ақышев ашқан Есік қорғанындағы қару-жарақтар мен күміс тостаған, ағаш ыдыстар және қыш құмыраларды кейінгі кезеңдегі тұрғындардың күнделікті өмірінен байқай аламыз. Сонау сақ заманынан бері қазақ халқы киіз үй жасауды білді.

Ежелгі заманда мыс, қола, темір балқыту ісі кеңінен дамыды. Академик Ә. Марғұлан тапқан Жезқазған маңындағы кен орындары бұл аумақтың көне металлургия орталықтарының бірі болғанын айғақтайды. Қазақтардың темір үсталары мен қолөнершілері металл өңдеудің тәсілдерін ежелгі заманнан берік сақтап, дамытып келеді.

2. Жаңа замандағы үй кәсібі мен қолөнердің жағдайы. XVIII ғасыр мен XX ғасырдың басында қазақтардың үй кәспішілігі мен қолөнерінде қалыптасқан дәстүр сақталып, үнемі жетілдірілүмен болды. Қазақ қоғамында, негізінен, малша-

руашылығы шикізаттарын өндеп, тұрмысқа қажетті бүйымдар, киім, сәндік әшекейлер жасады. Малшаруашылығы көшпелілер өмірін толық қамтамасыз етіп тұрды.

Ойлан

Қазіргі уақытта қазақ халқы көшпелілердің рухани және материалдық мәдениетін жалғастырып отыр ма?

Көшпелілер тұрмысындағы малдың маңызын Ш. Үәлиханов дәл сипаттайды: «*Көшпеліні iшіп-жегізетін де, киіндіретін де мал, ол үшін малының аман болганы қымбат. Қазақтардың аманасуы «малжан аман ба?» деуден басталады.*

Мал өсіру күнкөрістің негізгі көзі болғандықтан, малшаруашылығы барынша қалдықсыз өндіріске айналып, экологиялық және эстетикалық мәдениеттің жарқын үлгісі саналды. Мал өнімі ысырап етілмей, барынша қажетке жаратылып, «обал», «күнә» деген ұғымға теңелді. Малдың етін азық етсе, терісінен киім, аяқиім, әшекейлер, ыдыс-аяқ жасады. Сүйек пен мүйізден халық шеберлері түрлі қобдишалар, музикалық аспаптар мен үй жиназдарын қөмкерді.

Мал жүнінен және киізден киімнің сан алуан түрін, аяқ-киімдер мен тұрмыстық заттарды өзірледі. Үй және жабайы жануарлардың мүйізінен тарақтар жасап, жылқы жалынан мықты берік арқандар ескен. Қойдың тезегін отынға, жылқы тезегін үйдің сыртын сылауға пайдаланды. Төрт түлік сүйектерінен жоғары сапалы қара сабын қайнатылды. Жақсы



Сырмақ және аяқап

сұрыпты жүннен кілем мен киіз (сырмақ, текемет, аяққап, тұскиіз, алаша т.б.) дайындалды.

Жаңа заман зерттеушілері қазақ қолөнер кәсібінің «әйелдер қолөнері» мен «ерлер қолөнері» деп бөлінгені туралы жазады. Ерлер темір бұйымдар, киіз үйдің ағаш сүйектерін, ыдыстар жасады. Әйелдер жүн өндеп, киіз басты, киім тігіп, тоқыма, кесте, өрнек салу, тері илеу мен тон пішумен шұғылданды.

3. Ерлер кәсібі мен қолөнері. Ерлер кәсібі ұсталық, зергерлік, ағаш, сүйек, тас өндеу шеберлігін қамтыды. Қазақ ауылдарында ерте замандағы шеберлердің дәстүрлерін жалғастырган зергер-ұсталар алтын және күмістен түрлі бұйымдар жасаумен айналысты.

Зергерлер сырға, білезік, түйреуіштер, шашбау, шолпы т.б. әшекей бұйымдарын жасады. Ұста өзінің немесе тапсырыс берушінің үйінде жеке-дара жұмыс істеген.

XIX ғасырдың сонында ел арасында темір ұсталары үлкен абырайға ие болды. Олар темірден таға, үзенгі, пышақ, самаурын кернейі, қайши, орак, кетпен сияқты құрал-саймандар соқты. Зерттеуші И.Я. Словцов: «*Темір ұсталары балта, үзенгі, ер-тұрман, пышақ жасады... Бұл заттардың сапасы біздегі Ресей бұйымдарынан кем түспейді*», – деп қазақ ұсталарының жасаган бұйымдарына жоғары баға берген.

Сүйек үқсататын шеберлерді халық ерекше құрметтеді. Олар тұрмыстық бұйымдарды әсемдеуге мал сүйектерін (жауырын,



Тері торсық пен тостақ



Сандық

Ойлан

Неліктен көшпелілер қолөнер бұйымдарын жаппай сатылымға шыгармады?



Ер-тұрман



Қазақтың басқиімдері



Ер адамның тоны



Шапан



Әйел тоны



Күдереі тон



Ер адамның шалбары, белбейі, етігі

қабырға) пайдаланған. Үй жануары мен жабайы андар мұйізінен қанжар, қамшы, пышақтың сабы жасалды. Насыбай сақтайтын шақшага қой мүйізі, ожаудың сабы, тарақ сияқты заттарға ірі қараның сүйегі қолданылған. Тесағаш, асадал, адабақан, сандық, кебеже сияқты үй жиһаздары түрлі ою-өрнекпен безендірлді.

Тері және былғарыдан жасалған бүйымдар қазақ өмірінде ежелден маңызды орын алды. Теріден киім, аяққиім, ыдыстар, ат әзбелдері т.б. заттар дайындалды. Бұл кәсіппен, негізінен, ерлер айналысты. Әйелдер мал терісімен қатар, аң терілерінен де түрлі киімдер мен баскиімдерді оюлап, кесте тікті. Жабайы аң терісінен *тон* (*išik*) пішілді. Үй малы терісінен жасалған *саба*, *торсық*, *мес* сияқты ыдыстар күнделікті өмірде кеңінен қолданылды.

Тас қашаушылардың шеберлігі қабір үстінде құлпытастар түрғызуда көрініс тапты. Бұл өнердің кең таралған аймағы – Батыс Қазақстан өңірі. Аталған аймақта оңай өңделетін тау жыныстарының молынан кездесуі тас өңдеу кәсібінің дамуына әсер етті.

Ағаш өңдеуді кәсіп еткен үсталар аса жоғары бағаланды. Ағаш үсталары ер-тоқым, жерагаш, келі-келсан тағы басқа да малшаруашылығы, егіншілікпен айналысқан қазақ қауымының күнделікті түрмисына қажетті ағаш бүйымдар түрлерін жасай білді. Олар ағаштан дәңгелек, арба, шана, шығыр, ыдыстардың түрлерін (күбі, астау, шара, тегене, тостаған, ожау т.б.) және үй жиһаздарын жасауға маманданды. Ағаштан жасалған бүйымдарға үсталар сүйек пен күмістен өрнектеп ою салды. Қайың, қарағаш, үйеңкі ағашынан *айыр*, *тырма*, *күрек* сияқты құрал-саймандар дайындалды.

Қазақтың ыдыс-аяғы көші-қон салтына ыңғайлы, женіл, сынбайтын етіп тері және ағаштан әзірленетінін білеміз. Теріден бие саууга арналған ыдыс *көнек* жасалды. Ағаштан шабылған *тегене*, *шара*, *ожау*, *астау* сияқты ыдыс түрлері кең тарады.

Ойлан

«Ұсталық дәстүрді көп жағдайда бір өүлет әкілдері жалғастырып, атадан балаға мұра ретінде қалдырып отырды» деген пікірге өз кезқарасынды білдір.

4. Әйелдер қолөнері. Жаңа заманда әйелдер кәсібі мен қолөнері кеңінен дамыды. Қазақтар қыздарына жастайынан киім, аяқиім тігуді, кілем және алаша, кесте тоқуды үйретті. Әрбір қазақ әйелі үй кәсіптерінің барлық түрін толық меңгерген. Бұл туралы Құсмұрын округінің аға сұлтаны Шыңғыс Үәлиханов: «*Жейде, шапан, тон аң терісінен тігіледі. Малақай, шалбар, бешпент, қамзол, тақия – осының барлығын әйелдер өздері дайындаиды, сатып алмайды*», – деп жазған.

Киім, аяқиім, үй тұрмыстық заттары әрбір отбасында қажетіне қарай әзірленді. Әйелдер *сырмақ, тұсқиіз, текемет, кілем* түрлерін киізден жасады.

Қазақ кілемдері тоқылу ерекшелігіне қарай *тұкті* және *тақыр* деп аталды. Кілем тоқуға түйе немесе қой жүні қолданылды.

Кілемді жерге төседі немесе қабыргаға ілді. Сыйлы қонақ күткенде жаңа әдемі кілемдер төседі. Қазақ халқы кілемді сыйға беріп, бәйге жеңімпаздарына тарту етеді. Кілемді кейде *қалай* дәстүрі бойынша да беретін болған. Бұл халық өмірінде кілемнің маңызы мен бағалылығын көрсетеді.

Есіне түсір!

Қазақ халқындағы өзара көмек көрсету тағы қандай жағдайда көрініс тапты?

Кілем тоқу оңай шаруа болмағандықтан, оны бірнеше әйел, қыз-келіншектер бірігіп тоқыған. Ежелгі дәстүр бойынша *кілемасар* салтын өткізген.

5. Қазақтардың ою-өрнегі. Қой малының халқымыздың өміріндегі алатын орны ерекше болған. Қойды қастерлеудің ғасырлардан жалғасып келе жатқан езіндік айрықша мәні бар. Қой – далалықтардың негізгі байлық өлшемі есептелінді. Кіізден жасалған бұйымдарда *қошқармай* өрнегі байлық пен молшылықты, дәulet пен еркіндікті білдіретін. Ою-өрнек – қазақ халқының қолөнер саласында кең қолданылып келе жатқан көне өнердің бір түрі. Ою-өрнек арқылы шеберлер халықтың арман-мұддесін, өз ойларын, көніл күйін жеткізіп отырған. Қазақ ою-өрнегінің мыңжылдықтармен саналатын терең тарихы бар. Ежелгі Пазырық және тағы басқа Алтай қорғандарынан табылған бұйымдардағы ою-өрнектер қазіргі

қазақ оюларымен ұқсас келеді. Осы текстес ою-өрнектермен Есік обасындағы «Алтын адам» киімі де безендірілген. Академик Ә. Марғұлан: «*Бұл өнер туындысы (қазақтың ою-өрнегі – авт.) сақ, үйсін, гүн, түркі, қаңлы, қыпшақ секілді көне көшпелі тайпалар өнерінің негізінде қалыптасты*», – дейді.

Қазақ халқы тұрмысында қолданатын барлық заттарын: киім, баскиім, зергерлік әшекейлер, аяқиім, ыдыс, қубі, қоржын, музыкалық аспаптар, ер-тұрман, ат әбзелдері, киіз үйдің ішін, үй жиназдары, есік, қару-жарақ, шақша, бесік, сандық, қамшы, түкті және тақыр кілемдерді түрлі ою-өрнектермен әшекейлеп, безендіріп отырган. Дәстүрлі қазақ қоғамында ұлттық ою-өрнек түрлері халықтың дүниетанымдық түсінігі мен тұрмыс-тіршілігін, санасты мен ұлттық болмысын айқындайды. Ою-өрнектер, негізінен, сипаты жағынан зооморфтық (*аңдық стиль*), космогониялық (*қиял-гажайып*), өсімдік, геометриялық

Казақ ою-өрнегінің негізгі композициялық құрылымы:


- зооморфтық ою-өрнектер (жануарлар, аң-құс, балық, әртүрлі жәндіктер т.б.);
- өсімдік текстес ою-өрнектер;
- геометриялық (әртүрлі геометриялық денелерден құралады);
- қиял-гажайып өрнектер (бойтұмарлар, аспан әлемінің белгісі).

түрлерге жіктеледі. Кейде оларды бір-бірімен сабақтастырып, жарасымды етіп салған.

Ең жиі кездесетіні – зооморфтық ою-өрнектер. Қазақстанның кейбір аймақтарында өсіресе Батыс Қазақстанда, қабір үстіндегі құлпытастар бетіне де зооморфтық ою-өрнектер қашалған. Оның бірнеше түрлері – *мүйіз*, *қосмүйіз*, *сынықмүйіз*, *сыңармүйіз* кең таралған. Үй малына байланысты *табан*, *түйемойын*, *қазмойын*, *өркеш* т.б. өрнектер ұшырасады.

Өсімдік текстес: *агаш*, *жапырақ*, *цішжапырақ*, *шиышық*, *гүл*, *жауқазын* бейнелері бар ою-өрнектер бірлік пен келісім ұғымдарын білдіреді.

Космогониялық: *күн*, *ай*, *жүлдыз* тәрізді аспан өлемін білдіретін ою ұлгілері.



Киіз үйдің ішкі көрінісі

Геометриялық ою-өрнек: *сүйірбұрыш, төртбұрыш, үшбұрыш, айқышты, сопақша* түрлері де кеңінен таралған.

Ою-өрнек салуда, әдетте, қанық бояу түстері пайдаланылады. Қазақ халқының дарқан мінезі мен парасаттылығы қанық және ашық түстерді таңдауга әсер етті. Көк түс – аспанның, қызыл түс – оттың, күннің, ақ түс – ақиқаттың, қуаныштың, бақыттың, сары түс – ақыл, парасаттың, қара түс – жердің, жасыл – жастық, көктемнің түсінігін танытқан.

- ?**
1. Қазіргі уақытта қазақ халқының қолөнерін ұлттық тәрбиенің негізі ретінде жаңғыру мүмкін бе?
 2. Қазақ халқы қолөнер бүйымдарының қандай ұлттық ерекшеліктерін білесіндер?
 3. «Ұлттық қолөнер бүйымдары кез келген халықтың шаруашылық ерекшелігіне байланысты қалыптасады» деген тұжырымға қалай қарайсындар?
 4. Бүгінгі күнделікті өмірімізде ұлттық қолөнер туындылары қаншалықты пайдаланылады?




Автохонды – белгілі бір аймақтың ежелгі жергілікті халқы.

Қалау – тұрмыстық салт, өзіне ұнаған затты, бүйымды үй иесінен сұрап алу.

Шығармашылық тапсырмалар.

1-тапсырма. Қазақ халқы дәстүрлі қолөнер бүйымдарының өткен және бүгінгі күнгі сипатына Венн диаграммасы бойынша салыстырмалы талдау жасандар.



2-тапсырма. Киіз басу және киізден түрлі бұйымдар (текемет, сирмақ, баскиім т.б.) жасау өдісін ретімен жазыңдар.

3-тапсырма. Өздерің тұратын өңірде қазақ халқының және басқа үлттардың қолданбалы өнер бұйымдарын жасайтын шеберлер туралы зерттеу жүргізіндер.



«Кілем – үй жиһазы. Өсемдік үшін, бөлме жылышының сақтау, төсөніш мақсатында қолданылады. Халықтың көне заманнан бері келе жатқан дәстүрлі үй мүлкінің бірі болған кілем тұтынуға қолайлы, төзімді, шаң-тозаңнан тез тазартылатын, ылғал не құрғақшылықтан, күе түсуден қорықпайтын аса бағалы мүлік. Кілем тоқылу ерекшелігіне (тұкті, тақыр), материалына (жұн, жібек, мақта, кендір талшығы), көлеміне (кос күмбезді, бес күмбезді), ою-өрнектеріне қарай түрліше аталады. Тұкті кілем бірнеше қабаттан тұрады, мұндай кілемнің негізгі арқауы жекелеген жіптерден және бір-біріне тығыз орналасқан түйіндерден құралады. Жіптердің ұшын біркелкі қырқу арқылы жасалатын қалың түк мұндай түйіндерді көрсетпей жауып тұрады. Тұктің ұзындығы 3 мм-ден 18 мм-ге дейін болады. Ол кілемнің қалыңдығын, мықтылығын арттырумен бірге, барқыт тәрізді жұмсақ қылыш көрсетеді. Тықыр кілем (палас, сумаха, шпалер, терме алаша т.б.) бір өріс жібінен бір қабатты екі жақты тығыз етіп тоқылады. Тұғі қырқылмаған, кейде түгінің жартысы қырқылыш, жартысы қырқылмаған аралас кілемдер де шығарылады. Сонымен қатар тоқыма емес (тұғі тігілмелі, шыбықшалы, желімді кілемдер), түскиіз, ою-өрнек салынған тери кестелі өрме кілемдер де болады. Дайындалу тәсіліне қарай кілем қолдан және машинамен тоқылған болып екіге бөлінеді. Кілемнің алғашқы түрлері Алтай тауы маңындағы қола дәүіріне жататын Пазырық, Нойын-Улинск қорғанынан табылған. Қазіргі түркі халықтары кілемдері үлгілерінің өзара үқсастығы да осы ортақ бастауға меңзейді. Қазақ кілемнің арғы төркіні байырғы сақ, үйсін, ғұн өнерінің мұраларына саяды. Кілемдерде шеберлер қызыл, қара, сары, күлгін, аспан көк түстерді қолдану арқылы

өз дәүірінің әдет-ғұрып, салт-жора, тіршілігі мен кәсібін табиғат көрінісімен астастыра бейнелеген.

Кілем тоқу – қолмен немесе машинамен кілем өндіру үдерісі. Кілем тоқу – қолмен және машинамен тоқу болып екіге бөлінеді. Қолдан тоқылған кілем тоқыма станоктарында өндіріледі. Мұндай кілем өте берік келеді, күтіп ұстағанда ондаған жылдар бойы, кейде жұз жылдан астам уақыт пайдалануға болады. Қолдан тоқылған түкті кілемді тоқуға жұн (қой, ешкі, түйе жұні), мақта мата, жібек, зығыр, кендір жіптері пайдаланылады. Қолмен тоқылатын кілемнің түгі өртүрлі бояулы жіптерді өрбір екі өріс жібіне шалу арқылы жасалады. Майда өрнек қажет болғанда бір ғана өріс жібіне түйіледі. Олар көбіне қос шалымды, кейде бір жарым шалымды тұзақша түрінде болады да, ұшы бетіне шығарылып, қырқылып тасталады. Бірыңғай қатар жатқан тұзақшалардан кейін арқау жібін жүргізіп, алдыңғыларына қарай тарақпен нығыздай қағып отырады. Түк үшін жұннен іірілген жіп (кейде жібек жіп), ал өріс және арқау үшін мақта жіп қолданылады. Кілем тоқу халықтың өте ертеден келе жатқан қолөнері».

Қазақстан. Ұлттық энциклопедия. – Алматы, 2003, 5-том, 149–150-беттер.



Өздерің тұратын аймақта кілем тоқудың дәстүрлі әдісі сақталған ба?

Екінші тарау

ДАЛА МЕН ҚАЛА: ӨЗАРА ҚАРЫМ-ҚАТЫНАС ЖӘНЕ ӨЗАРА ӘСЕРІ

§5–6. Қазақстан қала мәдениетінің дамуындағы Ұлы Жібек жолының рөлі

Оқу мақсаты:

- ✓ картаны пайдаланып, Ұлы Жібек жолының Қазақстан аумағындағы бағыттары мен жолдарын зерттеу;
- ✓ Қазақстан аумағында қалалардың пайда болуы мен дамуындағы Ұлы Жібек жолының рөлін талдау.

Тірек сөздер:

Қазақша	Орысша	Ағылшынша
Пайза	Пайцза	Paiza
Көпес	Купец	Merchant
Рабад	Рабад	Rabad

Тақырыпқа шығу:




Ортағасырлық қала



Ұлы Жібек жолы бойындағы керуен

Бұл екі суретті қалай байланыстыруға болады?



Жібек жолы.
Е. Телепбаев


1. Ұлы Жібек жолы және Қазақстан.

Ұлы Жібек жолы – елдер мен халықтардың қатынасын нығайтқан, түрлі мәдениеттерді бір-бірімен жақыннатқан, Қазақстан жеріндегі қала мәдениетіне ықпалын тигізген байланыс жолы болды. Шығыс пен Батыс елдерін байланыстыратын сауда жолының бағыты ретінде бекіту үшін «Жібек жолы» атауын 1877 жылы неміс ғалымы, географ Ф. Рихтгофен ұсынған болатын. Оның «Қытай» атты еңбегінде алғаш аталған бұл тарихи термин ғылыми әдебиеттерде қалыптасып кетті. Жолдың маңыздылығы мен мындаған шақырымды құрайтын қашықтығына байланысты «ұлы» сөзі қосылды.

Бұл түрлі бағыттағы керуен жолы еді. Б.з.б. II ғасырда Қытай жерінен басталып, Жерорта теңізіне қарай шыққан. Ұлы Жібек жолының негізгі торабы Оңтүстік Қазақстан мен Жетісу жерін басып өткен. Жетісу өңірі – Ұлы Жібек жолының Шығысқа шығатын, ал Оңтүстік Қазақстан аймағы – Батысқа шығатын

Есіңе түсір


Адамзат тарихында Ұлы Жібек жолының маңызы қандай?

Тараздан табылған
сырлы қыш табақТалғардан табылған
сырлы қыш табақОтырадардан табылған
сырлы қыш табақ
және құмыра

қақпаларының бірі болған. Бұл тақырыпта келтірілген картада (37-бет) айқын көрінеді. Шығыс пен Батысты үштастырган бұл жолда Қазақстан мемлекеттерді өзара байланыстыруши буынға айналды. Бүкіл Еуразияға осы бағытпен білім мен технологиялар, мәдениет пен дін, тауар мен көрсетілетін қызметтер туралы ақпарат тарады. Басты тауарлары жібек, араб аргымактары, нефрит т.б. асыл тастар мен фарфор еді. Сауда дамыған сайдын өнім өндіру тәсілдері артып, елдер арасында өтімді тауарлар: шарап, жонышқа, кептірілген жеміс, кілем, тұрмыстық бұйымдар ағыла бастады. Мысалы, үйсін жері арқылы асыл тастар мен жібек, фарфор артылған қытайлықтардың ірі керуені өткен.

Жібек сауданың басты тауары саналды. Фалымдардың пайымдауынша, жібек өндіру технологиясы осыдан 6000 жыл бұрын ашылған. Жібек маталарды адамдар ерте замандарда-ақ жоғары бағалаған. Жібек – жұқа, жеңіл, жұмсақ мата. Таза және табиғи болғандықтан, заарсыздандыру қасиеті де бар. Жібек өндіруші елдер мен оны тұтынушылар жібектен тігілген киімге жәндіктердің жоламайтынын байқаған. Жібек киімдер әдемі және ыңғайлы, сәнді еді. Сондықтан жібек жасаудың құпиясы ғасырлар бойы қатаң сақталды. Қытайдан шығарылған маталар Ұлы Жібек жолы арқылы дүниежүзінің басқа аймақтарына таралып, қазынаға мол табыс өкелген. Қытайдан кейін жібек құрты Шығыс Түркістан, Орта Азия, Үндістан, Иран, Византия елдерінде өндірле басталды.

Түркі ақсүйектері тек жібек матадан тігілген киімдер киді. Мысалы, Тон Жабгу



қағанның (VII ғ.) жасыл жібек шапан кигені белгілі. Араб географы әл-Идриси мәліметтері бойынша, дәулетті қимақтар түрлі түсті жібек киімдер киген. XVIII ғасырдағы ғалым, этнограф И. Георги далалықтардың жібек матадан тігілген киімдер кигені туралы жазады.

Алтынмен бірге жібек халықаралық валютаға айналды, айырбас өлшемі ретінде бекітілді. Жібек сыйға тартылды, жалдамалы әскерлерге және қызметкерлерге ақы ретінде төленді. Ортағасырлық түркілердің аттарын жібекке айырбастап отырганы белгілі.

Жібек жолының бойымен Еуропадан Қазақстан жеріне әйнек және теңгелер, айна, шыны ыдыстар, түймелер мен қапсырмалар жеткізілді. Қазақстан жерінен тері мен жұн, жылқы, қой тасылған.

Ежелгі заманнан бері Ұлы Жібек жолында тауарды түйе және есектермен тасымалдады. Әсіресе түйені шөл даланың кемесі ретінде жоғары бағалады. Олар су көздерін өздігінен таба алады.

Пікірің қажет

Қазіргі уақытта Ұлы Жібек жолын жаңғыруға мүмкіндігі бар ма?


Бір өркешті түйеден ғері қосөркешті түйе көбірек пайдаланылды.

Софыс уақытында жол тораптарында сауда бәсендеп, бейбіт күндері қайта жанданып отырған. Ежелгі Қытай деректерінде б.з.б. I ғасырда жібек артылған керуендердің Батыс елдеріне жеткені айтылады. VI ғасырда қуатты Түрік қағанаты құрылған кезде Қытайдан Жетісу мен Оңтүстік Қазақстан жері арқылы өтетін Жібек жолы тармағы барынша өркендеді.

VI–XIII ғасырларда Ұлы Жібек жолының негізгі бағыты Сирия – Иран жері – Орта Азия – Оңтүстік Қазақстан – Талас, Шу алқабы – Ыстықкөл, Шығыс Түркістан арқылы өткен.

Келесі бір тармағы Византиядан Дербент арқылы Каспий маңы даласы – Маңғыстау – Аral бойы – Оңтүстік Қазақстан жерін байланыстырған. Тағы бір бағыты Орталық Қазақстан аумағынан Шығыс Қазақстан мен Батыс Сібірге жеткен.

Ұлы Жібек жолының негізгі бағыты Арал теңізін жағалай Сырдария, Шу өзендері арқылы Жетісудан Жоңғар қақпасына жеткен. Соныменен Батыс пен Шығыс елдерін байланыстыра-



Сауда керуені

тын жол Қазақстан жері арқылы өтіп, сауда қарым-қатынас аясы кеңеіе түскен.

Түрік қағандары Жетісу аумағын басып өтетін сауда керуендерін қол астына қаратып, толық бақылауына алды. Түрік билеушілері мен ауқатты түркілер ағылып келіп жатқан тауарлардың ірі тұтынушысы еді. XIII ғасырда Ұлы Жібек жолын Моңгол империясы тиімді пайдаланып, өз бақылауына алады. Бұл кезеңде керуен жолы біршама гүлденіп, халықаралық сауда мен мәдени байланыстарға өз үлесін қосып тұрды. Моңголдар сауданың дамуын қолдап, дінге қысым көрсетпеді. Моңгол билеушілерінің ордалары ірі сауда қалаларында орналасты. Ұлы Жібек жолының кедендері мен транзиттік бекеттерінде жолаушылар азық-түлік қорын толықтырып, болдырган аттарын алмастырды, қажет жағдайда жолсерік қызметі де көрсетілді. Жол бойында жаңа қалалар мен керуен-сарайлар бой көтерді. Керуеншілерге қызмет түрін ұсынып отырған керуен-сарайлардың жолаушылар үшін маңызы зор еді. Көпестер үшін керуен-сарайлар тауар өткізетін

Талқыла

Сауданың дамуы қоғамды қандай өзгерістерге жеткізді?

және тауар сатып алатын маңызды сауда орталығы саналды. Ке-руен-сарайлар ауыр және алыс жолдағы керуеншілердің рухани мұқтажын өтейтін мәдени орталықтарға айнала бастады.

Жібек жолын бақылауға алған империялар сауданың қа-үіпсіздігін қамтамасыз ету мақсатымен керуендерге және діни миссияларға арнайы өкілеттік құқық *пайдалар* табыс еткен. Олардың тоналуына жол бермеген. Жолды қорғау үшін қарулы күзет қойылып, байланысшылар хабарды дер кезінде жеткізіп отырған.

Әмір Темір мемлекетінің тарих сахнасына шығуымен XIV ғасырдың сонында Ұлы Жібек жолындағы сауда қатынастары біршама құлдырады. Әмір Темірдің әскери ұрыс қымылдары мен шапқыншылық жорықтары нәтижесінде қалалар қирады, жерлер тоналды, көрші елдердің экономикасы талқандалды, транзиттік сауда желісі үзілді.

Теңіз жолдарының ашылуы да Ұлы Жібек жолының құлдырауына әсер етті.

Қазақ хандығының құрылуы мен нығаюы кезінде Ұлы Жібек жолының Ұлы даламен өтетін тармағындағы сауда жандана тусты.

Ұлы Жібек жолының қазақстандық бағытындағы сауданың дамуы ақша жүйесінің қалыптасуына әкелді. Жол бойында әр елдердің теңгелерін айырбастау орындары болды. Отыrar, Испиджаб, Тараз, Жент, Қойлық қалаларында теңге сарайлары жұмыс істеді. Теңгелер (пұл), мыс пен күміс ақшалар, дирхем, алтын динар соғылды.

Жошы ұлысында теңгелер Сарайшық, Сығанак және т.б. қалаларда шығарылды. Қолөнершілер шаруашылыққа қажетті құрал-саймандар, сәндік бүйімдар жасаумен айналысты. Ұлы Жібек жолы Шығыс пен Батыс елдері арасындағы экономикалық, мәдени, дипломатиялық байланыстарды дамытуда маңызды рөл атқарды.

2. Ұлы Жібек жолы бойындағы қалалар. Ұлы Жібек жолы тармақтарының Қазақстан жерін басып өтуі ірі және шағын қалалардың құрылуы мен дамуына игі әсер етті. 2000 жылдан



Қолөнершілер. Б. Ақанаев

астам тарихы бар *Тараз* – ең ірі қалалардың бірі. 568 жылы түрік қаганы Дизабул Византия императоры II Юстиниан жіберген дипломатиялық елшілікті қабылдаған. Тараз – түргештер, кейін қарлуктар мен қарахандықтар үшін маңызды әкімшілік орталығы саналған. Бұл – Тараздың сауда және әскери стратегиялық маңызды қала екенінің айқын дәлелі. Деректер бойынша қаланы ежелгі кезде ғүндар әскери бекініс ретінде орнатқан. Қала тұрғындары мықты жауынгерлер, жол бойымен өтетін керуен күзетін атқарып тұрған. XI ғасырдағы парсы ғұламасы Тебризи қалалықтарға: «*Тараздықтар сияқты батыл, арабтар сияқты жомарт*», – деген мінездеме берген. Тараз маңында қорғасын, күміс, темір және алтын өндіретін металургиялық орындар дамыған.

Ойлан


Ұлы Жібек жолы бойындағы қалалардың стратегиялық маңызы неде?

Араб ғалымы ибн Хаукаль: «*Тараз – мұсылман түркілердің сауда жасайтын орны*» немесе «*Тараз – көпестер қаласы*» деп атады. Қала ішінде су құбырлары жүргізілген.

37-беттегі картадан Ұлы Жібек жолының Қазақстан аумағынан еткен тармақтарын анықтаңдар.

Жетісүдің аса ірі сауда және өкімшілік орталығы Суяб – Батыс Түрік, кейін Түргеш, Қарлук қaganаттарының астанасы болды. 629 жылы Суяб қаласында болған будда монахы Сюань Цзянь Түркі қaganымен кездесуін былай сипаттайтын: «Бұл жатжерліктердің жылқылары әдемі. Қаган жасыл жібек шапан киген, басы ашиқ, жібек мата гана ораган. Оған сөнді шапан киген, шаштарын бұрым етіп орген екі жұзден астам тархандар еріп жүрді. Түйелер мен жылқыларға мінгендердің санында есеп жоқ, көзбен шолу мұмкін емес». VIII ғасырда қала халқының саны үнемі өсіп отырған. Ортағасырлық қалалардың бірі Баласағын – Қарахандардың астанасы есептелді.

Ұлы Жібек жолының тармақтары Іле Алатауының етегіндегі шағын қалалар арқылы өтті. Солардың бірі транзиттік сауда орталығы Талхиз (*Талхир*) бен Алмалық қаласы. Ұлы Жібек жолы бойындағы ірі қалалар қатарында Испиджаб (*Сайрам*) аталады. Орта ғасырларда Испиджаб сауда және дін орталығына айналды. Деректерде қала атауы алғаш рет VII ғасырда



Ортағасырлық Испиджаб қаласы

кездеседі. Махмұт Қашғари «Сайрам – ақ қаланың аты, оны Испиджаб атайды» деп көрсетеді. Жергілікті көпестер ақ мatalар, қару-жарақ, зергерлік бүйымдар мен ыдыстарды басқа жерлерге жеткізіп тұрды. Қалада теңге сарайы, базарлар, матасататын орындар (тимдер) және керуен-сарайлар көп салынған. Қаладағы керуен-сарайлар жолаушы көпестер үшін маңызды рөл атқарды. Керуен-сарайлар құрылыштарын бай көпестер тұргызды. Олар, әдетте, биік дуалдармен қоршалды. Керуен-сарайларда сауда жүргізіліп, қажетті ақпарат алмасатын орталық жұмыс істеген.

Керуен-сарайлардың біраз бөлігін ірі қалалардан келген көпестер иеленді. Испиджаб қаласының төңірегінде ондаған шағын қалашықтар мен тұрақтар орналасқан. Қала халқының саны адамдардың қалага ағылуы есебінен өсти.

Ұлы Жібек жолы бойындағы атақты қалалардың бірі – *Отыrap (Фараб)*. Орта ғасырларда Отыrap Сыр өңірінің ірі сауда және мәдениет орталығына айналды. Қалада монша, мешіттер мен медреселер көп тұргызылыған. Отырапада Шығыстың екінші үстазы Әбу Насыр әл-Фараби дүниеге келді. Отырықшы қала тұргындары мен көшпелі халық арасында мықты байланыс орнатылды. Жау шапқыншылықтары кезінде олар бірігіп отырды. Көшпелі халық қаланың берік қамалында жасырынды.

Ұлы Жібек жолы тармағында көне *Түркістан (Йасы)* қаласы орналасқан. XIV ғасырдың соңы – XV ғасырдың басында қала Оңтүстік Қазақстан өңірінде маңызды әкімшілік, сауда, саяси және мәдени орталық ретінде санала бастайды. Ол әйгілі ғұлама Қожа Ахмет Ясауи кесенесінің тұргызылуымен байланысты еді. Қазақ хандары Түркістан қаласын саяси астана ретінде бекітті. Ортағасырлық тарихшы ибн Рузбехан мәліметтері бойынша, қала Орта Азия мен Қытай аралығында атақты сауда бекетіне айналған: «*Йасы қаласына тауарлар мен қымбат багалы заттар жеткізіледі де, сол жерде сату басталады. Қала көпестердің теңделген жүктөрін шешіп, саяхатшылар тобын әр елге атмандыратын орын есептелінді*». Кейінгі ғасырларда Түркістан ірі егіншілік аймагының орталығы болып қала берді.

Түркістаннан солтүстік-шығысқа қарай ортағасырлық ірі сауда қалаларының бірі *Сауран* орналасты. Қала туралы алғашқы мәліметтер X ғасырға жатады. Сол кезде өмір сүрген араб географы әл-Макдиси қаланы былай деп сипаттайды: «*Сауран – бірінен кейін бірі жеті қабыргамен қоршалған үлкен қала, оның рабады бар, үлкен мешіт ішкі қалада орналасқан*». XVI ғасырда ибн Рузбекхан Сауран шаһары туралы: «*Бұл қала керемет көркем, ауасы оте таза, адам жанын көркейтіп, сергітеді. Маңайы құлпырган бау-бақшалар мен әртүрлі ағаштарға толы, қаланы айналдыра биік дуалдар қоршап тұр, ал оның етегіне терең ор қазылғандықтан жау ала алмайды*», – деп жазады.

Қала сүмен көріздер жүйесі арқылы қамтамасыз етілді. Сауранның жаугершілік жағдайға лайықтап түрғызылған қалың қорғаныс дуалдары оны мықты бекініс ретінде танымал етті.

3. Керуендердің қауіпсіздігін қорғау. Ұлы Жібек жолы бойындағы керуендерге қарақшылар үнемі қауіп төндіріп тұрды. Сондықтан саудагерлер жолға аса дайындықпен шығатын. Қөпестер жеке қауіпсіздігі мен тауар сақталуын қамтамасыз ету үшін арнайы күзетшілерді жалдап отырды. Ұлы даланың қыр-сырын билетін көшпелілердің ең мықты күзетшілер болғаны анық. Әр қаладан бір бағытқа шыққан керуендер біргіп те отырған. Ежелгі кезден бастап ортағасырларда да керуендерді тонау ең ауыр қылмыстар қатарына жатты. Себебі сауда керуендері мемлекет тарапынан жасақталып жіберілді. Ал олардың тоналуы елдер арасындағы қақтығыстарға әкелуі мүмкін еді. Жолды қорғау мақсатында ел билеушілері қарауылдарын қойып, қауіпсіздікті қамтамасыз етіп тұрды. Керуендер мемлекеттік қазынаға мол табыс әкелген.

Араб саяхатшысы ибн Фадлан оғыздарға жатжерліктердің келу тәртібі туралы: «*Оның достарының ішинен белгілі бір адамды сенімді серік етіп тағайындалмайынша, ол елді аралап шыга алмайды. Оған қажетті киім-кешек, ал әйеліне корпе, бұрыш, тары, мейіз, жаңғақ т.б. азық-түлік әкеліп береді. Сенімді серігі қонағы үшін арнайы киіз үй тігеді және оған қажетінше мал жеткізіп береді*», – деп жазды. Бұл дерек түркілер жерінен өтетін



Жолдағы сауда керуені

Ұлы Жібек жолы тармағының сенімді де қауіпсіз болғандығын көрсетеді.

4. Ұлы Жібек жолының әлеуметтік-мәдени маңызы. Ұлы Жібек жолы тармақтарының Қазақстан қалалары арқылы өтуі мәдениет пен өнердің дамуына септігін тигізді. Саудамен қатар, Қытай, Алдыңғы Азия, Еділ Бұлгариясы т.б. елдермен дипломатиялық және экономикалық қарым-қатынастар орнатқан жол болды. Жібек жолы жаңа технологиялар мен жаңалықтар, мәдени, ғылыми жетістіктер алмасу жолы да еді. Қазақстан осы жол арқылы қағаз және оқ-дәрімен танысты. Бүкіл әлем соғыс арбаларын жасауды игерді, басқа да әскери өнер жаңалықтары тарады. Сақтардың «аң стиліндегі» алтын бүйімдарының таңғажайып ұлгілері осы жол арқылы бүкіл әлемге паш етілді. Жібек жолымен Қазақстанга басқа елдердің сөүлет құрылыштары, бейнелеу өнері, би, музика сияқты мәдени ауысулары ағылып жатты. Жергілікті халық киім-кешек пен қару-жарақ, сауыт-сайман, дәмдеуіштер мен кептірілген жемістер сатып алды. Батыс пен Шығысты түйістіріп тұрған сауда жолымен христиан, буддизм, ислам, манихейлік діни ағымдар тарады. Қазақ-

Ойлан

Ұлы Жібек жолы бойындағы қалалардың құлдырауына қандай себептер өсер етті?

стан аумағын мекендерген халықтар ғасырлар бойы әртүрлі діндер мен конфессияларға төзімді және келісімді өмір сүріп келгені – ежелден келе жатқан дәстүр.

Ұлы Жібек жолының ортаазиялық бағытында халықаралық сұхбат үрдісі орнықты. Батыс пен Шығыс, Еуропа мен Азия түйісетін Ұлы Жібек жолында біріне бірі ұқсамайтын мәдениеттердің өзара құндылықтар алмасулары үшін қолайлы жағдай қалыптасты.

1987 жылы ЮНЕСКО шешімі бойынша Ұлы Жібек жолын қайта жаңғырту жобасы қабылданды.

1996 жылы Ташкентте түркі мемлекеттері президенттерінің бірлескен декларациясында Ұлы Жібек жолы басты нысан етіп алынды. 1997 жылы Қазақстан Республикасының Тұңғыш Президенті – Елбасы Н.Ә. Назарбаев «Қазақстан Республикасында Ұлы Жібек жолы бойында туризм инфрақұрылымын дамыту туралы түркі тілдес мемлекеттер басшыларының Ташкент декларациясын, ЮНЕСКО мен ДСҰ жобасын іске асыру» туралы Жарлыққа қол қойды.

Пікір білдір

Ұлы Жібек жолының жаңғыруы осы жол бойында орналасқан мемлекеттерге қандай мүмкіндіктер береді?

Елдері бойынша «Бір белдеу, бір жол» стратегиялық бағдарламасы, «Жібек жолының экономикалық белдеуі» бастамасы жүзеге асырылуда. Сонымен қатар біздің жерімізден «Батыс Еуропа – Батыс Қытай» автокөлік дәлізі етеді. Бұл жоба тасымалданатын жүктердің транзитінен Қазақстанға қаржылай мол табыс әкеледі.



1. Ұлы Жібек жолы бойындағы сауданың түркі кезеңінде жандану себебін түсіндіріңдер.
2. Мемлекеттер арасындағы дипломатиялық қатынастарды нығайтуда Ұлы Жібек жолы қандай рөл атқарды?
3. Ұлы Жібек жолы бойында орналасқан қай қалалар бүгінгі күнге дейін сақталған?

4. Ұлы Жібек жолының Қазақстан тарихына қосқан үлесіне баға беріндер.



Көпес – көсіпкерлікпен, негізінен, сауда-саттықпен айналысадын әлеуметтік топ өкілі. Тауарды екінші бір мемлекетке апарып са-тып немесе сол жердегі халықтың қолөнер бұйымдарына айыр-бастап отыратын меншігінде сауда жасайтын көсіпорны бар бай саудагер.

Рабад – ортағасырлық қалалардың қарапайым халық тұратын шеткі белігі. Қаланың шетіндегі мекенжай.

Пайза – моңғол қағандарының күәлікке беретін ерекше белгісі.

Шығармашылық тапсырмалар.

1-тапсырма. Көп нүктенің орнына «*көпестер, саудагерлер, елши-лер, миссионерлер, саяхатшылар*» деген көмекші сөздердің бірін қойып, сөйлемді жалғастырыңдар.

Ұлы Жібек жолы бойымен өткен ... мақсаты:

2-тапсырма. Ұлы Жібек жолы бойындағы қалалардың пайда болуы мен дамуына PEST талдау жасаңдар.

P – political (саяси)

E – economical (экономикалық)

S – social (әлеуметтік)

T – technical (техникалық)



Еліміздің географиялық тұрғыдан ұтымды, яғни Еуразия құрлығының кіндігінде орналасуы ежелден әртүрлі мемлекеттер мен әркениеттер арасында транзиттік «дәліздердің» пайда болуына септігін тигізді. Біздің дәуірімізден бастап бұл құрлық жолдары Ұлken Еуразияның Шығысы мен Батысы, Солтүстігі мен Оңтүстігі арасындағы сауда және мәдениет саласындағы байланыстардың трансконтиненталды желісіне – Ұлы Жібек жолы жүйесіне айналды.

Бұл жол халықтар арасындағы жаһандық өзара тауар айна-лымы мен зияткерлік ынтымақтастықтың қалыптасып, дамуы үшін орнықты платформа болды.

Керуен жолдарын мінсіз үйімдастырып, қауіпсіздігін қамта-масыз еткен Ұлы дала халқы ежелгі және орта ғасырлардағы

аса маңызды сауда қатынасының басты дәнекері саналды. Дала белдеуі Қытай, Үнді, Парсы, Жерорта теңізі, Таяу Шығыс және славян өркениеттерін байланыстырды.

Алғаш пайда болған сәттен бастап, Ұлы Жібек жолы картасы, негізінен, Түрік империяларының аумағын қамтыды. Орталық Еуразияда түркілер ұstemдік құрған кезеңде Ұлы Жібек жолы гүлдену шегіне жетіп, халықаралық ауқымда экономиканы өркендештеге және мәдениетті дамытуға септігін тигізді..

ҚР Тұңғыш Президенті Н.Ә. Назарбаевтың «Ұлы даланың жеті қыры» атты мақаласынан қарастырылған. «Егемен Қазақстан», 21 қараша, 2018 жыл.



Елбасы өз мақаласында Ұлы Жібек жолына арнайы тоқталуының қаншалықты маңызы бар деп ойлайсындар?

§7–8. Экономикалық және мәдени қарым-қатынастың дамуы мен өзара әсері

Оқу маңсаты:

- ✓ сауда-экономикалық қарым-қатынастар жүйесінде көшпелі және отырықшы халықтың өзара қарым-қатынасын сипаттау;
- ✓ дереккөздер негізінде көшпелі және отырықшы халықтың мәдени өзара әсерін анықтау.

Тірек сөздер:

Қазақша	Орысша	Ағылшынша
Жатақтар (әлеу-меттік топ)	Жатаки (социальная группа)	Zhataks (social group)
Дың ескерткіштері	Памятники Дын	Monuments of Dyn

Тақырыпқа шығу:

«Мемлекет көшпелілер мен отырықшы-егіншілердің өзара қақтығысынан қорғану мақсатында пайда болды».

Иммануил Кант

Неміс философының тұжырымымен келісесіндер ме? Пікірлерінді дәлелдендер.

1. Көшпелі және отырықшы елдердің экономикалық-мәдени байланыстары. Қазақстанның ежелгі тайпаларында энеолит, қола және ерте темір дәуірінде көшпелі өркениеттің пайда болып, қалыптасу кезеңінде малшаруашылығы, егіншілік пен қолөнер сияқты шаруашылық бөлініс біртіндеп орныға бастаған еді. Ежелгі тайпалар көшпелі және жартылай көшпелі әмбебап шаруашылық кешенін құрады. Егіншілік өнімі жеткіліксіз болғандықтан, оларға сұраныс артып, далалықтар астықты көрші отырықшылардан және қала тұргындарынан малға айырбастап алды. Көшпелілер мен отырықшылардың мәдени және дүниен-



VI–VIII ғасырлардағы Орта Азия халықтарының киімдері



Оғыздардың
еңбек құралдары:
күрек, шалғы



Қола құман

танимдық құндылықтармен алмасуы қатар жүрді. Шаруашылық-экономикалық байланыстар арқылы бір-бірінің мәдениетін байытты. Бұл үрдіс көшпелілер мен отырықшы халықтардың киімдері мен құнделікті өмірінде айқын көрінді.

Отырықшы-егіншілік мәдениет дамыған аймақтарда аз көлемде болса да, малшаруашылығы орын алды. Қазақстан жерінде ежелден мәдени-шаруашылық дәстүрдің екі түрі қалыптасқанын білеміз. Бірінші - көшпелі малшаруашылығы Қазақстанның негізгі бөлігін қамтыды. Екінші - отырықшы-егіншілік оңтүстік аймақтарда тараған. Суармалы егіншілік, қала мәдениеті, қолөнер осы өңірдің негізгі шаруашылық түрін құрады.

2. Оңтүстік Қазақстан мен Жетісу аумағындағы мемлекеттердің шаруашылық-мәдени дәстүрінің жағдайы. Ерте темір дәуірінде Жетісу жерін үйсіндер, Арыс, Талас, Сырдария бойында қаңылар мекендейген. Оларда көшпелілікпен қатар, отырықшылық тұрмыс та өркендеген. Қала мәдениеті, малшаруашылығы, егіншілік пен қолөнер кәсібі дамыған.

Дала мен қала сауда, шаруашылық және әскери-саяси тұрғыда бір-бірімен қарым-қатынас жасап отырды. Қазақстан қалалары, қаңылар мен үйсін заманынан бастап түркі мемлекеттері – тургеш, қарлуқ, оғыз, қыпшақтар билеушілеріне бағынып келді. Қалалардың ішкі өзін-өзі басқару жүйесі туралы Сюань Цзянь былай деп жазады: «Олардың әрқайсысының өз бастығы бар. Олар бір-біріне тәуелді болмаса да, бәрі қаганга бағынады». Ирі

Ойлан

Неліктен Оңтүстік Қазақстан аумағында жер шаруашылығы қарқынды дамыды?

қалаларда түркі билеушілері және ақсүйектер (бек, тархандар) отбасымен тұрды.

Түркілер Еуразия халықтарының этникалық құрамына да ықпалын тигізді. Болгар (бұлгар), венгр т.б. халықтар ұлт ретінде түркілердің араласуымен қалыптасты. Ат әбзелдері – темір үзеңгі, ер-тоқым және басқа түркілердің бұйымдары мен жетістіктері бүкіл Еуразияға тарады.

Орта ғасырларда түркілер көрші елдермен елшілік, дипломатиялық қарым-қатынас орнатты. Алтын Орда кезінде жергілікті тұрғындар түркі тілінде сөйлеген. Түркілердің «алтын», «теңге», «жәмшік», «қазына» т.б. сөздері әлем халықтарының сөздік қорына қосылды.

Ұлы Жібек жолы бойындағы қалалар халықаралық сауда және көшпелілер мен отырықшы тұрғындар арасындағы саудасаттық орталықтарына айналды. Сондықтан осы қалалар үшін ерте орта ғасырларда түркі билеушілері (түргеш, қарлук, оғыз) мен араб және қытайлықтар өзара күресіп отырды. 1219–1220 жылдары Сыр бойындағы қалалар моңғол билігіне етіп, Шыңғысхан империясының құрамына енеді. XIV–XV ғасырларда қалалар Ақ Орда мен Әмір Темір мемлекеттері арасында талас-тартыстардың нысанына айналды. XV ғасырдың екінші жартысынан бастап Қазақ хандығы Сыр бойындағы қалалар үшін Шайбан ұрпақтарымен, Қашгардың могол билеушілерімен, Аштарханилермен, Ташкент әміршілері және Маңғыт әулетімен қиян-кескі күрес жүргізді.

3. Отырықшы халықтар мен көшпелі малишылар арасындағы шаруашылық және сауда байланысы. Қазақстан жеріндегі көшпелі мемлекеттерде дала мен қала өзара қарым-қатынасқа түсіп отырған. Көшпелілер отырықшы тұрғындар өнімінің түтінушысы болса, ал егіншілер өз кезегінде көшпелілерден мал өнімдерін алышп отырған. Араб тарихшысы әл-Омари былай деп жазады: «*Оларда (қыпшақтарда) егістіктің көлемі оте шағын және бидай мен арпа аз егіледі. Негізінен тары осіріледі, сонымен тамақтанады...*». Оңтүстік Қазақстан, Жетісү мен Сыр бойы

Есіңе түсір

Қазақтар Сыр бойындағы қалалар үшін қай кезеңде кімдермен күрес жүргізді?

Ойлан


Ортағасырлық деректердің көбісі неге араб-парсы тілдерінде жазылды деп ойлайсың?

бүйымдарын, күміс пен алтын әшекейлер, қару, ат әбзелдері, бағалы аң терілері, мүйіз, қыран құстар, аңшы иттерді ұсынып отырған. Бұларды отырықшы халық Жібек жолы тармақтары арқылы көрші елдерге де тасымалдаған. Мысалы, қыпшақ жылқылары шығыс елдерінде жүздеген динарға дейінгі бағамен сатып алынды. Әл-Макдиси былай дейді: «Шаш қаласынан басқа елдерге сапалы төрі бүйымдары, ер, жебе салатын қорамсақ пен шатырлар әкетілді». Шығыс және европалық авторлардың пікірінше, түркі көшпелілерінде жайылымдардағы жемшептің мол болуына байланысты малдың саны өте көп және онымен

әлемдегі бірде-бір мемлекет бәсекелесе алмайды.

Түркі дәуірінде Ұлы далада көшпелілер металды игеріп, темір, қорғасын, болат балқыту ісі қарқынды дамыды. Металл өндіру түркілердің ата кәсібі саналды. Түркілер қару-жарактың ең үздік үлгілерін жасады. Бұл түркілердің әскери қуатын арттырды, сауда мен дипломатиясының дамуына зор ықпал етті.

Ұлы Жібек жолы бойында металл бүйымдары да тасымалданып, тауар ретінде темір жоғары бағаланды. Сондай-ақ Талас өзенінің жоғарғы ағысында күміс кенінің ашылуы Қазақстан қалалары мен көршілес елдерде оған сұранысты арттырды. Отырықшылар айырбасқа егіншілік өнімдерін: бидай, арпа, көгөніс, жеміс, шарап, кеп-



Испиджаб қаласы орнынан табылған мыс тенгелер (қалпына келтірілген)

тірілген жемістер, дәмдеуіштер, нан, қолөнер бүйымдарын, қыш және қалайы ыдыстарын, кілем, мата, әшекейлер мен зергерлік өнер туындыларын ұсынды. Көшпелілер мен қала арасындағы сауда өзара тиімді еді. Сауда қала мен даланың екеуіне де пайда келтірді. Ол туралы тарихи деректердің бірінде былай деп жазылған: «*Көшпелілердің тауарлары мен өнімдері отырықшы тұргындардың иғілігі мен пайдасын арттырудың бір көзі болып табылады*».

Көшпелілер мен отырықшылар арасында сауда айырбасы қала төңірегіндегі жәрмеңкелерде өткізілді. Сауран, Алмалық, Янгикент, Испиджаб маңындағы жәрмеңкелерде көшпелілер ет, жүн сияқты мал өнімдерін ыдыс, мата, жеміс-жидекке айырбастап отырды.



Отырардан табылған
мыс теңге



Янгикент (Жанкент) қаласының орны

4. Көшпелілер мен отырықшы тұрғындардың өзара мәдени қарым-қатынастары. Қала мен дала тұрғындары саудаға, қолөнер мен ауылшаруашылығы өнімдерін өткізуге өзара мүдделі еді. Далалық аймақты мекендереген малышылар мен отырықшы және қала халқының арасындағы тауар айырбасы егіншілік пен малшаруашылығының өркендеуіне жағдай туғызды. Қалалар арқылы дала тұрғындарына тіл, дін, жазу, салт-дәстүрлер, өнер мен қолөнер үлгілері тарады.

Сауда дамуында соғдылар мен түркілер маңызды рөл атқарды. Оңтүстік Қазақстан мен Жетісуга көшіп келген иран тілдес соғдылар аралас тұрып, бірте-бірте түркілердің киімін және әдет-түрпyn қабылдаған. Орталық Азия тұрғындарының өзіндік киім үлгісі қалыптасты. Қалаларының негізгі тұрғындары түркілерден басқа, соғды, араб, парсылар болды. IX–XIII ғасырларда отырықшылық мәдениет өркендей, қалалар саны көбейген. Түркілер отырықшы қала мәдениетіне көшіп, қолөнер, сауда, бақташылық, егіншілікпен айналыса бастаған. Көшпелі түркі қоғамында оларды **жатақтар**, яғни «көшіп-қонбайтын», «бір жерде тұратындар» деп атады.

Отырықшы қала өмірі Орталық Қазақстан және Ертіс аңғарында да дамып, егіншілік мәдениет өркендеді. Көшпелілер отырықшы халықтан егістікті суару жүйесін меңгеріп алған. Оңтүстік Қазақстан, Жетісуге және Орталық Қазақстан өңірле-рінде ірі каналдар, су қоймалары, суды көтеруге арналған қон-дырығылар табылған. Егіншілік, негізінен, суармалы түрде жүзе-ге асырылған.

Тұрғын үй мен діни құрылыштар салуды үйреніп, күйдірілген және күйдірілмеген (саман) кірпішті қолданысқа енгізді. Түркілер құрылыш материалдарын, бояу, сәндік бүйімдар дайындау-ды меңгерді.

Өзіндік сәулет құрылышының бір түрі – киіз үйге үқсас етіп өнделмеген тақтатастан салынған **дың өскерткіштері** болды. Ислам дінінің таралуына байланысты қайтыс болған көшпелі ақсүйектердің бейітіне мазарлар салу орын алды. Түркі ұсталары теңдесі жоқ сәулет өнерінің туындылары Жошы хан, Алаша хан, Айша бибі кесенелерін тұрғызды.



Дың ескерткіші. Қостанай облысы

Көшпелілер мен отырықшылар арасындағы мәдени байланыстар діни сенімдер тарапалуынан да көрініс тапты. Дала көшпелілеріне ислам, несториандық христиан, буддизм, манихейлік, зороастризм діндері тарапалды.

Жетісу, Оңтүстік Қазақстан, Сырдың орта және төменгі ағысында Византия мен Иранда қудаланған несториандық және манихейлік діни ілімдер тарапалды. Несториандықтар мен манихейлер Ұлы Жібек жолы бойындағы қалаларда қауымдар құрып, гибадатханалар салды. Бұған дәлел ретінде Таразда манихейлік шіркеу мен зират табылған.

Орта ғасырда қазақ жерінде ислам діні кең етек жайды. Қалаларда ашылған мектеп-медреселерде ислам негіздері, араб жазуы, философия, математика т.б. ғылымдар үйретілді. Түркілер арасынан бүкіл мұсылман әлемі мен Батыс Еуропаға белгілі көптеген атақты ғұламалар – Әбу Насыр әл-Фараби, Қожа Ахмет Ясауи т.б. шықты.

Пікірің қажет

Ұлы Жібек жолы бойымен келген діндердің ішінде не себепті ислам діні базым болды?



1. Отырықшылар мен көшпелілер өзара қарым-қатынас жасауға неге мүдделі болды?
2. Қосымша деректерді пайдаланып, көшпелілердің әлемдік өркениетке қосқан үлесін анықтаңдар.
3. «Қазақтар көшпелі емес, отырықши халық болған» деген пікірмен келісесіндер ме?



Жатақтар – қазақ қоғамындағы көшіп-қонатын күш келігі болмагандықтан, үнемі қыстауда немесе қала маңында тұрып күн көрген кедейлердің әлеуметтік тобы.

Дың ескерткіштері – қола дәүірінің сөүлет өнеріне тән, өндөлмеген тақтатастан қаланған, шеңберлі құрылыштар атауы.

Шығармашылық тапсырмалар.

1-тапсырма. PEST талдау әдісін қолдана отырып, мемлекеттің әртүрлі салаларына көшпелі және отырықши халықтың өзара қарым-қатынасының қалай әсер еткендігін анықтаңдар.

P – political (саяси)

E – economical (экономикалық)

S – social (әлеуметтік)

T – technical (техникалық)

2-тапсырма. Төменде берілген тұжырымдардың бірін таңдап, соған қатысты пікір білдіріндер.

1. «Олар (көшпелілер – авт.) өз жерлерінен шығып, көрші орналасқан отырықши өркениеттер аумағына жиі шабуыл жасап отырды... Көшпелілер қоғамы терең тарихы жоқ қоғам».

A. Тойнби

2. «Көшпелілерде әлеуметтік және мұлік теңсіздігі ерте пайда болды».

A. Смит



Қазақстанның кең-байтақ жерінде отырықшылық және қала мәдениеті дамуының ірі-ірі тарихи-мәдени аймақтары ежелден ерекшеленген. Солардың бірі Оңтүстік Қазақстан мен Жетісу аймағы болды. Ол бір жағынан Орта Азия, екінші жағынан

Орталық Қазақстан, Сібір мен Орал аралығындағы аумақты алғып жатыр. Онда үш аудан – Оңтүстік Қазақстан (Сырдария алқабы), оңтүстік-батыс Жетісу (Талас және Шу өзендерінің аралығы), солтүстік-шығыс Жетісу (Іле алқабы) аудандары өзіндік ерекшеліктерімен сипатталады. Аймақ егіншілікті жазира-лар мен көшпелілік даласының тоғысқан жерінде орналасқан. Мұндай жағдай мәдениеттің дамуына ежелден ерекшелік беріп келді.

Қазақстанның егіншілік пен малшаруашылығы жанасып жатқан өңірлерінде жер өңдеу мен малшаруашылығының, отырықшылық пен көшпеліліктің, қала мен даланың өзара өсери мейлінше айқын көрінеді. Бұл алуан түрлі: саяси, экономикалық, мәдени, этникалық өзара өсерт болатын. Бұл қарым-қатынастың сипатына зерттеушілердің көзқарастары бірдей емес. Мәселен, XX ғасырдың бас кезінде көшпелілер туралы: «отырықши егіншілермен тиракты қырес жағдайында, олар өз жолындағының бәрін жайап кетеді және гүлденген жазираны өлі шөл далага айналдырады» деп жазылды. Шығыстың, соның ішінде Қазақстан мен Орта Азияның көшпелілері кебінесе көнерген мәдениетті таратушылар, ал олардың әркениет дамуына ықпалы тек бұлдірушілік түрғыдаға болды деп қарастырылады. Мысалы, Орта Азияның тарихы отырықши Иран әркениетін көшпелі түріктердің бірте-бірте жаулап алғып, қүйретуінің тарихы деп саналады.

Алайда бүгінде көшпелілер мен егіншілер арасындағы тырызы, етene байланыс болғаны туралы пікір басым. Әдетте қазіргі ғылымда жалпы түрғындардың отырықшы белігін де, көшпелі белігін де қамтитын біртұтас экономикалық жүйе, шаруашылық өмірдің екі бағытының өзара тығыз байланысы туралы айтылып жүр. Бұл экономикалық бірліктің бұзылуы көшпелілердің де, отырықшы жазиралардың түрғындарын да асқан ауыр зардаптарға үшыратты.

Қазақстан тарихы (көне заманнан бүгінге дейін). Бес томдық. 1-том. – Алматы, 2010, 347-бет.



Көшпелі және отырықшы халықтардың өзара қарым-қатынасы қалай сипатталған?

**Үшінші тарау
ҚАЗАҚСТАННЫҢ ҚАЗІРГІ ЗАМАНДАҒЫ ӘЛЕУМЕТТИК-
ЭКОНОМИКАЛЫҚ ДАМУЫ**

§9–10. XX ғасырдағы Қазақстан экономикасының дамуы

Оқу мақсаты:

- ✓ Қазақстанның экономикалық даму ерекшеліктерін талдау үшін «экономикалық жүйе», «дәстүрлі (аграрлы) экономика», «жоспарлы (социалистік) экономика» ұғымдарын пайдалану;
- ✓ XX ғасырда Қазақстанның әлеуметтік-экономикалық даму базиттарын анықтаған факторларды талдау.

Тірек сөздер:

Қазақша	Орысша	Ағылшынша
Хрущев жылымығы	Хрущевская оттепель	Khrushchev Thaw
Тоқырау жылдары	Годы застоя	Stagnation period

Тақырыпқа шығу:

«Қазақстан отар болып келді және солай болып қалды».

С. Сәдуақасов

Автор пікіріне түсініктеме беріңдер.



1. XX ғасырдың басындағы қазақ халқы дәстүрлі шаруашылығының күйреуі. XX ғасырдың басында қазақ даласында өмір сұру жағдайы айтарлықтай күрделене түсті. Қазақстан Ресей экономикасы үшін шикізат базасы мен өнімін өткізу нарығы және отаршылдық саясат жүргізу аймағына айналды.

Олkenің экономикасы бастапқыда Ресей империясының, ке-йіннен оның заңды мұрагері болып табылатын кеңестік биліктің мүддесіне сай құрылды. Қазақ зиялыштарының көрнекті өкілі Ахмет Байтұрсынұлы сол кезеңдегі өлкенің шаруашылық отарлануының салдары мен қазақ ауылдары қасіретінің ауқымын сипаттай келе, «*Қазақ ұлты өмір сұруінің өзі проблемага айналды*», – деп жазды.

1907 жылы Ресей империясының II Мемлекеттік Думасында қазақ депутаттары жер мәселесінің түбекейлі және әділетті шешімі үшін белсенді түрде әрекет етті. Орал облысының депутаты Б. Қаратаев: «*Қыргыздарды (қазақтарды) өздері мекендереген жақсы жерлерінен гана емес, тұрғын үйлерінен, жылы үяларынан қуып жатыр*», – дегенді айтЫП, араша түсті.

Ол кезеңде Қазақстан Ресей империясының негізгі малшаруашылық аймағының бірі болды. Отаршылдық биліктің жүргенсіздігі салдарынан жергілікті тұрғындардың шұрайлы жерлері тартып алынып, туган жерлерінен қуылды. Олардың қыстақтары мен шаруашылық құрылыштарын да иемденді. Жайылымдық жерлердің жетіспеушілігі қатты сезілді. 1917 жылы далалықтар 45 млн десятина шұрайлы жерлерінен айырылды. 1920–1921 жылдары жүттың орын алудың байланысты шаруалардың мал басын аман сақтап қалу мақсатында көктеу мен жайлауға көшу мүмкіндігі де шектелді. Мал басының саны күрт азайды, жергілікті тұрғындардың өмір сұру жағдайы ауыр деңгейге жетті.



Б. Қаратаев

Ойлан

А. Байтұрсынұлының пікірімен қаншалықты келісесіндер?

Оңтүстік облыс аймағының суармалы және шұрайлы жер телімдерінің айтарлықтай бөлігі казактар мен қоныстанушы шаруалардың иелігінде болды. Қоныстанушы шаруалардың қазақ жайылымдарын еркін иемденуі дәстурлі шаруашылық жүйесін құйретіп қана қоймай, жергілікті тұрғындардың басым бөлігінің кедейленуіне өкелді. Тартып алынған жерлерді қайтадан қарапайым қазақтарға жалға беріп, оған қоса жергілікті тұрғындардан түрлі алым-салықтар жинау дағдыға айналды. Ауқатты орыс шаруалары қарапайым халықты ашық тонап, мал айдайтын өткелдер мен жолдарды пайдаланғаны үшін де қосымша ақы төлеуді талаң етті.

1917 жылдың шілде айында Орынбор қаласында өткен бірінші жалпықазақ съезінде өңірдің барлық облыстарынан жиналған өкілдер қазақ ауылшының экономикалық жағдайына қатысты жинақталған мәселелерді шешуге тырысты. Мысалы, осы съездің қауулысында «Қазақ халқы өзіне қарасты жерге орналасып болғанша олардың жері ешкімге берілмесін» деген талаң көрсетілген. Бұрын қазақтардың пайдасынан алынып қойған жерлерді, яғни дворяндық, монастырлық, гарнизондық, демалыс орындары т.б. кері қайтару талаң етілді. 1917 жылдың қараша айында «Қазақ» газетінің беттерінде жарияланған «Алаш» партиясы бағдарламасының жобасында дала тұрғындарын шұтыл жерге орналастыру мәселесі көтерілді: «Жер үлесі алдымен жергілікті халыққа болінетін болады; қыргыздар (қазақтар) тұрғылықты орнынан жер үлесін алып, жайгаспайынша, қоныс аударушы шаруалар көшіп келмеуі тиіс».

Ойлан

Қазақстан не себепті Ресей империясының шикізат базасына айналды?

Жердің сатылуына қатаң түрде тыйым салу мәселесі көтерілді.

2. Өлкедегі өнеркәсіп пен сауданың жағдайы. XX ғасырда Қазақстан Ресей империясының құрамдас бөлігіне айналды. Өлке экономикасы жалпырекелеңкілік шаруашылық жүйесіне тарталип, түбекейлі өзгерістерге ұшырады. Қазақстанның пайдалы

қазбаларының бай кен орындарына отаршыл патшалық биліктің ие болуы өлке экономикасының шикізаттық бағытта дамуын белгіледі. Қазақстан өлкесі Ресей өнеркәсібінің шикізат базасына айналды. Қазақстан аумағынан табиғи байлықтарды көптең тасып әкету үшін барлық жағдай жасалды.

XIX ғасырдың соңында-ақ орыс кәсіпкерлері Қазақстан жеріндегі тау-кен орындарын арзан бағамен сатып ала бастады. Бірақ, орыс кәсіпкерлерінің тау-кен ісін игеру тәжірибесі де, техникалық құралдары және өндірілген өнімді әлемдік нарыққа шығару мүмкіндіктері жеткіліксіз еді. Осыған орай, XX ғасырдың бас кезінде патша үкіметі шетелдік капиталды тарта бастады, шахталар мен кен орындарының басым бөлігі шетелдік кәсіпкерлердің қолына өтті. 1904 жылы Лондонда құрылған «Спасск мыс кен орындары» акционерлік қоғамы кен орындарын сатып алуға белсенді кірісті. Спасск-Воскресенск, Успенск мыс кеніштері, Спасск мыс қорыту зауыты, Саран және Қарағанды көмір шахталары сатылды. Жезқазган мыс кеніштерін, Байқоңыр әк карьерлері мен темір кен орындарын «Атбасар мыс кен орындары» акционерлік қоғамы иеленді. 1904 жылы Риддер мен Зирян түсті металл кен орындарын австриялықтар сатып алды.

Мұнай өндіру шетелдік кәсіпкерлердің, ең алдымен ағылшындардың қолына өтті. 1911 жылы Доссор кәсіпшілігінде мұнай өндіру басталды. Шетелдік акционерлік компаниялардың табыс көзі өсіп, жылдам байыды. Шикізаттық ресурстарымыз сыртқа есепсіз тасылып, жергілікті халыққа ешқандай табыс әкелмеді.

Қазақстанның солтүстік-батыс және батыс аудандарында тұз өндіру маңызды салаға айналды. Тұз Басқұншақ, Елтон, Елек және Коряков кәсіпшілігінде өндірілді. 1909 жылы Коряков кәсіпшілігінің өзіндеғана 4 миллион пүт тұз өндірілді. Бұл жерде 10 мыңдан астам жұмысшы болды. Өндірілген тұз Батыс және Шығыс Сібірге, Обь өзені бойындағы балық кәсіпшілеріне жөнелтілді.

Ойлан

Капиталистік қатынастардың қазақ жеріне енүі қоғамдық санаға қалай әсер етті?

Балық көсіпшілігі едөүір дамыды. Қазақстанда балық аулаудың дәстүрлі орталықтары Арал және Каспий теңіздері, Зайсан және Балқаш көлдері, Орал, Ембі, Ертіс, Іле, Шу, Сырдария өзендері еді. Балық аулаудың қарқынды дамуына Орынбор-Ташкент теміржолының салынуы елеулі ықпал етті.

Ауылшаруашылық шикізатын өндейтін шағын кәсіпорындар бой көтерді. Қазақстанда тері өндейтін, сабын қайнататын, май қорытатын, спирт-арақ, сыра ашытатын, жұн тұтетін зауыттар жұмыс істеді. Зауыттар мен фабрикалардағы жергілікті жұмысшылар қатары азшылықты құрады, техникалық жабдықталу деңгейі тым төмен еді. Қазақтар ең ауыр жұмыстарға жегіліп, оларға жалақының ең төменгі мөлшері белгіленді.

Қазақстанда химия өнеркәсібінің алғашқы кәсіпорны – Шымкент дермене (сантонин) зауыты болды. Бүкіл Ресей империясындағы жалғыз бұл сантонин зауытының өнімі Англия, Америка, Германия, Үндістан, Жапония елдеріне шығарылды. Мақта тазалайтын зауыттар Шымкент және Туркістан қалаларында орналасты. Верный қаласында темекі фабрикасы жұмыс істеді.

Қазақ жеріне капиталистік қатынастардың терең енуі сауданың дамуына да айтарлықтай өзгерістер әкелді. Ресей сауда капиталы өлкенің шалғай аудандарына дейін жетіп, қазақ ауылдарын Ресей, Орта Азия, Батыс Еуропаның сыртқы нарықтарымен байланыстырды.

ХХ ғасырдың басында сауда капиталының Қазақстанға енуі өлкे экономикасының дамуына әсер етті. Қазақ халқы шаруашылығының тауар-ақша сипатына көшүі аймақтар арасындағы байланысты біршама кеңейтті. Ауыл нарыққа тартыла бастады. Мал сауданың негізгі тауары болып қала берді. Жаңа нарықтық қатынастар көшпелі қазақтарды отырықшылыққа кеңінен тартты. Сондықтан сауда кәсіпкерлігінің мал және мал өнімдерінен басқа тағы бір тауары астық болатын. Астық саудасының айналымдары қарқынды өсті. Ирі орталықтары Орал, Орынбор, Семей болды. Қостанай, Ақтөбе, Торғай уездерінен астық тасымалданды.

1913 жылы өлкедегі жұмысшылардың саны жалпы тұрғындардың 0,6%-ын құрады. Ресейдің өндірісі дамыған еуро-

палық бөлігіндегі орыс жұмысшыларының саны жалпы халықтың 6%-ына жеткен еді.

Жәрмеңкелік сауда жалпыресейлік маңызға ие болды. Ең ірі жәрмеңкелер Қарқаралы уезіндегі Қоянды-Ботов, Петропавл уезіндегі Тайыншакөл, Ақмола уезіндегі Константинов, Атбасар уезіндегі Петров, Верный уезіндегі Қарқара жәрмеңкелері болды. Олардағы сауда айналымы жылына 2–3 миллионға дейін жеткен. Қоянды-Ботов жәрмеңкесі 1924 жылға дейін өткізілді.

Қазақстан аймағы Ресей отары ретінде өнім өткізетін шишикат қоры болып қала берді. Қазақ жерінің байлығына патшалық Ресей монополиялық иелігін орнатып, капиталистік қатынастардың үлттық аймақтарда кеңейіп дамуына әсер етті. Қөптеген бай кен орындары мен жұмыс күшінің арзандығы орыс және шетел капиталын өзіне тартты.

Қазақстандағы өнеркәсіптің дамуы, шикізатты белсенді тасымалдау теміржол желілерінің құрылышы есебінен мүмкін

Ойлан

Қазақстанда жұмысшылар саны неліктен аз болды?



Қарқара жәрменкесі

Пікірің қажет

Теміржол байланысы елдің экономикалық өмірінде қандай рел атқаратынын зерделендер.

болды. Патша үкіметі Қазақстандағы теміржолдарды әскери-стратегиялық мақсаттарға бағындырыды. 1906 жылы Орынбор-Ташкент теміржолы іске қосылды.

Бай табиғи қорының болуына қарамастан Қазақстан өнеркәсібі әлсіз болып қала берді. Оның негізгі себептері өлкенің жалпы экономикалық арта қалуы мен Ресейдің отаршылдық саясаты еді.

3. Кеңес өкіметі орнауының бастапқы кезеңіндегі Қазақстанда экономиканың дамуы. 1917 жылы Қазақстан екі революцияны бастан кешті. Ақпан буржуазиялық революциясы патша өкіметін құлатып, қосекімет орнатты – Уақытша үкімет пен жұмысшы, шаруа және солдат депутаттарының Кеңестері. Алайда екі қарсылас үкімет органдары билікті қатар белісіп отырмады. Саяси дағдарыс экономиканың шиеленісуімен жалғасты. Ақыры осы құлдыраудың соңы елде орын алған келесі үлкен төңкеріс – қазан революциясы нәтижесінде Уақытша үкімет құлатылды да, билік дербес Кеңес өкіметінің қолына өтті. Қазақ даласының дәстүрлі малшаруашылығы социалистік құрылышқа көше бастады. Ресей империясының құрамындағы Қазақстан ендігі өмірін Кеңес өкіметінің құрамында жалғастыратын болды. Капитализмнен бас тартып социализм жолының таңдалуы ең алдымен кәсіпорындарды мемлекеттің меншігіне өткізу шараларынан басталды. Экономикалық жүйенің басты қағидасы – жоспарлы экономика болып бекітілді. Материалдық қорлар, барлық кәсіпорындар мемлекеттік меншік ретінде есептеліп, мемлекеттік билік тарапынан жоспарлау, басқару және бақылау назарға алынды. Қазақстан кәсіпорындары шикізаттық өнім ғана өндіру сипатында қала берді. Мұнай, газ, металл өндеу, машина, станок, құрал жасау салалары бойынша кәсіпорындар мүлдем болған жоқ. Қазақстан жоғары дамыған өнеркәсіптік аудандарға шикізат қоры міндеттін атқарып келді.

Бірінші дүниежүзілік соғыс және одан кейін жалғасқан Азамат соғысы халықшаруашылығын ауыр күйзеліске ұшыратты.

XIX ғасырдың екінші жартысында қалыптасқан Қазақстан экономикасының біржақты шикізаттық бағыттылығы кеңес заманында да жалғасын тауып, төуелсіз еліміздің дамуында салдары сезілді.

Мемлекет меншігіне өткен өндіріс орындары жұмыс істемеді. Экономикалық қындықтарды шешу үшін 1919 жылы Кеңес үкіметі *әскери коммунизм саясатын* қабылдады. Оның негізгі мақсаты «азық-тұлік салғыртын» енгізу еді. Мемлекет пайдалына және соғыс қажеттілігіне ауылшаруашылығының «артық» өнімдері алынатын болып белгіленді. Кеңес үкіметі бұл саясатты төтенше жағдайда өткір тұрган азық-тұлік мәселесін шешу керектігінен деп түсіндіріп келді. Артық азық-тұлікті тартып алу, әрине, шаруалар наразылығын тудырып, еңбек нәтижесіне деген ынтастын түсірді. Азамат соғысы аяқталған соң, Кеңес үкіметі саяси-экономикалық дағдарысқа қарсы жаңа бағдарлама қабылдау қажеттілігін сезінді.

1921 жылы большевиктер партиясының X съезінде *жаңа экономикалық саясат* (ЖЭС) қабылданды. Әскери коммунизм саясатынан жаңа экономикалық саясатқа көшу бағдарламасы бойынша өндіріс орындарын мемлекеттік меншікпен қатар, жекеменшік иелігіне беру мүмкіндіктері ашылды. Меншіктің түрлеріне, жекеменшікке де рұқсат берілгенімен, іс жүзінде Кеңес үкіметі экономикаға өзінің бақылауын жүргізуді тоқтатпады.

Жаңа экономикалық саясат азық-тұлік салғыртын азық-тұлік салығымен алмастырды. Оның басты айырмашылығы – мемлекетке тапсыратын азық-тұлік салық мөлшері нақты белгіленіп, өнімнің артығын өз еркімен пайдалануға, сатуға рұқсат етілді. Осылан байланысты енді шаруалар еңбек өнімділігін арттыруға ынталы болды. Азамат соғысының аяқталуымен еңбек міндеткерлігі жойылды. Ақысыз еңбек орнына ақшалай жалақы төлеу енгізілді. Жаңа экономикалық саясат бойынша жеке саудаға, жалдамалы еңбекті пайдалануға және кооперативтерге рұқсат берілді. Өнеркәсіпті жаппай мемлекет меншігіне өткізу декреті күшін жойып, шағын кәсіпорындар жеке тұлғаларға жалға берілетін болды. Шетелдік капитал-



ЖЭС кезінде қазақтардың мемлекетке астық тапсыруы. 1921 жыл

ды тарту арқылы аралас акционерлік қоғамдар мен кәсіп-орындар құруға мүмкіндіктер берілді. Көлік, байланыс жүйесі мен коммуналды қызметті пайдалану үшін төлемақы алынды. Жаңа экономикалық саясат мемлекет бақылауымен халық-шаруашылығында біршама капиталистік қатынастарға уақытша жол беруді қарастырды.

Өнім өндіру деңгейі соғысқа дейінгі көрсеткіштердің 2/3 бөлігін құрады. Өнеркәсіп орындарының 60%-ы қайта іске қосылды, көлік қызметі қалпына келтірілді. Егістік алқаптар

Пікірің қажет

Қазақстан экономикасының шикізаттық бағыты патша үкіметінің құрамындағы кезеңмен салыстырганда Кенестік биліктің алғашқы онжылдығында елеулі өзгеріске ұшырады ма?

3 млн га жерді құрады, астық өнімі артты. Мақта өндіру қарқынды дамыды. Мал саны 1922 жылмен салыстырганда екі есе өсіп 26 млн-нан асты.

Жәрмеңке саудасы қайта жанданды. Ойыл, Темір, Қоянды сияқты 130-ға жуық жәрмеңке саудасының айналымы 20 млн-нан астам сомды құрады.

Жоспарлы экономикадан нарықтық экономикалық қатынасқа біртіндең өту 20-жылдардың ортасында үдемелі даму бағытын айқындады. 1925 жылға қарай халықшаруашылығы қайта қалпына келтірілді. Бұл тәжірибе экономиканы мемлекет тарапынан жоспарлы түрде дамыту және әкімшілік басқарумен салыстырғанда нарықтық қатынастардың артықшылығы мен тиімділігін дәлелдеді. Дегенмен Кеңес әкіметінің әкімшіл-әміршіл жүйесі жоспарлы экономиканың қағидаларына сүйеніп, ЖЭС жетістіктерін біртіндең жоя бастады.

1925 жылы большевиктер партиясының XIV съезінде елде индустрияландыруды бастау шешімі қабылданды. Съезде, ең алдымен, ауыр өнеркәсіпті дамыту, КСРОны машина жасайтын және оны сыртқа шыгаратын елге айналдыру міндеттері белгіленді. Өнеркәсіп экономиканың жетекші саласына айналды. Қазақстан қорғасын өндіруден бірінші орын, түсті металдар өндіруден екінші орын, көмір және мунай өндіруден ушінші орынды иеленді. Жаңа өнеркәсіп орындары іске қосылды: Балқаш мыс балқыту, Шымкент қорғасын, Мерке, Жамбыл қант зауыттары, Алматы еткомбинаты т.б. Олар тек жергілікті аймақтарды ғана өз өнімімен қамтамасыз етті. Зырянов, Риддер полиметалл, Балқаш комбинаттары салынды.

Дегенмен кәсіпорындардың барлығы шикізат өнімін шыгаратын сипаттағы өндіріс орындары болып қала берді. Қазақстандағы индустрияландыруды жүзеге асыру Кеңес әкіметі үстемдігі саясатының жалғасы болып табылды.

Қазақстаннан тек арзан шикізатты өндірістік аймақтарға тасымалдалап, ол жақтан қымбат дайын өнімді елімізге қайта алып келуін көздеген орталықтың саясатына ұлт зиялышары С. Сәдуақасов, Ж. Мыңбаев және т.б. қарсы шықты. Олар өнеркәсіп орындарын шикізат көзіне жақын орналастыру қажет деген ұсыныстарын алға тартты. Қазақстанға қатысты орталық ұсынған индустрияландыру саясатының даму бағытына келіспей, ашық пікірлерін білдірген зиялышар тобы «ұлтшыл», «шови-

Ойлан

Өскери коммунизм саясатын енгізуіндің қажеттілігі болды ма?


нистер» деп айыпталды. Социалистік индустрияландыру бағытын желеу етіп, Кеңес үкіметінің шет аймақтарды орталыққа бағындыру, тәуелді ету саясаты жалғасын тапты. Индустрияландыру саясаты КСРО құрамындағы одактас республикалардың ауыр өнеркәсібін дамытуға бағытталмаған да еді. Олар Ресейдің шикізат базасы болып қала берді.

Индустрияландыру барысындағы ең ірі жоба – Түркістан–Сібір теміржол торабын салу болды. Теміржол 1927–1930 жылдары салынып, Сібір, Орта Азия және Оңтүстік Қазақстан аймақтарын байланыстырды. Бұл жол Қазақстан жерінің біраз өңірін кесіп өтті. Түрксіб құрылышы жалпыодақтық маңызға ие болды. 1927 жылы Петропавл–Көкшетау теміржолы салынып, 1931 жылы Ақмолага дейін жалғасты. 1939 жылы Қазақстаннан шикізат тасымалдау үшін Ақмола–Қарағанды, Елек–Орал, Рубцовск–Риддер, ал 1940 жылы Қарағанды–Жезқазган теміржолы іске қосылды. КСРО бойынша теміржолдардың 30%-ы Қазақстанға тиесілі болды. Екінші дүниежүзілік соғыс қарсаында



Түрксіб. Ә. Қастеев

Казакстандың индустриялдыры



69-беттегі картадан индустрияландыру жылдары салынған кәсіпорындарды көрсетіңдер.

елімізде 700-ге жуық кәсіпорын салынып, пайдалануға берілді. Аграрлық республика енді аграрлы-индустриялды елге айналды.

Қазақстан түсті metallurgия, көмір, мұнай, отын-энергетикалық ресурсы, химия өнімдерінің бай қоры ретінде КСРО-ның ірі өнеркәсіп орталығына айналды. Индустріяландыру кезінде қаланған өнеркәсіптік кешен Ұлы Отан соғысында кеңес халқының жеңісіне қомақты үлес қосты. Қалалар мен қала тұрғындарының саны артты. Большевиктердің индустріяландыру саясаты Қазақстанның экономикалық даму бағытын толық өзгертті.

4. Қазақстандағы ұжымдастыру. Индустріяландыруға қажетті қыруар қаражат ауылшаруашылығы есебінен алынды. Большевиктердің келесі бағдарламасы – ауылшаруашылығын ұжымдастыру болды. Бұл экономикалық жобаны іске асыру нәтижесінде малшаруашылығы дағдарысқа ұшырап, ғасырлар бойы қалыптасқан дәстүрлі жүйе қиратылды.

1928 жылы әкімшіл-әміршіл үкімет ірі бай шаруашылығын тәркілеу туралы Декрет қабылдады. Заң жобасы бойынша 700 бай қожалық тәркіленуге тиіс болды, алайда қазақ өлкесінде бұл уақытта ірі байлар осыншама көп емес еді. Сондықтан жүктелген міндепті орындау үшін жергілікті органдар орта шаруаларды да тәркілеуге кірісті.

Ауылдың ең ауқатты белгі саналатын рубасыларды талқандаған соң, большевиктер ендігі кезекте орта және кедей шаруаларды ұжымшарларға тартып, күштеп отырықшыландыруға көшті. БК(б)П XV съезі (1927) ауылшаруашылығын ұжымдастыруға бағыт алуды жариялады. Мындаған жылдар бойы көшпелі және жартылай

көшпелі малшаруашылығымен айналысқан қазақтар бір күннің ішінде отырықшы шаруага айналуға тиіс болды. Барлық киіз үйлер бір жерге жиып тігілді. Мал мен құрал-сайман ортақ деп жарияланды. Қараусыз, күтімсіз, су мен жайылымсыз қалған малдар топ-тобымен қырылды. Шаруалар малдарын тірідей сақтай алмайтындарына көздері жеткенде жаппай сойып тастап

Ізден

Қазақстанда ұжымдастыру науқаны қалай жүргізілді?



Ауылда бай мүлкін тәркілеу. 1929 жыл

отырды. Сойылған малдың көптігінен ет бұзылып, жарамсыз болып қалды.

Қазақстанда өкімет орындарының саясатына наразылықтар елде жаппай шаруалар көтерілістеріне ұласты. 1929 жылы Сырдария, Қостанай округтерінде көтеріліс бүрк ете түсті. Қазақстанның оңтүстігіндегі Созақ ауданында шаруалардың ірі бой көрсетуі болыш өтті. Бұл 30-жылдардың басындағы негұрлым ірі көтерілістердің бірі еді. Көтеріліске 5 мындаі адам қатысты.

Сол уақытта осындай көтерілістер Жетісудағы Ақсу және Балқаш аудандарында да болды. 1930 жылы наурызда 200 көтерілісші Қапал станциясын басып алды. ОГПУ (Еріккен Мемлекеттік Саяси басқарма) отрядымен шайқас 28 наурыз күні өтті. Шайқаста 15 адам өліп, 76 көтеріліші түтқынға түсті.

Негұрлым табанды әрі ұзакқа созылған көтеріліс Ақтөбе, Қостанай және Қызылорда округтерінің аумағын қамтыды. Өкімет орындарының саясатына наразылық Шығыс Қазақстан, Маңғыстау аумағында да орын алды. ОГПУ-дің деректері бо-

Шығармашылықпен айналыс

«Қазақстандағы күштеп ұжымдастыру науқанының салдары қандай болды?» тақырыбына эссе жаз.

Тірек сөздер:
Декрет, тәркілеу, аштық, зиялыштар, жазалау.

Йынша 1929 жылы Қазақстанда жалпы саны 350 адамнан тұратын 31 көтерілісшілер отряды болды. 1930–1932 жылдары көтерілісшілер 2 мыңға, 1932–1933 жылдары 3,2 мың адамға жеткен. Республикада 80 мыңдай адам қатысқан шаруалардың 372 бой көрсетуі болып етті. 5 мыңдан астам көтеріліші Кеңес екіметіне қарсы шыққаны үшін қатаң жазаланып, сottалды, ГУЛАГ лагерьлеріне қамалды, олардың мыңға жуығы атылды.

Қазақстанда сталиндік әміршілдік жүйенің күшпен, зорлық-зомбылықпен жүргілген үжымдастыру науқаны қазақ халқының жартысына жуығын жалмаған ашаршылықта алып келгенін білеміз. Нәтижесінде республика экономикасы өсіреле малшаруашылығы құлдырап кетті. Қазақтардың үлкен бөлігі Ресей, Өзбекстан, Қыргызстанға қоныс аударды, шегара алып, Қытайға дейін етіп кетті.

5. Қазақстаниң Ұлы Отан соғысы және соғыстан кейінгі жылдардағы экономикалық дамуы. Ұлы Отан соғысы жылдары еліміздің экономикасы соғыс жағдайына көшіріліп, майданды қару-жарак, мал және мал өнімдері, азық-түлікпен қамтамасыз етті.

Қазақстан КСРО-ның негізгі өскери өнеркәсіп базасы ретінде 5830 тонна астық, 745 тонна ет, қорғасынның 85%-ын, полиметалдың 70%-ын берді. 1941–1945 жылдары республикада 460 зауыт,



Соғыстан кейінгі Қазақстандағы өнеркәсіп

фабрика, кеніштер мен шахталар салынды. Қазақстан аумағына елдің батыс белігінен 220 зауыт пен фабрика көшірілді. Шикізаттық қорлар республикадан орталықта үздіксіз жеткізіліп тұрды. Экономика түгелдей әскери тәртіпке бағынатын болды. Ұлы Отан соғысы кезінде жауға атылған он օқтың тогызы Қазақстанда өндірілген қорғасыннан құйылды. Республика жүртшылығының әскер мұқтаждықтарын қамтамасыз ету мен жеңіс үшін аянбай қажырлы еңбек жасаудың қарастырылған, алапат соғыс салдарынан халықтың түрмис жағдайы тым нашарлап кетті. 700 мыңға жуық республика азаматтары төзімсіз жағдайдағы еңбек армиясына шақырылды. Олардың қатарында соғыс жылдарында күштеп көшірілген және жер аударылған этнос өкілдері де болды.

КСРО соғыстан әбден әлсіреп шықты. Соғыстан кейінгі жылдары елдің экономикалық дамуында бірқатар ұранды реформалар жүргізуге әрекеттер болды. Ұлы Отан соғысындағы жеңіс кеңес халқының рухани жігерін арттырып, социализм саяси жүйесінің тиімділігіне сенім қалыптастырылды. Коммунистік партия жетекші күшке айналып, өкімет билігінде әміршіл-әкімшіл жүйе үстемдік етуін жалғастыра берді. 1946–1950 жылдардағы төртінші бесжылдық жоспары бойынша халықшаруашылығын қайта қалпына келтіру мен бейбіт өнімдерді шыгаруға көшіру



Тың және тыңайған жерлерді игеру

міндеттері белгіленді. 1947 жылы карточкалық жүйе жойылып, ақша реформасы енгізілді.

Республикада халықшаруашылығының дамуы қыруар қаржат пен шикізат көзінің тартылуы арқылы жүзеге асырылды. Шешуді аса қажет ететін алдыңғы қатардағы мәселелердің бірі жұмыс күшінің жетіспеушілігі болды.

1953–1964 жылдар тарихта шартты түрде «Хрущев жылдығы» деп аталады. Сталин қайтыс болғаннан кейін билікке келген Н. Хрущев КСРО экономикасын ілгері дамытуда бірқатар реформалар жасауға әрекеттенді. Соғыстан кейінгі астық жетіспеушілігін жою үшін 1954 жылы наурыз айында КОКП ОК

Анықта

Тың игерудің жағымды және жағымсыз жақтарын анықтаңдар.

Пленумында тың және тыңайған жерлерді ігеру туралы шешім қабылданды. Егін еgetін жер көлемін ұлғайтып, астық өнімін көтеру тапсырылды. Бұл шаруашылық пен азық-түлік дағдарысын шешудегі экс-

тенсивті жол болды. Астық өндіруді арттыру мақсатында 25 млн гектар жер жыртылды, оның 9 млн-ы эрозияға үшырап, жарымсыз болып қалды. Тың игеру жылдары республикаға КСРО-ның еуропалық бөлігінен «қажетті мамандар» 2 млн адам жаппай қоныс аударды. Нәтижесінде елдегі демографиялық жағдай одан әрі күрделенді. Қазақтардың үлес салмағы өз елінде 30%-га дейін төмендеп кетті. Сонымен қатар тың игерудің дәнді дақылдар өндірісінің артуы мен азық-түлікпен қамтамасыз етудің жақсаруы сияқты жағымды тұстары да болды.

1965–1985 «тоқырау жылдары» экономиканың интенсивті дамуына жол ашу үшін жаңа шаруашылық реформалары жүргізіле бастады. 1965 жылы жаңа экономикалық реформа бойынша аймақтық халықшаруашылық кеңестер таратылып, өнеркәсіптер салалық одақтық-республикалық министрліктер арқылы басқаруға көшірілді.

Жаңа жүйеге сәйкес шаруашылық есеп кәсіпорындарға дербестік берді. Өндіріс орындары шаруашылық есеп жүргізуде шығынды унемдеу арқылы материалдық ынталандыру және марапаттау сияқты шараларға қол жеткізетін болды.



Өндірісті механикаландыру мен автоматандыру жоспарлары қабылданды. Әйттеде реформалар, бір жағынан, экономиканы дамытуда біраз көрсеткіштерге жеткізсе, екінші жағынан, орталық өктемдік жоспарларға директивалық түзетулер мен толықтырулар енгізуді тоқтатпады. Коммунистік партияның дербес басшылығы, мемлекеттік менишік үстемдігі КСРО-ның экономикалық негізін өзгерте алмады. Халықтың табысы төмендеп, тауар тапшылығы есті. Республика шаруашылық салаларының шикізаттық сипаты одан әрі тереңdedі. 70-жылдардың ортасына қарай кеңестік экономика жүйесінде дағдарыс белгілері айқын көрінді.

Ойлан

1965–1985 жылдар тарихта не себепті «тоқырау жылдары» деген атаумен қалды?

Кеңес Одағы коммунистік партиясының экстенсивті және әкімшіл-әміршіл экономикасы даму тетіктерінен толық айрылып, түбәгейлі өзгерістер қажеттілігіне жеткізді. Осы түрғыда 1985 жылдан экономиканың бірқатар салаларын қамтыған «қай-



та құру» реформасы басталды. Кәсіпорындарға дербестік беріліп, шаруашылық есеп жүйесі енгізілді, кооперативтер ашылды.

Кеңес билігі кезеңіндегі жоспарлы шаруашылық жүйесі тәуелсіздіктің алғашқы жылдары ел экономикасының дамуына кедергі келтірді.

- ?**
1. Жоспарлы экономиканың дәстүрлі шаруашылық жүйеден айырмашылығы неде?
 2. «Қазақстан – аграрлы республика» деген пікірге өз көзқарастырды айтындар.
 3. Эрозияга ұшырамас үшін қандай тиімді жолдар ұсынған болар едіндер?



Хрушев жылымығы – бұл кезеңді «жылымық» деп КСРО-ның қоғамдық-саяси өміріндегі демократияландыру, кешірім, ақтаулармен (реабилитация) байланысты аталды. Жылымық ішкі саясатта құғын-сүргінді біршама тежеуден, өміршіл-әкімшіл қатаң басқару өдістерінің аздап жұмсаруынан байқалды. Билік басына келген жаңа кеңес басшылары сыртқы саясатты да жұмсарутға ынта білдірді.

Тоқырау жылдары – 1965–1985 жылдар аралығында Қазақстан экономикасының бұрынғысынша техникалық прогресске қабілетсіз, қарабайыр дамуы. Өнеркәсіп, өндіріс орындарының өнім, табыс бермей дағдарысқа ұшырауы.

Шығармашылық тапсырмалар.

1-тапсырма. SWOT талдау әдісі арқылы XX ғасырдағы Қазақстан экономикасының дамуын талдаңдар.

S – мықты жақтары

W – әлсіз тұстары

O – мүмкіндіктер

T – қауіп-қатерлер

2-тапсырма. Қосымша деректерді пайдаланып, 1960–1980 жылдардағы КСРО-ның қоғамдық, әлеуметтік-экономикалық өмірін бейнелейтін көріністер (суреттер, карикатура, плакаттар т.б.) іздестіріңдер.

3-тапсырма. Кестені толтырыңдар.

Қазақстандағы ұжымдастыру

Себебі	Барысы	Салдары



Олкелік бақылау комиссиясына Богданов жолдасқа

Ақмола округі бойынша астық дайындау мен ұжымдастыру науқанында орта шаруаға қатысты бүрмалаушылықтар орын алғаны анықталды. Орта шаруаларға тұтқында ұстау, үрыпсогу, өз еркінен тыс ауыр жұмысқа салу, мал, дүние-мұлкін тәркілеу жазалары қолданылған. Салынған салық көлемінің ауырлығы соншалық, орта шаруа қолындағы бар дәuletінен айырылған. Оның үй-жайын тартып алған, колхоздан қуып, жер аударып жіберген.

Қалыбекова М.Ш. Қазақстанга арнайы қоныс аударылғандар: қызметтер мен материалдар (1930–1956). – Алматы, 2011, 50-бет.



1. Мұндай жазалау шаралары басқа округтерде де орын алды ма?
2. Ұжымдастырудың бұл әдісін орта шаруаларға қолдану қажет не еді?

§11–12. Қазақстан Республикасы экономикасының дамуы

Оқу мақсаты:

- ✓ Қазақстан Республикасы экономикасының даму кезеңдерін талдау, олардың ерекшеліктерін анықтау;
- ✓ мемлекеттік стратегиялар мен бағдарламалардың мазмұнын зерттеу және Қазақстан Республикасы әлеуметтік-экономикалық даму болашағын болжау.

Тірек сөздер:

Қазақша	Орысша	Ағылшынша
Референдум	Референдум	Referendum
Интеграция	Интеграция	Integration
Дүниежүзілік сауда үйімі	Всемирная торговая организация	World trade organization

Тақырыпқа шығу:

1. Суреттерді не біріктіруі мүмкін?
2. Суреттерді сабак тақырыбымен қалай байланыстыруға болады?




1. Тәуелсіздіктің алғашқы жылдарындағы Қазақстан экономикасы. Тәуелсіздік қарсаңындағы аса ауыр жағдайда Қазақстан Республикасының Тұңғыш Президенті – Елбасы Н.Ә. Назарбаев «Одақта бағынышты мемлекеттік кәсіпорындар мен үйымдарды ҚазКСР-і үкіметінің басқаруына көшіру жөнінде» Жарлық шығарды. Қазақстан дербес сыртқы экономикалық қызметін қамтамасыз етті.

Тәуелсіздіктің алғашқы жылдарында жоспарлы экономикадан нарықтық жүйеге көшу оңай тимеді. Бұрынғы КСРО-ның одақтас республикалары арасында экономикалық байланыстар үзіліп, бір-бірінен алшақтай бастады. Республикалардың әрқайсысы шиеліністерден шығу жолында тек өз күші мен қабілетіне сүйенди. Баға босатылды. Негізгі тұтыну тауарларының жетіспеушілігі байқалды. Республика азаматтарының тұрмыс жағдайы одан әрі нашарлап, халық қарапайым тіршілік үшін куресті. Бұқара халықтың жалақысы азық-түлік алудан артылмады. Бірқатар ұлт өкілдерінің өз еліне қоныс аударуы жиілеп, республика халқы едәуір азайды. Қөптеген зауыт-фабрикалар жұмысы тоқтап қалды. Осының салдарынан жұмыссыздар қатары өсті. Отбасы қатынастарының бұзылуы, ажырасулар мен әлеуметтік мәселелер көбейді. 1993–1994 жылдары өнеркәсіптік өндіріс көлемі екі есе, ауылшаруашылықта – үш есе, транспорттық жүк тасымалдау үштен екіге қысқарды. Халықтың кірісі күрт төмендеді. Инфляция деңгейі шарықтады. Нарықтық экономиканы қалыптастыру меморандумдері тиімді жүргізілмей, бірқатар қателіктер жіберілді. Аталған жағдайлар экономикалық терең дағдарысқа ұшыраудың басты себептерінің біріне айналды. Осындағы жағдайда шешуші әлеуметтік-экономикалық өзгерістер қажет болды. Сондықтан егемендіктің алғашқы күндерінен бастап мемлекет басшылығы «алдымен – экономика, содан соң – саясат» деген жолды таңдады.

2. Экономикалық даму кезеңдері. Қазақстан экономикасының дамуын шартты түрде үш кезеңге бөлуге болады:

Ойлан

Тәуелсіздік алған жылдары еліміздің экономикасы неліктен ауыр жағдайда болды?



Бірінші кезең (1991–1994) Қазақстанда жоспарлы социалистік экономикадан нарықтық экономиканы құруға бағытталды. Бұл кезең экономикалық жағдай шиелінісіп, құлдырауымен сипатталады. Жұмыссыздық өршіді. 1992 жылдың қаңтарында баға босатылды, елімізде азық-түлік пен тұрмысқа қажетті тауарлар түрлерінің бағасы шарықташ кетті. Мемлекетке қарасты өндірістік объектілерді жекешелендіру үрдісі басталды. Кәсіпкерлікті өрістету үшін мемлекет тарапынан қолдау көрсетіліп, жағдай жасалды.

Екінші кезеңде (1995–1999) Қазақстанның экономикалық даму стратегиялық жоспары және жаңа Конституция қабылданды. Үлттық экономика тұрақталды. Колхоздар мен совхоздар

«ҚАЗАҚСТАН-2030»
ДАМУ СТРАТЕГИЯСЫНЫң
ҰЗАҚ МЕРЗІМДІ 7 БАСЫМ БАҒЫТЫ

- ҰЛТТЫҚ ҚАУІПСІЗДІК**
- ШІШКІ САЯСИ ТҰРАҚТЫЛЫҚ ПЕН ҚОҒАМНЫҢ ТОПТАСУЫ**
- ШЕТЕЛ ИНВЕСТИЦИЯЛАРЫ МЕН ШІШКІ ЖИНАҚТАЛЫМДАРДЫҢ ДЕНГЕЙ ЖОГАРЫ**
АШЫҚ НАРЫҚТЫҚ ЭКОНОМИКАГА НЕГІЗДЕЛГЕН ЭКОНОМИКАЛЫҚ ӨСҮ
- ҚАЗАҚСТАН АЗАМАТТАРЫНЫҢ ДЕНСАУЛЫҚЫ**
БІЛІМ МЕН ӘЛ-АУҚАТЫ
- ЭНЕРГЕТИКА РЕСУРСТАРЫ**
- ИНФРАЖЫРЫЛЫМ, ӨСІРЕСЕ КЕЛІК ЖӘНЕ БАЙЛАНЫС**
- КӘСІБИ МЕМЛЕКЕТ**

мемлекеттік емес нысандарға айналдырылды. Еліміздің алдындағы басты міндеттердің бірі – шетелдік инвестициялар тарту арқылы нарықтық экономиканы қалыптастыру еді.

1997 жылы Қазақстан Республикасының Тұңғыш Президенті – Елбасы Н.Ә. Назарбаев «Қазақстан-2030: Барлық қазақстандықтардың өсіп-өркендеуі, қауіпсіздігі және әл-ауқатының артуы» атты стратегиялық бағдарламасын ұсынды. Онда еліміздің қарқынды дамуын қамтамасыз етуге бағытталған ұзақ мерзімді міндеттер белгіленді.

Ушинші кезеңде (2000 жылдан бастап – бүгінгі күнге дейін) – Қазақстан экономикалық өрлеу жолына түсті. 2003 жылдан индустриялдық-инновациялық дамудың мемлекеттік бағдарламасы жүзеге асырылып келеді. Соғы 20 жыл ішінде елімізде мыңнан аса жаңа кәсіпорын іске қосылды.

3. Ұлттық валютаны енгізу. Төуелсіздік алған алғашқы күндерден бастап республика басшылығы ұлттық валюта енгізу бойынша дайындық жұмыстарын жүргізді. 1992 жылы Қазақстанда аса құпия жағдайда ұлттық валюта дайындалып жатқанда, Ресеймен келісімдер жүргізуді жалғастырды. Ресей ақша-валюта



Алғашқы теңгелер

жүйесіндегі мәселелерді біздің республикамен келісіп шешетіні туралы уәдесін берді.

ТМД басшылары өз елдерінде ұлттық валюталарын енгізер алдында бұрынғы одақтас республикаларды З ай бұрын хабардар ету міндеті туралы келісімге келді. 1993 жылы шілде айында Ресей өз валюtasын енгізді. Ресей 1993 жылғы жаңа рубль негізінде ортақ, бірегей рубльдік аймақты құруды ұсынды. Гиперинфляция жағдайында баға шарықтай түсті. Қазақстанға ескі үлгідегі кеңес ақшаларының ағыны қаптап келді. Дүкен сөрелерінде азық-түлік және түрмисқа қажетті тауарлар азайды. Қазақстанға едөуір экономикалық шығын әкелді. Елдегі экономикалық дағдарыс өрши түсті. Ескі рубльдің құнсыздануы басталды. Сондықтан Қазақстан ұлттық валюта енгізуге кірісті.

Дер кезінде қамданып үлгерген Қазақстан өзінің экономикалық, саяси тәуелсіздігін сақтап қала алды.

Алғашқы үлттық ақша Ұлыбританияда басылды. Ақша номиналдарында Ш. Ұәлиханов, А. Құнанбайұлы, әл-Фараби, Абылай хан т.б. тарихи тұлғалардың суреттері бейнеленді.

1993 жылы 15 қарашада үлттық валюта – теңге енгізілді. Елдегі инфляция өрісін ырықтандыруға «ҚР Үлттық банк тұрағы» Заң ықпал етті. Соған сәйкес Үлттық банк Президентке ғана есеп береді және өзіне белгіленген өкілеттік шегінде тәуелсіз қызмет етеді. Қазақстан бұрынғы КСРО орталық құқықтарын иемденуші көрші Ресей мемлекетінен ақша-қаржы саясатында толық тәуелсіздікке қол жеткізді. Үлттық валюта енгізуудің зор тарихи маңызы бар. Ол Қазақстан Республикасы экономикалық тәуелсіздігінің айқын көрінісі болып табылады. Шынайы егемендікке қол жеткізген қазақстанның патриоттық рухы өсті. Үлттық валютаның енгізілуі терең әлеуметтік-экономикалық реформалар жүргізуге жол ашты. Халықаралық валюталық операциялар жүргізуге мүмкіндіктер кеңейді. Елімізде 200-ге жуық жаңа банктер құрылды. Жаңа жағдайда мемлекет басшылығы зейнеткерлер, студенттер, мүгедектерді әлеуметтік қорғау мен қолдау іс-шараларын жүргізуге белсенді түрде кірісті.

4. 1995 жылғы Қазақстан Конституциясы және жаңа нарықтық экономика. 1993 жылы қабылданған Қазақстанның Конституциясы уақытша еді. Елге қажетті заңдарды қабылдау үдерісі баяулады, бұл нарықтық реформалардың қарқынын бәсендегіті. Үкімет пен Жоғарғы Кеңес арасында келіспеушілік орын алды. Осы жағдайда жергілікті, сондай-ақ Жоғарғы Кеңестің өзін-өзі тарату үдерісі басталды. Президент мемлекет басшысы ретінде заңнамалық тұрғыда өзіндік шешімдер қабылдау құқығын алды.

1995 жылы 30 тамызда бүкілхалықтық референдумда жаңа Конституция қабылданды. Қазақстан президенттік басқару нысанындағы біртұтас мемлекет ретінде жарияланды. Парламент еki палатадан: Мәжіліс пен Сенаттан құрылды. Жаңа Конституция-



ҚР Парламенті

ның еліміздің тәуелсіздігін нығайту және әлеуметтік-саяси реформаларды жүргізу үшін тарихи маңызы зор болды.

Қазақстан нарықтық экономика жолымен дамуға бет алған тәуелсіз ел ретінде белгіленді. Республикада мемлекет иелігінен алу мен жекешелендіру бағдарламасы қабылданды. Шетелдік инвестицияларды тарту, шағын және орта бизнесті дамыту төтіктерінің құқықтық негіздері бекітілді. Банк және қаржы жүйесі реформалары жүзеге асырылды. Аграрлық салада колхоздар мен совхоздар фермерлік шаруашылықтарға айналдырылыш, мемлекет монополиясы жойылды.

5. 2015 жылы Қазақстанның Дүниежүзілік сауда үйымына кіруі. Дүниежүзілік сауда үйымына мүше болуға ресми өтінішті Қазақстан 1996 жылдың қаңтарында жіберіп, 2015 жылдың маусымында келісімдер аяқталды. Қазақстан ДСҰ-ға кіру үшін 20 жылдай үлкен дайындық жүргізді.

Қазақстанның ДСҰ-га кіруі – отандық дипломатияның және Елбасының жетістігі. Мемлекет басшысы құттықтау сезінде: «ДСҰ-га кіру Қазақстанның әлемдік экономикага интеграциялашуына, әлемдегі дамыған бәсекеге қабілетті 30 елдің қатарына кіруіне және «100 нақты қадам» Үlt жоспарын орындауга ықпал етеді», – деп атап көрсетті. Қазақстан Дүниежүзілік сауда үйымының 162-ші мүшесі болып енді. Сыртқы сауда көлемі 120 млрд долларды құрады. Әлемнің 185 елімен сауда қарым-қатынас жүргізе бастады.

ДСҰ-га кіру Қазақстанға қандай артықшылықтар берді? *Біріншіден*, болашақта бәсекеге қабілетті жаңа өндірістер мен кәсіпорындар ашуға жол ашылды. *Екіншіден*, елге қосымша шетелдік инвестициялар тартылды. *Үшіншіден*, қарапайым азаматтар сапалы тауарларға ие бола алды. *Төртіншіден*, қазақстандықтар ірі сыртқы нарыққа шығуға қол жеткізді. *Бесіншіден*, ел экономикасында ауқымды реформалар жүргізуге мүмкіндік алды. Қазақстан әлемдік сауданы реттейтін заңдар дайындау арқылы үлттық мұддені қоргады.

Еліміздің ауылшаруашылығын дамытуға ЖІӨ-нің (жалпы ішкі өнім) 8,5% көлемінде субсидиялар белінген болса, Ресей, Украина, Қыргызстан, Молдова және Грузия сияқты елдерде бұл 5%-дан аспайды. Мемлекеттің ауылшаруашылық кәсіпорындарына ірі тауар нарығына енуге көмектеседі.

Қазақстан Республикасының Тұңғыш Президенті – Елбасы Н.Ә. Назарбаев 2015 жылғы «100 нақты қадам» – Үlt жоспарына еліміздің алдағы өсіп-өркендеуінің бағыттарын белгілең берді.

6. «ЭКСПО-2017». 2011 жылы Қазақстан көрме өткізуге отініш берді. Бізben бірге бельгиялық Льеж, канадалық Эдмонтон және франциялық Лилль қаласы да өз кандидатурасын ұсынды. Соңғы екі қала кейін бас тартты да, бельгиялықтармен бәсекеге түстік. Бельгиялықтардың көптеген артықшылықтары болды. Олардың кең таралған дипломатиясы, түрлі көрмелер мен форум,



ДСҰ эмблемасы



ЭКСПО–2017

симпозиумдар өткізуде тәжірибесі де мол еді. Бельгия – көптеген еуропалық мемлекеттермен ұзақ мерзімді қарым-қатынастарды орнатқан ел. 2012 жылғы ЭКСПО халықаралық симпозиумында Қазақстан өз жетістіктерін көрсете білді. Экономикасы дамыған және өзін бейбіт мемлекет ретінде танытты. 2010 жылы Қазақстанның ЕҚЫҰ-га төрағалық етуі еліміздің әлемдегіaby-
ройы мен орнын жоғарылатты. 2012 жылы 22 қараша күні Париже ӘКСПО штаб-пәтерінде жасырын дауыс беру қорытын-
дысы бойынша Қазақстанды 103 мүшесі қолдады.

Ойлан

ӘКСПО өткізу еліміз үшін қаншалықты ма-
нзызды болды?

2017 жылы жазда Астанада ЭКСПО–2017 көрмесінде барлық қатысушы мемлекеттер инновациялық, технологиялық, ғылыми және мәдени жетістіктерін көрсетті. Қазақстан ТМД кеңістігінде ЭКСПО көрмесін

өткізген ең алғашқы мемлекет болды. Бұл кездейсоқ таңдау емес. Қазақстан және оның елордасы Астананы (Нұр-Сұлтан) бүкіл әлем мойындағы.

Еліміз адамзаттың «Болашақ энергиясы» өзекті мәселелерінің біріне шешімдер ұсна алды. ЭКСПО-2017 көрмесін Зайдың ішінде 4 млн адам келіп тамашалаган. Қазақстан энергетика саласында жаңа технологияларға қол жеткізді. Елімізге жаңа инвестициялар, бүкіл әлемнің шағын және орта бизнесі тартылды. ЭКСПО-2017 келешекте іс-шаралар өткізуге мүмкіндігі бар қуатты алаңға айналды. Көрменің өткізілуі дағдарысқа қарсы ірі жоба ретінде де жұмыс атқарды. ЭКСПО-2017 елімізге отандық кәсіпорындарды қолдау, жаңа жұмыс орындарын ашу, мемлекеттік бюджетке қосымша кірістер өкелуге мүмкіндіктер берді.

- ? 1. ДСҮ-га ТМД-ның қандай мемлекеттері кірді?
- 2. Ұлкен кісілермен сөйлесіп, 90-жылдары елімізде тағы қандай әлеуметтік-экономикалық қызыншылықтар болғанын анықтаңдар.
- 3. Қосымша материалдарды пайдаланып, Қазақстан мен Орталық Азияның басқа мемлекеттеріндегі ұлттық валютаны енгізуудің ерекшеліктерін түсіндіріңдер.

 **Референдум** – мемлекеттік маңызы бар мәселені халықтық даусызқа салу.

Интеграция – экономикалық субъектілерді біріктіру, олардың арасындағы байланыстарды дамытып, өзара ынтымақты іс-қимылын тереңдету.

Дүниежүзілік сауда үйімі – халықаралық сауда ережелерін либерализм принциптеріне қарай реттейтін халықаралық экономикалық үйім.

Шығармашылық тапсырма.

Кез келген экономикалық стратегияны алып GROW әдісі арқылы талдау жасаңдар:

Goal – мақсаты

Reality – іске асырылуы

Options – мүмкіндіктері

Way forward – алға қарай өрекет ету





Қазақстан Республикасы Президентінің Жарлығы

Қазақстан Республикасының үлттық валютасын енгізу туралы

Қазақстан Республикасы Конституциясының 78-бабына және Қазақстан Республикасы Жоғарғы Кеңесінің 1993 жылғы 29 қазандығы қаулысына сәйкес қаулы етемін:

1. Қазақстан Республикасының аумағында 1993 жылғы 15 қарашада сағат 08.00-ден бастап (жергілікті уақыт) Қазақстан Республикасының үлттық валютасы – теңге айналымға енгізілсін.

2. 1993 жылғы 18 қарашада сағат 08.00-ден бастап (жергілікті уақыт) теңге Қазақстан Республикасындағы бірден-бір заңды төлем құралына айналады. Теңге 100 тиыннан тұрады. Қазақстан Республикасында қолдағы ақша банкноттар мен монеталар түрінде айналыста болады.

3. Теңгені Қазақстан Республикасының аумағында мемшік нысандарына қарамастан барлық жеке заңды тұлғалар төлемдердің барлық түрінде, сондай-ақ ешқандай шектеусіз салымдар мен шоттарға қосу үшін банктер қабылдауға міндетті.

4. Осы Жарлық қол қойылатын сөтінен бастап күшіне енеді.

Қазақстан Республикасының Президенті Н. Назарбаев. Алматы қаласы, 1993 жылғы қарашаның 12-сі. Қазақстан Республикасы. 10 жыл шежіресі. – Алматы, 2001, 170-б.



Үлттық валютаны енгізудің экономикалық және саяси маңызы неде?

Бірінші бөлім бойынша тест тапсырмалары

1. Қазақтардың егіншілікке жаппай көшуі басталды:

- A) XX ғасырдың басында
- B) XIX ғасырдың басында
- C) XIX ғасырдың ортасында
- D) XVIII ғасырдың басында
- E) XVIII ғасырдың сонында

2. Көшпелі малшаруашылығы Ұлы даала тұрғындарының тіршілігін қамтамасыз етудің дәстүрлі жүйесі ретінде қалыптасты:

- A) табиғи-географиялық фактордың әсерінен
- B) малшаруашылығының артта қалуынан
- C) жұт пен аурулар кесірінен
- D) жылқыны қолға үйретуден
- E) халық санының өсуінен

3. Ежелден егіншілік дамыған Қазақстанның негізгі аймақтары:

- A) Солтүстік Қазақстан мен Жетісү аумағы
- B) Орталық және Солтүстік Қазақстан өлкесі
- C) Батыс пен Шығыс Қазақстан өнірі
- D) Орталық және Шығыс Қазақстан аймағы
- E) Оңтүстік Қазақстан мен Жетісү жері

4. Ұықты иетін құрылғының атаяуы:

- A) атпа
- B) тез
- C) үскі
- D) шігір
- E) мер

5. Көшпелі өмірge бейімделген, ерте заманнан келе жатқан көшпелілердің баспанасы:

- A) там
- B) киіз үй
- C) сарай
- D) жертөле
- E) қақыра

6. Араб географы әл-Макдиси бұл қала туралы былай деп жазды: «Жеті қабыргамен қоршалған үлкен қала, оның рабады бар, мешіт ішкі қалада орналасқан». Қай қала туралы айттылған:

- A) Сауран
- B) Сайрам
- C) Түркістан
- D) Сығанак
- E) Отырар

7. Ұлы Жібек жолын қалпына келтіру бағдарламасын өзірлеу және іске асыру жөніндегі түркі тілдес мемлекеттер президенттерінің бірлескен декларациясы қабылданды:

- A) 1996 ж. Ташкентте
- B) 1997 ж. Алматыда
- C) 1998 ж. Бішкекте
- D) 1995 ж. Душанбеде
- E) 1994 ж. Ашхабадта

8. Iрі бай шаруашылығын тәркілеу туралы Декрет қабылданды:

- A) 1921 жылы
- B) 1924 жылы
- C) 1928 жылы

- D) 1939 жылы
- E) 1941 жылы

9. Түркістан–Сібір теміржолы салынды:

- A) 1921–1936 жылдары
- B) 1924–1931 жылдары
- C) 1927–1930 жылдары
- D) 1939–1943 жылдары
- E) 1946–1952 жылдары

10. Қазақстан Республикасының ДСҮ-га кірген жылы:

- A) 2000 жылы
- B) 2001 жылы
- C) 2014 жылы
- D) 2015 жылы
- E) 2019 жылы

Бірінші бөлім бойынша зерттеу жұмысы:

Әртүрлі тарихи кезеңдердегі Қазақстанның экономикалық даму ерекшеліктері.

Бірінші бөлімге қорытынды

Ежелгі заманнан бері Қазақстан бірегей өркениет үлгісі ретінде басқа аймақтардан айрықша ерекшеленеді. Еуропа мен Азияның тогызында орналасқан Қазақстанның кең-байтақ даласында көшпелі және отырықшы мәдениет қатарласа дамыды. Қазақстан жері теңдесі жоқ дәулетті көшпелі малшаруашылығымен қатар, бай қала мәдениетінің де ошагы болды. Шығыс пен Батыстың шағастырган Ұлы Жібек жолында Қазақстан маңызды рөл атқарды. Дала мен қала өзара қарым-қатынастарында әлеуметтік-экономикалық байланыстары арқылы бір-бірінің мәдениетін байытты.

Алайда гасырлар бойы қалыптасқан қазақтың дәстүрлі шаруашылығы XX гасырдың 20–30-жылдарында большевиктердің экономикалық саясаты нәтижесінде дағдарысқа ышырады. Қазақ халқы дамуының табиги үрдісі большевиктердің әрекеттерінен жасанды түрде бұзылып, оның зардалтary дәстүрлі шаруашылыққа үлкен апат-қасірет әкелді. Жер мен малдың нақты иесі гасырлар бойы орын алғып келген шаруашылық жүргізу тәсілінен шеттетіліп, оның орнына ұжымдық және мемлекеттік шаруашылықтар құрылды. Қуатты және дербес қожалықтардың мал-мұлкі тәркіленіп, мемлекет меншігіне өткізілді. Елдің экономикасы Кеңес мемлекеті мүддесінен орай дамыды. Экономикалық жүйенің бағытты қағидасы – жоспарлы экономика етіліп бекітілді.

Кеңес одагы ыдыраған соң, Қазақстан нарықтық экономика жолымен дамуга бет алған тәуелсіз ел ретінде қалыптасты. Экономиканы мемлекеттің іелігінен алу және жекешелендіру бағдарламасы қабылданды. Шетелдік инвестицияларды тарту, шагын және орта бизнесті дамыту тетіктерінің құқықтық негіздері бекітілді. Банк және қаржы жүйесі реформалары жүзеге асырылды. Аграрлық салада колхоздар мен совхоздар фермерлік шаруашылықтарға айналдырылып, мемлекеттің монополиясы жойылды.

2015 жылы Қазақстан ДСҮ құрамына еніп, әлемнің 185 елімен сауда қарым-қатынас жүргізді. Елімізде индустриялық-инновациялық даму стратегиясы қабылданып, стратегиялық бағдарламалар бойынша жобалар жүзеге асырылуда. Қазіргі негізгі бағытымыз – бәсекеге қабілетті 30 елдің қатарына кіру.

Тәуелсіздік жылдары еліміз экономикалық, рухани-мәдени дамында ірі жетістіктерге жетті.

САЯСИ-ҚҰҚЫҚТЫҚ ҮРДІСТЕР

Төртінші тарау

ҚАЗАҚСТАНДА ПОЛИЭТНИКАЛЫҚ
ҚОҒАМНЫҢ ҚАЛЫПТАСУ ТАРИХЫ

§13–14. Қазақстан халқы monoэтникалық құрамының өзгеруі (XVIII ғасыр – XX ғасырдың басы)

Оқу мақсаты:

- ✓ Қазақстанның этникалық құрамының өзгеру үрдісін түсіндіру үшін «аграрлық саясат», «көші-қон саясаты», «моноэтностық құрам» ұғымдарын пайдалану;
- ✓ Қазақстан аумағындағы халықтың этникалық құрамының өзгеру кезеңдерін зерттеу.

Тірек сөздер:

Қазақша	Орысша	Ағылшынша
Моноэтникалық құрам	Моноэтнический состав	Mono-ethnic composition
Жікшілдер	Раскольники	Dissenters

Тақырыпқа шығу:

Сурет пен тақырыпты байланыстырындар.



Есіне түсір

Қоныс аударушылардың көптеп келуіне қандай оқиғалар себеп болды?

1. Өлкे тұрғындары моноэтникалық құрамының өзгере бастауы. XIX ғасырдың 20-жылдарына дейін Қазақстан халқының түгелдей дерлік құрамы қазақтар болды. XIX ғасырдың 60-жылдары Қазақстан халқының үлттық құрамы өзгеріске ұшырай бастады. XVIII ғасырдан бастап казактар және әскери тұрғындар көбінесе бекіністер мен шептерде және станицаларда орналасты. 1824 жылдан округтік приказдар құрылуымен әскери казактар, кейіннен шаруалар Солтүстік-Шығыс Қазақстанды мекендей бастады. Осы кезде жаңа қалалар пайда болды. Қазақстанға Ресейден орыс шаруалары 1861 жылғы басыбайлылық құқықты жойғаннан және XIX ғасырдың екінші жартысындағы өлкеде жүргізілген әкімшілік реформалардан кейін кеңінен қоныс аударыла бастады.

1897 жылы Қазақстан аумағында 4 млн-нан астам адам өмір сүрді, олардың 81,7%-ын қазақтар құрады. Тұрғындардың қалған бөлігі казактар және қоныс аударушы шаруалар, үйғыр, дүнген, татар, өзбек т.б. үлт өкілдерінен тұрды. Қоныс аударушылардың едөуір бөлігі Қазақстанға XIX ғасырдың соны мен XX ғасырдың басында келді.

2. Орыстар. Қазақстанға алғаш қоныс аударғандар казактар мен әскери шенді орыстар еді. Олар шегара шебіндегі әскери бекіністер мен станицаларда тұрды. Кейін Қазақстанды отарлау әрекеті күшейген кезде казак әлеуметтік тобына қоныс аударып келген шаруалар мен мещандар, солдаттар да қабылдана берді.

Қазақстанға қоныс аударған орыс шаруалары шегарадағы әскерлерді, сондай-ақ Колыванов-Воскресенск зауыттарында, тау-кен өндірістерінде істейтін жұмысшыларды азық-тұлікпен жабдықтау міндеттін шешуге тиіс еді. Шаруаларды қазақ өлкесіне кеңінен тарту үшін патша үкіметі еркін отарлау әдісін де, күш қолдана отырып, еріксіз жер аудару тәсілін де қолданды. Кейде орыс шаруаларының қатары орталықтан айыпты болып қашқандардың есебінен де толықтырылды. Мысалы, Бұқтырма өзенінің аңгарына, Алтай тауының адам аяғы жете бермейтін биік қойнауына зауыт жұмысшылары, солдаттар

мен діни секта *жікшілдері* қашып кете беретін. Сібір әкімшілігі қашқындардың кенттерін жою және Бұқтырма аңғарына қашудың жолын кесу үшін қанша күш-жігер жұмсағанымен нәтиже шығара алмады. 1897 жылы Алтайда 90 мыңға жуық орыс шаруалары болды.

XIX ғасырдың соны – XX ғасырдың бас кезіндегі аграрлық саясат жылдары Ресейдің еуропалық бөлігіндегі шаруалар Қазақстанға жаппай көшіріле бастаған еді. 1897 жылы Қазақстанның алты облысындағы орыстардың саны 544 мың адамға жетті. Орыс халқының өлкедегі негізгі бөлігін қоныс аударып келген шаруалар (40%), содан кейін казактар (33%), мещандар (19%), дворяндар (5%) және басқалары қурады. Қазақтар мен орыс тұрғындары арасында өзара шаруашылық-мәдени алмасулар орын алды.

3. Україндықтар. Україндықтардың алғашқы тобы Қазақстан аумағында XVIII ғасырдың екінші жартысында пайда болды. Олар, негізінен, ұлт-азаттық қозғалыстарына қатысқандар еді. Україндықтардың елеулі бөлігі қазақтың кең-байтақ далаһына XIX–XX ғасырдың тоғысында, Ресейдің еуропалық бөлігінен шаруалардың жаппай қоныс аударуы кезінде келді. Қоныс аударушы україндықтар, негізінен, Полтава, Харьков, Таврия, Херсон, Екатеринослав және Киев облыстарының шаруалары еді.

Україндықтардың басты шаруашылық кәсібі егіншілік болды. Қазақ даласындағы белгілі україндық диқандардың бірі Ақмола облысының Атбасар ауданы Қима болысына қарасты Запорожское селосының шаруасы Василий Марченко еді. Ол егістік топырағының құнарлылығын арттыру мақсатымен түқым себудің жетілдірілген әдісін енгізді. «Сельский вестник», «Хлебороб» журналдарын үзбей оқып тұрды. Сол кездегі ең жаңа ауылшаруашылық техникаларын пайдаланды. Үй жануарларының түқымын асылдандырумен де айналысты.

Қызықты дерек

1913 жылы Романовтар өүлеті билігінің 300 жылдығын атап ету құрметіне ең үлгілі шаруашылық үшін белгіленген арнайы сыйлықтардың бірін В. Марченко жеңіп алған болатын.

Патша үкіметі шаруалардың қоныс аударуына қаншалықты отарландыруши сипат беруге тырысқанына қарамастан, украиндықтар мен жергілікті қазақтардың арасында достық тіпті туыстық қарым-қатынастар қалыптаса түсті. Мәселен, 1905 жылы Киевтегі шеруге қатысқаны үшін Ақмола облысының Ақмола уезіне жер аударылған Яков Латутаны Жоламан деген қазақ өкіл бала етіп асырап алыш, оған Жақып Жоламанов деген есім берген. Жақып қазақ тілін меңгеріп алды және өз бетінше ізденіп, исламның негізін үйреніп, мұсылман дінін қабылдады. 1916 жылы қазақтардың ұлт-азаттық көтерілісі кезінде ол Қорғалжындағы көтерілісшілердің танымал басшыларының бірі болды.

Қазақстанды зерттеуге
Т. Шевченконың қандай
үлес қосқанын еске ту-
сіріндер.

Украиндықтардың негізгі құрамы (51%) Ақмола облысында шоғырланды. Олардың басым көшпілігі (87%) шаруалар еді, бірқатары (7%) мещан тобына жатты. Украиндықтардың 5%-га жуығы Ресей казактары қатарында әскери қызмет етті.



Тарас Шевченко

1897 жылғы халық санағының деректері бойынша Қазақстанда 87 мындаидай украиндық тұрды. Украиндықтардың қазақ өлкесіндегі бүкіл халықтың арасында алған өзіндік үлесі 2%-ға жуық еді.

Қазақ даласында украинның ұлы ақыны Тарас Шевченко орыс патшасының бүйірігімен жер аударылып, он жыл өмірін өткізді.

4. Татарлар. Қазақстанға татарлардың келуі патша үкіметінің қазақ өлкесін отарлауға кіріскең кезінен басталды. Алғашында патша үкіметі қазақ даласында ислам дінінің таралуына қарсылық көрсете қойған жоқ. Бұл ретте қазақтардың арасына молда болуға татарлардың дін қызметкерлері қатарынан ғана жіберілді. Мұның өзі қазақтарды Орта Азиядағы діни орталықтардың ықпалынан оқшауландыру мақсатымен жасалды.



Ақмола
қаласындағы
татар
зиялыштары

Қазақ хандары мен сұлтандарының басым көпшілігі өздерінің жеке хатшылары етіп Орынборга таяу жердегі Сейітов слободасынан шыққан сауатты татарларды ұстады. Татар көпестер Ресей мен қазақ даласы арасындағы сауда-саттықтың дамуына байланысты белсенділігін күшейте түсті. Қазақтардың тілін, әдет-ғұрып және салт-санасын жақсы білгендейтін, татарлар сауда-саттық саласында делдалдық рөл атқарды. Татар көпестерінің қазақ даласындағы ықпалы мен беделі бірте-бірте күшейе түсті. Татарлар өлкенің ірі Петропавл, Семей, Орал, Қекшетау, Верный, Ақмола, Павлодар, Зайсан және Өскемен қалаларында тұрды. Олардың негұрлым жиі орналасқан жерлерінде татар елді мекендері құрылды.

Бұл халықтың өкілдері қазақ даласында жаңа әдіспен оқытатын жәдидтік мектептер ашудың бастамашылары болды. Қазақтар татар зиялыштары шығарып түрган газеттер мен журналдарды зор ықыласпен оқыды. Қазақтың алғашқы газеттері мен журналдарын көбінесе татар көпестері қаржыландырып тұрды. Қейінірек патша үкіметі қазақ даласында исламның күшейіп бара жатқанынан қауіптеніп, сауатты және іскер татарлардың

қызметінен бас тарта бастады. 1897 жылы Қазақстанда тұратын татарлардың жалпы саны 56 мыңға дейін жетті. Мұның өзі Қазақстандағы бүкіл халықтың 1,3%-ы еді.

Анықта

Сібір шегара шебі генералдарның көбісі неміс ұлтынан болуының себебі неде?

Көпшілігі немістен шыққан генералдар болатын. Олар Х.Т. Киндерман, И. Крафт, И. Шпрингер, Г.И. Глазенап және басқалар еді. Түркістан өлкесінің генерал-губернаторы К.П. фон Кауфман да, Торғай облысының өскери губернаторы Л.Ф. Баллюзек те, Дағала өлкесінің генерал-губернаторы М.А. фон Таубе де неміс ұлтынан еді.

Немістер жергілікті халықтың тарихы мен географиясын және этнографиясын зерттеудің бастамашылары бола білді. Дәрігерлер, мұғалімдер, тау-кен инженерлерінің арасында да неміс ұлтының өкілдері аз болған жоқ. Олар негізінен Омбы, Петропавл, Семей, Өскемен, Жәмішев сияқты тағы басқа да шегара шебіндегі өскери бекіністерде тұрды.

Қазақ жеріндегі немістер санының арта түсіүі XIX–XX ғасырлар тоғысына сәйкес келді. Қоныс аударып келген немістер, негізінен егіншілікпен айналысты және өндіруші өнеркәсіп салаларында жұмыс істеді. Сонымен қатар олар мұнай кен орындарын игеруде, алтын, мыс өндіруде, кен өнімдерін өндіруде белсенділік танытты.

Жаңа мекендерінде немістер дәстүрлі өмір салтын сақтап келді. Олардың арасында өзін-өзі басқару дәстүрі мықты сақталған еді. Немістер қоныстанған елді мекендерде халық әлдеқайда ауқатты тұрды. Олар жинақылығы, еңбексүйгіштігі және адалдығымен ерекше көзге тұсті. Өздерінің ұлттық тілін, дінін, әдет-ғұрпы мен салт-санасын, дәстүрлерін берік сақтауға тырысты. Қоныстанған жаңа мектептері болды. Немістер қауым болып жинақы қоныстанды. Олардың көпшілігі (55%) сауат-

ты еді. Әлеуметтік құрамы тұрғысынан алғанда 1897 жылы немістердің 85%-ын шаруалар құрады.

1897 жылы Қазақстандағы және онымен шегаралас қала-лардағы немістердің жалпы саны 7 мың адамға жуықтады. Олардың көпшілігі Ақмола облысын мекен етті. Бір тобы Сырдария облысында қоныстанды. Столыпиннің аграрлық реформасы кезінде немістердің Еділ бойынан, Қара теңіз жағалауынан ағылып келуі күшіне тусты. Сондай-ақ немістер қазақ даласына сонау Германия мен Австрияның тікелей өзінен де қоныс аударып келді.

6. Поляктар. Поляктар Қазақстан аумағына алғаш рет XIX ғасырдың басында келе бастады. Олар патша үкіметі қазақ өлкесіне жер аударған поляк көтерілісшілері болды. Жергілікті өкімет билігі поляктарды өз еріктерінен тыс Жайық және Сібір казактарының қатарына зорлықпен тіркеп жіберген болатын.

Жер аударылып келген поляктар Польшадағы 1830–1831 және 1863–1864 жылдардағы Ресей империясына қарсы ұлтазаттық көтерілістерге қатысушылар еді. Поляктардың қатарында ақын-жазушылар, суретшілер мен дәрігерлер, инженерлер және заңгерлер көп болды. Мәселен, **Адольф Янушкевич** қазақ халқының тарихын қызыга зерттеді. Суретші Бронислав Залесский «Қырғыз (қазақ) даласының тыныстіршілігі» деген ғажайып сурет салды. Ақын *Густав Зелинский* қазақтар өмірінен «Қырғыз» («Қазақ») және «Дала» деген поэмалар жазды. Владимир Недзвецкий Жетісү мұражайының негізін қалады. Ал Семейге жер аударылған Северин Гросс «Қырғыздардың тұрмысын заң тұрғысынан зерттеуге арналған материалдар» деген тамаша кітап жазды.



А. Янушкевич



Г. Зелинский

Патша үкіметі поляктарды өскери-әкімшілік қызметке де тартты. Поляктардың көпшілігі қалаларда тұрды. 1897 жылғы халық санағының деректері бойынша Қазақстанда мыңға жуық поляк тұрган. Олар, негізінен, Орал, Семей, Ақмола және Сырдария облыстарында қоныстанған еді. Олардың басым көвшілігін жер аударылғандар мен олардың отбасы мушелері құрады.

7. Ұйғырлар мен дүнгендердің Жетісуга қоныс аударуы. XIX ғасырдың 70–80-жылдары патша үкіметі ұйғырлар мен дүнгендерді Жетісү жеріне қоныс аударта бастады. Бұған дейін олар Қытайдың Іле өлкесінің аумағында тұрып келген еді. Ұйғырлар мен дүнгендер XVIII және XIX ғасырдың бірінші жартысында Қытай үкіметіне қарсы бірнеше рет көтеріліс жасады. Өздерінің ұлттық тәуелсіздігі жолында күресті. Алайда Қытай өскерлері көтерілістерді аяусыз басып жаныштады. Ұйғырлар мен дүнгендердің күресі барысында Іле өлкесінде Іле сұлтандығы құрылған болатын. Бұл мемлекеттік бірлестіктің құрылуы ондағы ішкі қарама-қайшылықтарды асқындырып жіберді. 1871 жылы Ресей өскерлері ол аймақты жаулап алды. Патша үкіметі елке тұрғындарының отбасылық істеріне және өзара қарым-



Дүнгендер

қатынастарына араласпау саясатын ұстанды. Жергілікті билік органдары құрылды. Бірақ оны патша әкімшілігі өз бақылауында ұстады. Жалпы жағдай едөуір тұрақтандырылғандай еді. Алайда дүниежүзі жүртшылығының қысым жасауымен, ол өлкені Қытайға қайтару жөнінде келіссөздер жүргізіле бастады. Міне, осы кезде жаппай қырғынға үшყыраудың алдында тұрған үйғырлар мен дүнгендердің болашақ тағдыры туралы мәселе көтерілді. 1881 жылы екі империя арасында Петербург бейбіт келісімшарты жасалды. Үйғырлар мен дүнгендер бір жылдың ішінде Жетісу облысының аумағына қоныс аударды. 100 мыңға жуық үйғыр мен дүнген жан сақтау үшін Қазақстан аумағына етуге тілек білдірді.

Дүнгендердің Қазақстан аумағына алғаш қоныс аударуы 1877 жылы басталды. Сол жылы Қытай жазалаушыларынан құтылу үшін қашқан дүнгендер Жетісу жеріне жетті. Екінші толқын 1884 жылы өтті. Ал үйғырлардың Жетісу жеріне қоныс аударуы 1881 жылы күзде басталып, 1884 жылға дейін жалғасты.

Үйғырлар мен дүнгендерді Қазақстан мен Орта Азияға қоныстандыру арқылы Ресей екі түрлі мақсат көзdedі: *біріншіден*, Қытайдың Құлжа өңіріндегі экономикалық базасын әлсірету; *екіншіден*, саяси жағдай шиеленісіп кете қалған жағдайда оларды Қытайға қарсы әскери күш ретінде пайдалану болды.

Патша үкіметі бұл жөнінде жергілікті қазақ халқының пікірімен санаспады. Бұл кезде Жетісу жері мемлекеттік меншік деп жарияланып қойған болатын. Үйғырлар мен дүнгендер белгілі бір аумақта өз алдарына жеке қоныстануды қалады. Қоныс аударушылар, негізінен, Жетісу жеріндегі Верный және Жаркент уездеріне орналастырылды.

Үйғырлар мен дүнгендер егіншілік, түрлі қолөнер кәсіптері, саудамен айналысты. Үйғыр көпесі У.А. Юлдашев Ан-



У.А. Юлдашев

глиядан алдырған пароходын Іле өзеніне алғашқылардың бірі болып жүргізді.

Қазақстан аумағындағы үйғырлар мен дүнгендердің саны бірте-бірте арта түсті. 1897 жылы Қазақстанда 56 мың үйғыр, 14 мың дүнген болды.

Ізден

Елімізге басқа да ұлт өкілдерінің қоныс аудару себебін анықтандар.

8. Қазақстанға басқа халықтардың жер аударылуы. Қазақстан аумағына XIX ғасырдың аяқ кезіне қарай жоғарыда көрсетілген этностық топтардан басқа да халықтар ағылып келе бастады. Ресейдің

еуропалық бөлігінен келген негұрлым елеулі диаспора мордвалиқтар болды. 1897 жылы Қазақстанда олардың саны 12 мыңға жуықтады. Олар, негізінен, Ақмола облысының Көкшетау және Петропавл уездерінде, Торғай облысының Қостанай уезінде тұрды. Уақыт өте келе бірқатар шағын ұлыстар орыс халқымен аラласып, *ассимиляцияланып* кетті.

Қазақстанның барлық қалаларында еврей ұлтының өкілдері де тұрды. Олар Ақмола және Сырдария облыстарында жинақы қоныстанды. Ресейдің еуропалық бөлігіндегі еврейлердің кесіп түрлерін таңдауына шек қойылуы және еврейлерді қырып-жою оқигалары XX ғасырға дейін олардың Қазақстан қалаларындағы санының едәуір арта түсініне жеткізді.

Корыта айтқанда, Ресей империясының отаршылдық саясатынан басталған өзге халықтардың Қазақстан жеріне қоныс аудару үрдісі XX ғасырдың басында өлкенің ұлттық құрамын үлken өзгеріске жеткізді.



1. Орыс, украин және т.б. диаспоралар өкілдерінен шыққан қандай көрнекті тұлғаларды білесіңдер?
2. 1897 жылғы Бүкілресейлік халық санағының деректері бойынша Қазақстанда тағы қандай этностардың өкілдері тұрды?
3. Қосымша деректерді пайдаланып, өздерің тұратын облыс, аудан, ауылдағы ірі диаспораларды, олардың саны мен орналасқан аймақтарын көрсетіңдер.
4. Қазақстанның барлық диаспора өкілдері арасындағы бейбітшілік, өзара келісім жайлы мақал-мәтелдер келтіріндер.
5. Республикадағы тұрлі ұлт өкілдерінің тату тұрып жатқаны қазақ халқының парасаттылығы арқасында екенін дәлелдендер.



Ассимиляция – бір халықтың екінші халықпен араласып, ұлт ретінде сіңісіп кетуі.

Жікшілдер – православие дініндегі ағым. Жікке бөлінушілік, ел арасына іріткі салушылық.

Моноэтникалық құрам – құрамы бір ғана этникалық топтан тұратын ұлттық құрылым.



Адольф Янушкевич (1803–1857) – поляк халқының көрнекті демократ-революционері, кесемсөзші.

Шығармашылық тапсырмалар.

1-тапсырма. «Бір шаңырақ астында» деген тақырыпта 200–250 сезден тұратын әссе жазындар.

Кілт сөздер: толеранттылық, поліэтникалық құрам, конфесия, қоғам, мемлекет.

2-тапсырма. Қосымша деректерді пайдаланып, Қазақстан аумағындағы халықтың этникалық құрамының өзгеру кезеңдеріне зерттеу жүргізіндер.



«Бұрыннан тұратын шаруалардың казактармен ортақ сипаты байқалады. Оларды бір-бірінен киген киіміне қарап ажыратуга болады. Казактардың басым көшшілігі киетін қырғыз (казақ – авт.) шекпенін шаруалардың үстінен де көруге болады... Казактар мен шаруалардың арасындағы қарым-қатынас олардың бір-бірімен жақын екендігін тіпті де білдірмейді. Діни жікшілдердің, ескі діни наным-сенімдегілердің ауылдары бір-бірінен мұлде бөлек, жеке-дара орналасқан. Олар өздерінше бөлек өмір сүреді. Кейінгі жылдары Харьков, Полтава, Киевтен және басқа да губерниялардан келген малороссиялықтар, негізінен, Ақмола мен Атбасар сияқты уездерге орналасты. Олардың деревняларын шикі кірпіштен салынып ақталған, төбесі сабан аралас қамыспен жабылған үйлеріне қарап білуге болады. Олар қоныс аударушы орыс шаруаларынан бөлек болғанды үнатады.

Отарлық өлкеден кешіп келген немістер (менониттер, баптистер және басқалары), сондай-ақ эстондықтар мен латыштар Ақмола облысында XIX ғасырдың 90-жылдарында пайда болды. Олардың бірқатары Омбыға жақын маңда өздері

жалға алған жерлерде, екінші бір бөлігі Ақмола уезіндегі Преображенский, Романовский, Канкринский поселкелерінде тұрады, орыстармен араласпайды. Олардың бір-бірімен өштесіп жауласқаны сонша тіпті Романовский поселкесінде қарулы қақтығыстарға дейін барған. Сондықтан да патша үкіметінің жергілікті әкімшілігі орыстарды ол жерден басқа жаққа көшіруге мәжбүр болды. Поляк, еврей, сарттар тек қалаларда ғана тұрады, сауда-саттықпен, басқа да коммерциялық көсіп түрлерімен шұғылданады. Башқұрттар мен қалмақтар кейде Орал мен Торғай облыстарында деревняларда тұрып, ауылшаруа-шылығымен айналысады...»

Ресей. Отанымыздың толық географиялық сипаттамасы. Орыс адамдарының қолынан түсептін және жолға шыққанда алып жүретін кітабы. Редакциясын қараган Семенов П.П. Қыргыз өлкесі. СПб., 1903, XVIII том, 198–199-беттер.



Қалаларда негізінде қандай ұлт өкілдері тұрды? Қазір ол жағдай өзгерді ме?

§15–16. Қеңестік кезеңде Қазақстанда полиэтникалық қоғамның қалыптасуы

Оқу мақсаты:

- ✓ Қазақстанның этникалық құрамының өзгеру үрдісін түсіндіру үшін «депортация», «арнайы қоныс аударылғандар», «полиэтникалық қоғам», «ұлттық саясат», «интернационализм» ұғымдарын пайдалану;
- ✓ Қазақстанда халықтың этникалық құрамының өзгеру кезеңдерін зерттеу;
- ✓ қеңестік кезеңде Қазақстан этностарының өзара мәдени әсерлесу ерекшеліктерін түсіндіру.

Тірек сөздер:

Қазақша	Орысша	Ағылшынша
Полиэтникалық қоғам	Полиэтническое общество	Polyethnic society
Ұлттық саясат	Национальная политика	National politics

Тақырыпқа шығу:

... Ардақтап анасын, құрметтеп данасын,
Бауырға басқанбыз баршаның баласын.
Татулық, достықтың киелі бесігі –
Мейірбан Ұлы Отан, қазақтың даласы!

1992–2006 жылдардағы Қазақстан Республикасының Әнұранынан
үзінді.

1. Өлең жолдарын тақырыппен қалай байланыстыруға болады?
2. Неліктен Қазақстанда көптеген ұлт өкілдері тұрады?

1. XX ғасырдың 20-жылдарындағы Қазақстан халқы. 1917 жылды халық санағы жүргізілді. Санақ бойынша өлкे халқының саны 6 млн адамнан асты. 1897 жылғы санақпен салыстырғанда халықтың саны біршама ескендігі байқалды. Республикада жыл өткен сайын этностық топ өкілдерінің құрамы да өсе түсті. Славян текті этнос өкілдері, негізінен, солтүстік, солтүстік-шығыс облыстарда өмір сүрді. Осы жылдардағы демографиялық ахуал көрсеткіші бойынша елімізде жергілікті қазақ ұлтының құрамы басым еді. Дегенмен олардың жалпы халық құрамындағы үлес салмағы айтарлықтай азайған. Оның себебі, ең алдымен, балалар өлімінің өсуі мен халықтың табиги өсімінің төмендігі және соғыс салдарынан орын алған ауыр зардалтардың әсері болды.

1920 жылды тамызда Қазақ (Қыргыз – авт.) АКСР-і құрылды. Жаңа автономияның астанасы ретінде Орынбор қаласы бекітілді. Қазақ АКСР-і құрамына Семей, Ақмола, Торғай және Орал губерниялары, Маңғышлақ уезі, Красноводск уезінің, Каспий сырты облысының және Астрахан губерниясының, соның ішінде Бөкей Ордасының бір бөліктері енді. 1920 жылды

қыркүйекте қазақ автономиясына Орынбор губерниясының бір бөлігі қосылды.

Азамат соғысы аяқталысымен алғашқы кеңестік санақ жүргізілді. Аталған шараның нәтижесі бойынша ол кезде автономия аумағында 3 млн.-ға жуық адам өмір сүрген, олардың 91%-ы ауылдық жерде мекендеді, қалғаны – қалалар мен қалалық елді мекендерде тұрақтаған. «Ақтар» мен «қызылдар»

Зерттеу жүргіз
Не себепті 1925 жылға дейін «қазақ» атауының орнына «қырғыз» атауы қолданылып келді?

қарсыластығы елде әлі де кейбір ошақтарда басылмағандықтан, бұл санақ Қазақстанның барлық аймағын қамтымады. Басқа үлт екілдері санының көбеюіне байланысты халық құрамы елеулі өзгерістерге ұшырады. *Ұлттық саясатта* интернационализм үғымы орнықты.

Азамат соғысынан кейін азық-түлік салғыртының нәтижесі, шаруашылық күйзеліс, аштық салдары 1917–1920 жылдар аралығында халық санының кемуіне әкелді.

1918 жылғы кеңестердің Бүкілтуркістандық V съезінде «Түркістан Автономиялық Кеңестік Социалистік Республикасы» туралы ереже бекітілді. Қазақтардың басым бөлігі ТАКСР-інің Сырдария және Жетісу облыстарында шоғырланды.

1924 жылды Орта Азиядағы ұлттық-мемлекеттік межелеудеге байланысты ТАКСР-і таратылды. Сол жылдың қазан айында Түркістан АКСР-інің құрамындағы қазақтар мекендерген жерлердің (Сырдария мен Жетісу) Қазақ АКСР-іне қосылғандығы туралы қаулы бекітілді.



2. ҚазАКСР-і полиэтникалық қоғамының өзгеріске үшіруауы.

Оңтүстік облыстарды қосу нәтижесінде Қазақстан аумағы үлгайды. Қазақ АКСР-і одақтас республикалар арасында көлемі жағынан екінші орын алды (РКФСР-дан кейін – *авт.*). Қазақ халқының аумақтық бірігуі мемлекеттілікті нығайтып, республиканың экономикалық және мәдени дамуы үшін маңызы зор болды. Қазақстанның халық саны үлгайып, аумағы кеңейді, күш-қуаты артты.

1925 жылы сәуірде Орынбор губерниясы Қазақ автономиясы құрамынан шығарылды. Республика астанасын Орынбор қаласынан Ақмешіт қаласына көшіру және Ақмешітке Қызылорда атауын беру туралы қаулы қабылданды.

Билікке большевиктер келгенімен, Ресейдің еуропалық бөлігінен орыс шаруалардың қоныстануы жалғасып жатты.

1926 жылы Бүкілодактық халық санағы өткізілді. Қазақстанның демографиялық көрсеткіші халық санағының қорытынды мәліметі бойынша 6,2 млн адамды құрады. Полиэтникалық республикамызда 86 ұлт пен ұлттық топтар өмір сүрді. Қазақтардың халық құрамындағы улесі – 58,5%, орыстар – 20,6%, украин – 13,9% құрады. Қазақтар негізінде Сырдария, Орал, Ақтөбе және Жетісу губернияларында тұрды. Орыстар Ақмола және Семей губернияларында шоғырланды. Қостанай округі мен Ақмола губернияларында украиндардың үлкен топтары орналасты.

3. 1937 және 1939 жылғы халық санақтары бойынша Қазақстан халқының саны мен ұлттық құрамы. 1928 жылы байларды тәркілеу, саяси құғын-сүргін, 30-жылдардағы жаппай етек алған ашаршылық жалпы халық санының өсіресе қазақтардың кемуіне жеткізді. Тек ашаршылық кезінде республика 2 миллионга жуық жергілікті тұрғындарынан айырылды.

1937 жылғы халық санағы бойынша 5,1 млн адам тіркелді. Оның ішінде қазақтар – 42,6%, орыстар – 37,4%, украин-

Талқыла

Қазіргі таңдағы ауылдан қалаға көшу үдерісіне салыстырмалы талдау жасандар.

Ойлан

Не себепті халық санының азаюы үлт өкілдерінің «көшіп кетуімен» түсіндірліді?

өкілдері санымен түсіндірген. Санақ жүргізгендердің біразы құғын-сүргінге үшырап, көшілігі атылды. Бұл санақ материалдары жарияланбай, ұзақ уақыт бойы КСРО мұрағаттарында сақталып қалды.

Қазақстанның үлттық құрамы өзгеруінің үрдісін қанша кезеңге белуге болады?

сеткіші қалыптасты. Үлттық құрамындағы қазақтардың үлесі 37,8%-ға азайды. Ал, жалпы халықтың үлес салмағының 40%-ын орыстар құрады.

4. Екінші дүниежүзілік соғыс қарсаңындағы халықтар депортациясы. XX ғасырдың 30–40-жылдары КСРО басшылығы жеке халықтарды республика аймағына *депортациялау*, күштеп жер аударуды жүзеге асырды. 1936 жылы «арнайы қоныс аударылғандар» деп аталғандардың саны 360 мың адамға жетті. 1936 жылы Қазақстанға Украинаның батыс аудандарынан 15 мың поляк және неміс отбасылары жер аударылды.



Герольд Бельгер

Анықта

Неліктен Қазақстан аумағына өзге үлттар күштеп қоныс аудартылды?

дар – 10,7% адамды құрады. 1937 жылы қаңтарда өткізілген бір күндік санақ қорытындысы дұрыс емес деп танылып, мәліметтері құпия сақталып, жойылды. Халық санының азаюын көткен үлт

1939 жылғы санақ бойынша республикадағы қазақтар саны 2,3 млн адам болды.

Қазақстанда этностардың жаңа көр-

37,8%-ға азайды. Ал, жалпы халықтың үлес салмағының 40%-ын орыстар құрады.

Күғын-сүргінге үшыраған халық өкілдері қазақ жерінде екінші отанын тапты. Солардың бірі белгілі жазушы Герольд Бельгер Солтүстік Қазақстандағы Есіл өзені жағасында орналасқан шағын ауылға көшірілген неміс отбасында еости.

1937 жылы Қызыр Шығыстан корей халқы да жаппай күштеп қоныс аударылды.

Түркия мен Иран шегараларына жақын орналасқан аз үлттарға сенімсіздік күшіне тусти. 1937–1938 жылдары Кавказдан шегара аймақтарында тұратын курд, ирандықтар мен түріктер «сенімсіз халықтар» деген желеумен көшірілді.



Қазақстан аумағына
күштеп қоныс
аударылғандар

1937 жылдың соңында Әзіrbайжан, Армения КСР-і елдерінен мыңдан астам күрд, түрік отбасылары Қазақстанға әкелінді. Оларды, негізінен, Оңтүстік Қазақстан мен Алматы облысының ауылдарына орналастырды. 1938 жылдың қазан-қараша айларында Әзіrbайжаннан осы облыстарға ирандық 2000 отбасы қоныстандырылды.

КСРО ХКК қаулысымен 1940 жылы Қазақстанға Украина-ның батыс аудандарынан – 6478, Батыс Белоруссиядан – 203 қоныс аударушы-поляк отбасы және Бессарабиядан 8 мың адам көшірілді.



Күштеп қоныс
аударылған корей
балалары

5. Соғыс жылдарындағы кеңес өкіметінің депортациялық саясаты. Ұлы Отан соғысы қарсаңында Қазақстанның этнодемографиялық жағдайы үлкен өзгерістерге ұшырады. Қазақстанға жүздеген мың адам еріксіз көшіріліп өкелінді. Жалпы соғыс жылдары алпыстан астам ұлт өкілдері күштеп қоныс аударылды.

Ойлан

Қоныс аударылған ұлт өкілдерінің басым белгілі неліктен Қазақстан аумағына көшірілді?

КСРО-ға шабуыл жасаган «фашистік Германия әскеріне көмектесуі мүмкін» деген сұлтаумен 1941 жылы қыркүйек айында депортацияның алғашқы легі кеңестік немістерді көшіру науқанынан басталды.

1939 жылғы санақ бойынша Қазақстанда 92 мың неміс ұлтының өкілдері тіркелсе, соғыс жылдары 462 мың неміс күштеп көшіруге жоспарланды.

1941 жылдың аяғына дейін Қазақстанға 420 мың неміс жер аударылды. Оның ішінде 30 мың неміс ұлты – Алматы облысына, 60 мың – Ақмола облысына, 30 мың – Қарағанды облысына, 40 мың – Қостанай облысына, 50 мың адам – Солтүстік Қазақстанға қоныстандырылды.

Арнайы қоныс аударылғандар көбінесе тек елді мекендерге орналастырылды. Үй-жай, мал-мұлігін тастав, көшу кезінде оларға өзімен бірге тек қажетті заттарды ғана алғып кетуге рұқсат берілді. Ұлты неміс әскери басшылар мен әскер қатарындағылар армиядан аластатылды. Неміс халқы республиканың облыс орталықтарынан көшіріліп, соғыс кезінде өндіріс орындарындағы ауыр жұмыстарға жаппай жұмылдырылды, МТС, совхоздар мен колхоздарға жіберілді.

Көшірілген халықтардың арасында адам өлімі көп болды. Ауру мен аштық жиі орын алды. Адамдар бір ауылдан екінші ауылға қатынаса алмады. Жеке құжаттары болған жоқ. Бәрі де арнайы комендатуралық қатаң бақылауында еді. Барлық құқықтарына тыйым салынды. Қазақстаниң әскери комиссариат арқылы еңбек армиясына 700 мың адам жіберілді, олардың қатарында қазақтардың саны 200 мыңға жетті. Мәселен, 1942 жылы қыста Магнитогорск металл балқыту пештерінде 10 мың

қазақ жұмысшы істеген. Еңбек армиясындағы адамдардың өмірі ете ауыр еді. Шақырылғандардың негізгі белігі ауыл тұргындары болды, оларды қара жұмысқа пайдаланды.

1943 жылы қазанда Қарашай автономиялық облысы таратылып, қарашибайлар күштеп көшіріле бастады. Облыстан 14 774 отбасы, жалпы 70 мыңдай адам депортацияланды. Сол жылы *Еділ қалмақтары* елдің шығыс, солтүстік аудандарына және Оралға жер аударылды. Жалпы 100 мыңға жуық адам көшіріліп, оның 648 отбасы немесе 2 268 адамы Қызылорда облысына қоныстандырылды.

1944 жылы қаңтарда Мемлекеттік қорғаныс комитеті қаулысымен Қазақ КСР-і және Қыргыз КСР-і жеріне шешен және ингуш халықтарын көшіру туралы шешім қабылданды. Аталған халықтарды көшіру 1944 жылы ақпанда басталды. Шешен-Ингуш АКСР-і таратылды. Архив құжаттары бойынша 1945 жылы қазан айында республикаға 400 мыңдан астам адам, жалпы 90 мыңдай отбасы көшірілді.

Мемлекеттік қорғаныс комитетінің 1944 жылы қаулысымен Қазақстанға балқар, месхетиялық түріктер, күрдтер қоныстандырылды.

Ойлан

Қоныс аударылған үлт өкілдерін қазақтар қалай қарсы алды?

Шығармашылықпен айналыс

Депортацияның түрлі салаларда қандай із қалдырғанын анықтап, ойынды екі мысалмен қорытындыла.

Саяси сала	Әлеуметтік сала	Мәдени сала
Корытынды	Корытынды	Корытынды
1. ...	1. ...	1. ...
2. ...	2. ...	2. ...

1946 жылы Кеңес одағы бойынша қоныс аударылғандардың жалпы саны 2 463 940 адам, оның жартысы (1 миллион 200 мың адам) Қазақстанға көшірілді.

Депортацияланған ұлт өкілдеріне өздерімен бірге 200 кг жүктен артық алмау ескертілді. Өз жерінде қалған үй-жайын, мал-мұлкін жергілікті билік органдарына өткізіп, жаңа жerde сол үшін өтемақы алуға тиісті еді. Бірақ іс жүзінде тиісті көмек көрсетілмеді. Көшірілген халықтардың материалдық-тұрмыстық жағдайы өте ауыр болды, қаржы жетіспеді. Олардың материалдық мұқтажына байланысты мәселелер толық шешімін тапқан жоқ. Жергілікті өкімет билік органдары жер аударылғандарға қаражат пен азық-түлікті дұрыс бөлмегі. Суықтан, аштықтан, аурудан көптеген адам қырылды. 1944–1948 жылдар аралығында 101036 шешен, ингуш, балқар ұлт өкілдері қаза тапты. Келген 462 мың неміс ұлт өкілдерінен соғыс аяқталған кезде 330 мың адам қалды.

Кеңес өкіметінің ұлтаралық озбырлық саясатына қарсы наразылық өрши түсті.



6. Бұкілодақтық санақ қорытындылары бойынша халықтың үлттық құрамындағы өзгерістер. Саяси құғын-сүргін, Екінші дүниежүзілік соғыс республиканың 600 мыңға жуық адамының өмірін жалмады. Дегенмен соғыстан кейінгі жылдары республика халқының саны қалпына келе бастады. Тұрғындардың табиғи өсімі еселенді. Өсіреке 50-жылдардың ортасында КСРО-ның одақтас республикаларынан ағылған жүздеген мың тың игерушілер есебінен көбейді.

Кеңес халқының миллиондаған адамға кемуіне байланысты санақ тек 1959 жылы өткізілді. 1959 жылғы санақ бойынша республика аумағындағы халық саны 9,3 млн адамды құраған.

1959–1970 жылдары Қазақстанға сырттан келушілердің көші-қоны азайып, үлттық құрамында қазақтардың үлесі үлгайғаны байқалады.

1950 жылдардың соңы – 1960 жылдардың басында республикадағы бала туу көрсеткіші жалпы одақтық көрсеткіштен 2 есе жоғары тұрды. Сонымен бірге халықтың өлім-жітімі, сәбилер өлімі біртіндеп төмендеді. Медициналық қызмет көрсету жақсарды. Қазақстан халқын 13 млн адам құрады.

1970–1989 жылдары Қазақстандағы қазақтардың негізгі этнодемографиялық сипаттамасы: халық аштықтың және 30-жылдардың құғын-сүргін салдарынан қалпына келе бастауы еді. Қазақстанның барлық облыстарында қазақтар саны көбейді. Ұзақ жылдар бойы солтүстік және шығыс аймақтарда азшылықты құраған қазақтардың үлесі артқаны байқалды.

Қазақстандағы қазақтардан кейінгі көпшілікті орыс үлттықтарды. 1970 жылы – 42,4%, 1979 жылы – 40,8%, 1989 жылы – 37,8% болды. Саны бойынша көрсеткіш жоғарылағанымен, республикадағы жалпы халық санының құрамында пайыздық үлесі төмендегенін байқаймыз.

Украин халқының саны 1959 жылдан бері азая бастады. 1970 жылғы санақ бойынша 933 мың украин (7,2%) тіркелсе,

Жұптық жұмыс

1970–1989 жылдардағы Қазақстандағы этно-демографиялық жағдайға қандай баға бересіңдер?

**Қазақ халқының 1959–1989 жылдар аралығындағы
демографиялық көрсеткіші**

1959	1970	1979	1989
2,8 млн (29,8%)	4,2 млн (32,6%)	5,3 млн (36%)	6,5 млн (39,7%)

1979 жылғы санақ дерегінде – 898 мың адамды (6,1%), 1989 жылы бұл көрсеткіш одан әрі азайып 5,5%-ды құрады. 1970–1989 жылдар аралығында украиндер саны Қазақстаннан көрінету есебінен азайды.

ХХ ғасырдың 30–40-жылдары кеңестік биліктің қысымымен Қазақстанға қоныс аударылғандар мен жергілікті тұрғындар арасында мәдени тұрғыда қарым-қатынас орнықты. Қоныс аударғандар қазақ тілін менгерді, қазақ халқының салт-дәстүрлерімен танысып, үлттық тағам мен киім киу салтын да қабылдай бастады. Өз кезегінде жергілікті қазақтар жақадан көшіп келгендердің музыкасы, тағам мәзірі, бау-бақша өсіру тәсілдерін менгерді.

- ? 1. Әр облыстағы үлттардың қоныстану ерекшеліктерін анықтаңдар.
- 2. Тоқырау жылдарында не себепті ауыл халқы қалага көшті?
- 3. Кеңестік билік кезінде республикалар дербес үлттық саясатын жүргізе алар ма еді? Зерттеу жүргізіндер.



Үлттық саясат – бір мемлекетте тұратын әртүрлі этностардың, этникалық топтар мен диаспоралардың арасындағы қарым-қатынастарды реттеу.

Полиэтникалық қоғам – бірнеше этникалық және үлттық топтардан, диаспоралардан тұратын қоғам.

Депортация (лат. – қуу) – 1920–1940 жылдардағы жаппай құрын-сүргін кезеңінде КСРО-ның бірқатар халықтарын тарихи мекендерден жерлерінен қуу. Депортация ауыр қылмыстардың қатарына жатады.

Шығармашылық тапсырмалар.

1-тапсырма. Қосымша материалдарды пайдаланып, XX ғасырдың 30–40-жылдарында Орталық Азияның қай мемлекеттеріне қандай үлттардың жер аударылғандарын (сандық мәлімет) анықтаңдар.

2-тапсырма. Тарихи деректер мен көркем әдебиеттер негізінде «Қазақстанға жер аударылған немістердің тағдыры» тақырыбында шағын эссе жазыңдар.



Жұздеген шешендер мен ингуштер Ембі кесіпшілігінде, таулы Алтай, Қоңырат, Текелі кеніштерінде жұмыс істеді. «Жұмышы колонналарының» еңбек жағдайы туралы НКВД Челябинск металлургия құрылышы лагері тұтқындарының бірі кейіннен былай деп есіне алады: «1942 жылы 9 ақпанда болашақ комбинаттың құрылыш алаңына 25 мыңдан аса жұмысқа шақырылған кеңес немістері келді...». Осы арада біз тоң жерден жертөлелер қаздық, даладан гөрі сөл жылы болатын және түнде көрпелеріміз сыз еденге жабысып қалатын. Әр күні таңертең «подъем» (тұрындар) және «бегом» (жүгіріндер) командасымен шамасы келгендер жуындыға өте үқсас қоймалжың сұйық «баландаға» жүгінетін едік...»

Қазақстан тарихы (көне заманнан бүгінге дейін). Бес томдық. 4-том. – Алматы. 2010, 512-бет.



Қосымша материалдарды пайдалана отырып, еңбек армиясындағы қоныс аударғандардың әлеуметтік-құқықтық жағдайын анықтаңдар.

Бесінші тарау**ҚАЗАҚСТАН РЕСПУБЛИКАСЫНЫҢ ЭТНОСАРАЛЫҚ
ҚАТЫНАСТАР САЛАСЫНДАҒЫ САЯСАТЫ****§17–18. Қазақстан Республикасының көші-қон саясаты****Оқу мақсаты:**

- ✓ көші-қон саясатының ерекшеліктерін анықтау үшін «көші-қон», «эмиграция», «иммиграция», «репатриант», «диаспора», «ирредента» ұғымдарын пайдалану;
- ✓ қазақстанның заңнаманың және мемлекеттік бағдарламалардың негізінде көші-қон саясатының негізгі бағыттары мен басымдықтарын түсіндіру.

Тірек сөздер:

Қазақша	Орысша	Ағылшынша
Диаспора	Диаспора	Diaspora
Репатриант	Репатриант	Repatriate
Ирредента	Ирредента	Irredenta
Иммиграция	Иммиграция	Immigration
Эмиграция	Эмиграция	Emigration

Тақырыпқа шығу:

1. «Көші-қон» дегенді қалай түсінесіндер?
2. Қазақстанның көші-қон саясаты туралы не білесіндер?

1. Тәуелсіз Қазақстандағы көші-қон саясатының ерекшеліктері. Көші-қон мемлекет халқының санына, ұлттық құрамы

мен қоныстануына, табиғи қозғалыстың үдерістеріне әсер ететін маңызды факторлардың бірі болып табылады. Сонымен қатар көші-қон еліміздең ауыл мен қала тұрғындарының өзара үлес салмақ өзгерістерінде, әлеуметтік-экономикалық мәселелерді шешуде және ұлттық қауіпсіздік жағынан маңызды рөл атқарады. Кеңестік кезеңің соңғы жылдарында республиканың ұлттық құрамында қазақтардың үлес салмағы төмен болды.

Сондықтан Қазақстан тәуелсіздік алғаннан кейін әлеуметтік-экономикалық және саяси жағдайдың ерекшелігіне сәйкес көші-қон саясатын жүргізуге белсенді кірісті. Ең алдымен, шетелде тұратын этникалық қазақтардың ұлттық бірігуі және тарихи отанына оралуы үшін көші-қон саясатының басқару жүйесін жетілдіру қарастырылды. 1992 жылы маусымда отандастарымыздың тәуелсіз елімізге кешуінің құқықтық негіздері реттелген «Көшіп келу туралы» Заң қабылданды.

1997 жылы қабылданған «Халықтың көші-қоны туралы» заңында көші-қон ағынын реттеу жүйесін жетілдіру, этникалық қазақтарды тарихи отанына қабылдау тәртібі мен азаматтық алу мүмкіндіктері нақтыланды. «Халықтың көші-қоны» заңында *repatriant* деп танылған адамдардың құқықтық мәртебесі анықталған.

Тұжырымдаманың басты қағидалары бойынша адамның негізгі құқықтары мен бостандықтарын сақтау; нәсілі, тілі, діні, этникалық және әлеуметтік шығу тегі, көзқарасы, саяси сенімі сияқты белгілері бойынша кемсітушілікке жол бермеу басымдықтары айқындалған.

2017 жылы «Қазақстан Республикасының 2017–2021 жылдарға арналған миграциялық саясаты» тұжырымдамасы қабылданды. Бұл шетелдерде тұратын қандастарымыздың тарихи отанына оралуына кеңінен жол ашты. Көші-қон саясатының негізгі бағыттары айқындалды. Қазақстан Республикасының

Ойлан

«Көшіп келу туралы» Заңды қабылдаудың қаншалықты қажеттілігі болды?



Конституциясы бойынша әркімнің республикадан тыс жерлерге кетуіне және кедергісіз қайтып оралуына құқығы бар.

2. Көші-қон үрдістерінің негізгі кезеңдері. *Бірінші кезеңде* (1991–2003 жылдар) көші-қон республика аумағынан кейір тұрғындардың үдерес көшіп кетуімен сипатталды. Елімізден европалық этнос өкілдері өз тарихи отандарына көше бастады. КСРО ыдыраған соң алғашқы жылдардағы әлеуметтік-экономикалық дағдарыс, өндірістің құлдырауы көптеген үлт өкілдері, соның ішінде орыстар – Ресейге, поляктар – Польшаға, немістер – Германияға т.б. елдерге көшіп кетуі нәтижесінде республикада аталған этностар өкілдері санының азаюы орын алды. Бұл жағдай республика тұрғындары санының кемуіне, еңбекке жарамды білікті кадрлар қатарының сиреуіне әкелді. Сондай-ақ жұмыссыздық өсіп, отбасыларда ажырасулар көбейді. Қылмыстар саны артты. Халықтың табиги өсуі, бала туу көрсеткіші төмөндеді.

Осы жылдары республика халқының саны 16 793,1 мыңдан 14 886,8 мыңға кеміді. Сыртқы көші-қондағы жоғары шегі 1994 жылға сәйкес келеді. Елден 811,3 мың адам көшіп кетті. 1991–2008 жылдары республикада жалпы 3,5 млн адам көші-қон қозғалысына түсті. Сондай-ақ басым көпшілігі Ресейге –

1 550 мың, Украинаға – 52,6 мың, Белоруссияға – 39,7 мың адам көшіп кетті. Қазақстанның тұрғындардың көшу үрдістерінің негізгі себебі ретінде 90-жылдардың ортасында орын алған экономикадағы дағдарысты, сонымен қатар азаматтардың атамекенімен қайта қауышу мақсатын айтуға болады. Оның үстіне психологиялық факторлар да басым болды: көптеген адамдар тарихи отанында тұрып жатқан туыстарымен байланыстары үзіліп, ертеңгі күніне деген сенімін жоғалтты, шегарадан өтудің қызындықтары туындауы мүмкін деген үрей мен тарихи отанында азаматтық алу мәселесі де алаңдатты. Сондықтан бұл этнос өкілдері өз елдеріне оралуға, тездеп көшуге кірісті. Аталған мәселелерді ескере келе, Қазақстан Республикасының Тұңғыш Президенті – Елбасы Н.Ә. Назарбаев 1998 жылы ТМД Саммитында «Қарапайым адамдарға қарай 10 қарапайым қадам» ұсынған болатын. Бұл бастаманың жүзеге асыруда азаматтық алу барысындағы жеңілдіктер, шегарада азаматтарымыздың, жүктөрдің, тауарлардың кедергісіз өтуі және ақпараттық байланыс аясын кеңейту т.б. мәселелер қарастырылды.

2004 жылдан бастап көші-қон ағысының қарқыны төмендей, халық саны өсіп, миграциялық үрдістің *екінші кезеңі* басталды. Өсүдің негізгі көзі табиғи өсім болды. Бұл өсім мұсылман-туркі халықтарында (қазақ, өзбек, қыргыз, әзіrbайжан, түрік, түрікмен, үйғыр, дүнген, тәжік) айқын байқалды. 2004–2009 жылдары республика халқының саны 826,9 мың адамға көбейді. 2020 жылы Қазақстан Республикасы халқының саны 19 миллионға дейін жетті.

3. Ишкі көші-қон ерекшеліктері. Тәуелсіздік жылдары ішкі көші-қонның негізгі бөлігі ауылдық жерлерден ірі қалаларға көшумен жалғасты. Еңбек мигранттарының едөуір бөлігін қазақ жастары құрады. 1994 жылдан 1998 жылға дейін ауылдық округтер саны 2522-ден 2042-ге қысқарды. Ұжымшарлар мен кеңшарлар таратылды, ауыл инфрақұрылымы өзгеріске ұшырады. Жұмыссыздық күшейе түсті.

Экономикалық дағдарыс нәтижесінде қалалардың пайда болып, өсіп дамуына жол ашқан зауыт, фабрикалар тоқтап қалды.

1989–1999 жылдары шағын қалаларда тұрғындардың саны азая бастады. Мысалы, Лениногорск – 13,7 мың, Зиряновск – 18,4 мың, Арқалық – 20,3 мың, Шахтинск – 41,8 мың адамға қысқарды.

Осы кездері халқымыздың демографиялық және әлеуметтік дамуы ірі бетбұрыстар мен күрделі өзгерістерге ұшырады. Қазақстан үкіметі 2008 жылы көші-қонды басқару жөнінде «Нұрлы көш» мемлекеттік бағдарламасын бекітті.

Пікірің қажет

Ішкі көші-қонның басқа ерекшеліктері туралы не айта аласындар?

«Нұрлы көш» бағдарламасының негізгі маңсаты – шетелдердегі қандастарымызды және еліміздің оңтүстік өңірінен солтүстік өңіріне қазақтарды ұтымды қоныстандыру. «Нұрлы көш» бағдарламасы аясында мемлекет ел тұрғындарын халқы тығыз, еңбек күші мол оңтүстік облыстардан республикамыздың солтүстік өңірлеріне көшіру саясатын қолға алды. Отанына оралған қандастарды да солтүстік аймаққа орналастыру шаrasы жүргізілді. Бала туу деңгейі төмен және жұмыс күшінің тапшылығы бар өңірлердегі кадр мәселесін шешуде «Серпін» атты бағдарлама да сәтті жүзеге асырылып, үлкен маңызға ие болды.

Анықта

«Серпін» бағдарламасына қандай маңсат қойылған?

2014 жылдан бастап «Серпін» жалпы-үлттық жобасы жүргізіліп келеді. Осы жоба бойынша мамандар даярланып, еңбек ресурстары мол аймақтардағы жастарды сұранысқа ие мамандықтар бойынша батыс және солтүстік аймақтарға оқуға тартады.

4. Шетелдердегі қазақтардың туған Отанына қайта оралуы. Дүниежүзі қазақтары қауымдастығы мәліметтері бойынша XX ғасырдың 90-жылдары қазақтар әлемнің 40 елінде тұрды. Олардың ішінде 3 млн 137 мың қазақ – жақын шетелдерде, 2 млн 529 мың қазақ – алыс шетелдерде мекендеген. Қазақтар көп тұратын елдер: Қытайда – 2 млн 260 мың адам, Өзбекстанда – 1 млн 750 мың адам, Ресейде – 1 млн 100 мың адам, Монголияда – 150 мың адам, Түркіменстанда – 150 мың адам, Қыргызстан-

да – 95 мың адам, Ауғанстанда – 30 мың адам, Түркияда – 15 мың адам шоғырланған.



1991 жылы ақпан айында республикаға Монголиядан еңбек квотасы бойынша 97 қазақ көшіп келді. Олар бұрынғы Талдықорған облысына орналасты. 1991 жылдың тамыз айында 1492 отбасы Семей, Қарағанды, Павлодар, Қостанай облыстарында мекен етті. Жалпы 1991–1993 жылдары Қазақстанға Монголиядан 60 мыңға жуық адам көшіп келді.

1993 жылды қазақтардың елге оралуы үшін арнайы квота бекітілді. Мысалы, 2009 жылы көшіп келу квотасында – 20 мың отбасы қарастырылды. Тәуелсіздік жылдары республикаға 1,5 млн-ға жуық қазақ қайтып оралды. Ең үлкен белігі Өзбекстаннан, Монголия мен Қытайдан келді.



Тұған жермен қауышу

5. Дүниежүзі қазақтарының құрылтайы және отандастарымыздың елімізге оралуының маңызы. 1991 жылы республикада жергілікті ұлт өкілдерінің үлес салмағы 40%-ды құрады. Қазақ халқының азшылыққа айналуына құғын-сүргін, күштеп қоныс аударту, депортация, өлкедегі ашаршылық секілді оқиғалар әсер еткен. Сарапшылардың пікірінше, кез келген елдің ішкі этносаралық тұрақтылығын сақтау үшін жергілікті ұлт өкілдерінің үлес салмағы 75–80% болуы керек. Осы тұргыда *иммиграция, имредента, эмиграция* мәселелеріне зор көңіл белініп отыр.

Қазақстанның ұлттық қауіпсіздігін, елде саяси тұрақтылықты қамтамасыз етуде көбінесе жергілікті ұлт пен көптеген *диаспоралардың* өзара түсіністікке негізделген арақатынасы және жалпы халық санындағы қазақтардың үлес салмағының есуі маңызды рөл атқарады. Бұл мәселеде шетелдегі қазақ диаспораларының өз отанына көшіп келуіне жол ашу, елде орналасу мүмкіндіктерін қамтамасыз ету анағұрлым оңтайлы шешім болып табылды. *Біріншіден*, отандастарымыздың тарихи отанына көшіп келуі демографиялық үдерістерді шешудің тиімді жолдарының бірі саналады. Өйткені оларда көпбалалы отбасын қалыптастыру үстанымы берік сақталған. *Екіншіден*, Қазақстандағы жұмыс күшінің жетіспеушілігін жоюға жәрдемдеседі. Өзбекстан, Қырғызстан, Қытай, Тәжікстан елдерінен арзан жұмыс күшінің үнемі және жаппай ағылуы экономикалық жағынан өте тиімсіз. Сондықтан олардың орнына әтникалық қазақтардың келуі, тапқан табысты өз елімізде жарату мен салық төлеу республика бюджетінің толықтырады. *Үшіншіден*, шетелдердегі қазақтардың тұган Отанына қайта оралуы қазақ тілі мәртебесін көтереді. Өзбекстан, Қытай, Монголия қазақтары мемлекеттік тілді еркін менгерген. Ресей қазақтары да ана тілін менгеруге аса ниетті. *Төртіншіден*, белсенді көші-қон ағымы арқылы тарихи әділдікті орнатуға мүмкіндік аламыз. *Бесіншіден*, экономикалық, мәдени, спорт табыстарына қол жеткіземіз. Отандастарымыздың еліміздің әлеуметтік-экономикалық, ғылыми, мәдени, саяси өмірінде елеулі өзіндік үлес қосып жүргені мәлім. Мысалы, Өзбекстаннан елге оралғандардың бірі – сәү-

летші, Қазақстан Республикасы Мемлекеттік Елтаңбасының авторы Жандарбек Мәлібеков. Түркиялық Халифа Алтай – Құранды араб тілінен қазақ тіліне алғаш рет аударды.

Монголиядан шыққан ғалым-турколог Қаржаубай Сартқожаулы – көне түркі жазбаларын еркін оқитын санаулы зерттеушілердің бірі. Мұстафа Өзтүрік – таэквондо спортынан әлемге әйгілі шебер. Қытайдан атажүртқа оралған Нәбижан Мұхаммедханұлы «Мәдени мұра» мемлекеттік бағдарламасы аясында қытай жазба деректерінен ежелгі, орта ғасырлар және жаңа заман тарихына қатысты құнды мәліметтерді қазақ тіліне аударды. Өзбекстаниң көшіп келген Бақыт Сәрсекбаев бокстан 2008 жылы Пекин олимпиадасында жеңімпаз жалғыз қазақ болды. Қытайдан көшіп келген Майра Мұхаммедқызы «Ла Скала», «Гранд Опера» сынды әлемдегі әйгілі опера театрларында ән шырқады. Бүгінгі таңда шетелде тұрып жатқан қандастарымыздың тарихи отаны – Қазақстанға оралу мәселесі мемлекеттік деңгейде қаралып, заңды негіздер жасалуда.

Қазақстан Республикасының Тұңғыш Президенті – Елбасы Н.Ә. Назарбаевтың бастамасымен, ҚР Президенті Қ.-Ж.К. Тоқаевтың қолдауымен отандастарымызды көшіріп өкелу үшін барлық жағдай қаастырылып, қамқорлық көрсетіліп келеді. Жыл сайын шетелдегі қазақ ұлты өкілдері үшін Қазақстан Республикасының жоғары оқу орындарында оқуға белгіленген 2% мөлшерінде квота беріледі.

Ұлт иғілігі үшін Алматы қаласында 1992 жылы Дүниежүзі қазақтарының Бірінші құрылтайы өтіп, шетелдердегі қандас-



Халифа Алтай



Мұстафа Өзтүрік



Дүниежүзі қазақтарының құрылтайы

Ойлан

Неге кейбір мемлекеттер шетелдегі қандастарын қайтаруға ерекше көңіл бөледі?

тарымыз атажүртта бас қосты. Дүниежүзі қазақтарының қауымдастыры құрылышы, төрағалығына Н.Ә. Назарбаев сайланды. Құрылтайдың басты мақсаты – қазақтарды этникалық-мәдени біріктіру. Дүниежүзі қазақтарының құрылтайлары одан кейінгі жылдары Түркістан, Астана (Нұр-Сұлтан) қалаларында өткізілді.

Құрылтай сияқты басқосулар тарихи тағдыр жазмышымен тәрткүл дүниеге тараган қандастарымыздың атамекеніне оралуына жол ашып, тарихи отандарына кешіп келушілердің бейімделу мәселелерін шешті. ТМД елдерінің арасында бірінші болып біздің мемлекет алыс-жақын шетелдердегі қандас бауырларына құшағын айқара ашып, олардың елге оралуына кеңінен мүмкіншілік жасады. Шетелдегі отандастарын тұган жеріне қайтаруға қамқорлық жасап отырган дүниежүзіндегі мына мемлекеттер: Қазақстан, Германия, Израиль болып табылады.

Аталған шара Қазақстанның әлемдік қауымдастық алдында тарихи тағдыр тауқыметімен өзге елге кетуге мәжбүр болған

өз үлтynың болашағына алаңдап, қамқорлық танытатын және жаңа мыңжылдықта бейбітшілік пен гуманизмді қалыптастыру жолымен ның қадам басқан ел ретінде танытты. Алғаш рет 30 жыл ішінде қазақтардың үлес салмағы 40%-дан 70%-ға жетті.

Бұдан кейінгі өткен құрылтайлар қазақтардың жаңа дәуірдегі біртұтас үлт ретінде бірігуге үмттылысын көрсетті. Жыл сайын құрылтай үлгісі бойынша еуропалық қазақтардың кіші құрылтайлары өткізіледі.

6. Қазақстандағы қазіргі этнодемографиялық жағдай. Қазақстандағы этнодемографиялық үдерістерге сәйкес 1991–2003 жылдары халықтың саны күрт азайды, ал 2011 жылы республика тұрғындарының саны 1991 жылғы көрсеткішке жақындалады. Тұрғындар саны күрт төмендеуінің басты себептерінің бірі азаматтардың Қазақстанның тыс елдерге көші-қон нәтижесі еді. Негізінен еуропалық этнос өкілдері қоныс аударды. Олар Қостанай, Солтүстік Қазақстан, Павлодар, Қарағанды, Шығыс Қазақстан облыстарынан кетіп, осы өңірлерде халық саны азайды.

Бүгінде республика тұрғындары қатарында әйелдердің ерлерден басым көрсеткіші сақталып келеді. Еуропалық үлт өкілдерінің қартауы көрініс табуда, жастары Қазақстанның тыс елдерге оқуға және жұмысқа орналасуға кетуде. Қазақтар республика тұрғындарының басым бөлігін құрайды.

Қазақстанда аймақтық орналасуда өзгерістер байқалады. Ауыл жастары қалаға бет бүруда. Көші-қонның негізгі ағыны тұрғындарының саны 1 млн-нан асқан Нұр-Сұлтан, Алматы, Шымкент қалаларына бағытталған.

Анықта

Ерлерге қарағанда әйелдердің пайыздық үлесінің басым болуының себептерін анықтандар.



1. Дүниежүзі қазақтары құрылтайын өткізу мен қандастарымыздың елге оралуының негізгі себептері мен алғышарттары қандай?
2. Қазақстан қандастардың елге жаппай қоныс аударуынан қандай жеңілдіктер мен артықшылықтар алды?
3. Қосымша деректерді пайдаланып, өздерің тұратын аймақтағы қандастардың бейімделуі туралы айтып беріңдер.

4. Жаңа деректер негізінде «Серпін» бағдарламасының мақсаты мен жүзеге асырылу барысы жайлы айтындар.



Диаспора – өзінің тарихи шығу тегінен тыскары елде тұрып жатқан халықтың бір бөлігі (этникалық қауымдастық).

Ирредента – өз тарихи отанында тұрып жатқан, алайда ол аумақ түрлі себептермен өзге ел құрамына еніп, сонда қалып қойған этникалық топ.

Иммиграция – қоныстанушылық, келімсектік, бір мемлекет азаматтарының екінші бір мемлекетке тұрақты немесе уақытша тұру үшін көшіп келуі.

Репатриант – тарихи отанына қайтқан қандастар.

Эмиграция – өз еліндегі тұрғылықты мекенін бөтен елдегі тұрғылықты жерге айырбастау.



Жандарбек Мәлібеков (1943) – Мемлекеттік Елтаңбаның авторы, белгілі сәулетші.

Майра Мұхаммедқызы (1965) – қазақтың атақты опера әншісі (сопрано, бельканто). Қазақстан Республикасының еңбек сінірген артисі. Қазақстан Республикасы мемлекеттік сыйлығының лауреаты. Париждегі «Гранд Операда» Қазақстан атынан әнер көрсеткен тұңғыш опера әншісі.

Мұстафа Өзтүрік (1954–1995) – таэквондо спортынан есімі әлемге әйгілі шебер.

Шығармашылық тапсырмалар.

1-тапсырма. Қосымша материалдарды пайдаланып, Қазақстан Республикасы көші-қон саясатының мақсатын анықтаңдар.

2-тапсырма. Берілген сұзба бойынша әңгіме құрастырыңдар.

Кім? Неге? Қашан? Қайда? Қалай?

Дүниежүзі қазақтары
құрылтайы



3-тапсырма. Қазақстаннан басқа елдердің (Ресей Федерациясы, ГФР, Израиль т.б.) көші-қон саясатына талдау жасандар.



Дүниежүзі қазақтары құрылтайы. Шетелдерге тарыдай шашырап кеткен қазақтар:

*Әй, Алтай, әттең Алтай, көркем Алтай,
Кір жуып, кіндік кескен өлкем Алтай.
Армансыз бұл дүниеден өтер едім,
Бір ііскеп топырагыңды өлсем, Алтай! –*

деп тұған елін-жерін аңсаумен өмірін өткізіп жатты. Еліміз тәуелсіздігін алғанына жарты ай өткенде, яғни 1991 жылдың 31 желтоқсанында Президент радио арқылы шетелдердегі қазақ диаспорасының өкілдеріне арнап сез сейледі. Қазақстан Үкіметі «Басқа республикалардан және шет елдерден селолық жерлерде жұмыс істеуге тілек білдіруші байыргы үлт адамдарын Қазақстанда қоныстандырудың тәртібі мен шарттары тура-лы» арнайы қаулы қабылдады. Сөйтіп, атамекенге келем деген ағайындарға жол ашылды.

1992 жылы 29 қыркүйекте азаттығымыздың алтын бесінші – Алматыда Дүниежүзі қазақтарының тұңғыш құрылтайы ашылды. Құрылтайға – Түркия, Германия, Франция, Швеция, Норвегия, Монголия, Ресей, Қыргызстан, Турікменстан, Өзбекстан және басқа елдерден, барлығы – 33 елден, сондай-ақ Қазақстан облыстарынан келген өкілдер – 800-ден астам кісі қатысты.

Мәжілісті Дүниежүзі қазақтары құрылтайын үйымдастыру комитетінің тәрағасы, сол жылдардағы Қазақстан Республикасы Премьер-Министрінің орынбасары Мырзатай Жолдасбеков ашты. Түркиядан келген Дәлелхан Жаналтайға сез кезегі келгенде: «Мен бұл күнді көрем деп ойлаған жоқ едім. Құдайға шүкір, өшкенім жанды, өлгенім тірілді! Енді арман жоқ!» – деді. Осы сез құрылтайдың өзегіне айналды. Күн тәртібінде – Дүниежүзі қазақтары қауымдастығын құру, оның жарғысын қабылдау, басшы органдарын сайлау талқыланды.

Аяган Б.Ф., және т.б. Қазіргі Қазақстан тарихы. – Алматы, 2010, 332-бет.



1. Дүниежүзі қазақтары құрылтайының тарихи маңызы неде?
2. Бұдан кейінгі өткен құрылтайларда қандай мәселелер көтөрілгенін анықтаңдар.

§19–20. Ұлтаралық және конфессияаралық келісімнің қазақстандық моделі

Оқу мақсаты:

- ✓ мемлекеттік стратегияларды және бағдарламаларды зерттеу негізінде ұлтаралық және конфессияаралық келісімнің қазақстандық үлгісін бағалау.

Тірек сөздер:

Қазақша	Орысша	Ағылшынша
Атеизм	Атеизм	Atheism
ҚМДБ	ДУМК	The Spiritual Administration of the Muslims of Kazakhstan
Доктрина	Доктрина	Doctrine
Сепаратистер	Сепаратисты	Separatists
Сұнниттер	Сунниты	Sunnites

Тақырыпқа шығу:

Конфессияаралық келісім де-
генді қалай түсінесіндер?



Конфессияаралық келісім аллеясы.
Нұр-Сұлтан қаласы

1. Қазақстаниң этносаралық саясаты. Қазақстан Республикасы – жүзден астам ұлт пен ұлыс өкілдері өмір сүретін полигендерлік мемлекет. Бұғанде халқының саны 19 миллионға

жуық адамды құрайды, оның ішінде мемлекет құраушы қазақтардың үлесі 70%-ға жетті.

Тәуелсіздік тұғырын биік ұстаган Қазақстан түрлі этникалық топтардың арасындағы келісім мен татулықты сақтап қалды. Республикада посткеңестік кеңістіктегі XX ғасырдың 80–90-жылдар тоғысында орын ала бастаған ұлтаралық жанжалдардың қаупін дер кезінде бағалай алдық. Мұны терең түсінген Қазақстан Республикасының Тұнғыш Президенті – Елбасы Н.Ә. Назарбаев үзақ мерзімді ұлтаралық саясат жүргізуді назарга алып, бейбітшілік пен тұрақтылықты сақтаудың тиімді жолдарын үйлестірді.

Қоғамда тұрақтылықты сақтау мемлекетіміздің ішкі саясаты бағытының негізгі іргетасына айналды. Ұзақ уақыт бойы халықтар арасындағы өзара қатынастардың ерекше дәстүрі қалыптасып, кеңінен насихатталып келеді. Бұкіл әлемде «қазақстандық этносаралық және конфессияаралық келісімнің үлгісі» туралы айтыла бастады. Оның негізі ретінде тағдырдың еркімен ортақ Отанымызға келген барлық этникалық диаспораларға қазақтардың толеранттық қатынасын атап өту орынды.

Қазақстан Республикасының Конституциясында *«тегіне, алеуметтік, лауазымдық және мұліктік жағдайына, жынысына, нәсіліне, үлттына, тіліне, діни көзқарасына, нанымына, тұргылықты жеріне байланысты немесе кез келген өзге жағдаяттар бойынша ешкімді ешқандай кемсітүге болмайды»* деп жазылған.

Конституцияда ұлтаралық келісімге іріткі салатын кез келген әрекет конституциялық емес деп танылған. *Сепаратистер*, террористер мен ұлтшылдардың лаңқестік әрекеттеріне орталық билік тарапынан қатаң түрде тыйым салынған. Елде үйлестірілген тіл саясаты жүргізілуде. Мемлекеттің терең ойлас-тырылған кадрлық саясаты барысында биліктің жергілікті және орталық органдарында еліміздің түрлі ұлт өкілдері қызмет атқаруда. Ең алдымен адамның іскерлік қасиеттеріне назар аударылады.

Ұлтаралық қатынастар байыптылық пен жауапкершілікті және сақтылықты қажет етеді. Ұлтаралық саясатты жүзеге асыруда

Ойлан

XX ғасырдың 90-жылдарының соңындағы ұлтаралық қатынасқа сипаттама беріндер.

Президент қазақ халқының діліне, оның басқа үлттарға деген дәстүрлі төзімділігіне сүйенеді.

Қазақстан Республикасының үлттық қауіпсіздігі мен ішкі саяси тұрақтылығын сақтауда – еліміздегі әртүрлі конфессиялардағы халықтардың бейбіт қатар өмір сүруі басты мәселе саналады. Елімізде 820-ға жуық этномәдени бірлестік жұмыс істейді. Олар Бейбітшілік және келісім сарайы мен облыстық Достық үйлерінде орналасқан.

2. Қазақстанның Үлт бірлігі доктринасы – маңызды стратегиялық құжат. Қазіргі таңда әлемнің көптеген елдерінде саяси этносаралық қақтығыстар мен қарама-қайшылықтар орын алған тұста Қазақстан ішкі саяси тұрақтылықты сақтап қана қоймай, оны нығайта алды. Оның ішінде үлтаралық қатынастар саласы да қамтылып, басым маңызға ие болды.

Қазақстанның Үлт бірлігі доктринасын қабылдауы халқыныздың бірігуі үшін маңызды рөл атқарды. Әлемде осы сияқты қоғам мен биліктің арасындағы келісім көрініс тапқан және үлттың болашағын белгілейтін мемлекеттік деңгейдегі көптеген құжаттар бар. Солардың қатарында Конфуций мен *Монро* доктриналарын атап өтуге болады.

Тәуелсіз Қазақстан тарихында өте маңызды, күрделі мемлекеттік тұрғыдағы үлтаралық мәселенің болашағын белгілейтін құжат қабылданды. Ел бірлігі доктринасында басты міндетіміз – қолымызда тұрган ең бағалы құндылық – тәуелсіз Қазақстанды көзіміздің қарашығындаи сақтап, еліміздегі азamatтық бейбітшілік, саяси тұрақтылық, үлтаралық және конфессияларлық келісімді болашақ үрпаққа тапсыру.

Қазақстан халқы үшін доктринаның тарихи маңызы аса зор. Үлт бірлігі доктринасының қабылдануы Қазақстанның әлемдік қауымдастыққа ішкі және сыртқы саясатының ашықтығын дәлелдеді.

Үлт бірлігі доктринасы үш маңызды белімнен тұрады. «Бір ел – бір тағдыр» атты бірінші белімінде елдің барша азаматын біріктіретін ең басты құндылық – тарихи тағдырымыздың ортақ екендігі басшылыққа алынады. «*Үлт бірлігін негіздейтін*



бірінші қагидат – әрбір азаматтың өзінің ортақ тағдыры мен Отанының – Қазақстан Республикасының – ортақ екенін үзүнү. Біздің үлттық бірлігіміз этникалық шыгу тегіне қарамастан, әрбір адамның жогары деңгейде Қазақстанмен және оның болашағымен етene бірігүіне негізделген».

«Тегі басқа – тенденциялық бір» деп аталған екінші бөлімде үлттық бірлігімізге негізделген басты қагидат – этностық, басқа да шыққан тегіне, діни ұстанымына, әлеуметтік жағдайына қарамай, барлық азаматтарға тең мүмкіндіктер беріледі деп көрсетілген. «Әрбір Қазақстан азаматы өзінің жеке артықшылығы мен шыгу тегіне қарамай, қабілеттіне қарай барлық мүмкіндігін жүзеге асырып, жетістіктеге жете алады» және «оган ешқандай кедергі болмайды», – деп белгіленді. Қазақстанның барша азаматына тең мүмкіндіктер мен лайықты өмір сүру жағдайын тутызуға үмтүлу сынды қагидаттар негізге алынды.

Ойлан

Тағы басқа елдерде қабылданған қандай доктриналарды білесіндер?

«Үлт рухының дамуы» атты үшінші белімінде «*рухани бастау – ұлттың біртұтастыққа біріктіретін күш*. Халықтың рухы күшті болған сайын, оның мемлекеттілігінің де болашағы зор болмақ. Біздің ұлттық рухымызды көтеру үшін негізгі басымдықтар мыналар: дәстүр мен отансыздықтың рухы, жаңару рухы, жарыс пен жеңіс рухы» деп көрсетілді.

Қазақстан Республикасы Үлттық бірлік доктринасының қабылдануы тарихи маңызды шара болды. Аталған құжат этнос-аралық қатынастар саласында тиімді шарттарды қалыптастыруға бағытталған заңнамалық және өзге де нормативтік актілерді өзірлеуге негіз қалады.

3. Еліміздің тіл саясаты. Үлттық саясаттың негізгі бағыттарының бірі – тіл саясаты. 1970–1980 жылдары қазақ тілінің республикамызда қолданыс аясы тарылып, мемлекеттік тіл ретінде беделі төмендеді. Әрбір облыс орталығында бір-бірден гана қазақ тілінде оқытатын мектеп жұмыс істеді. Қазақ тілінде шығатын газеттер әсіресе солтүстік, солтүстік-шығыс аймақтарда жабылды.

1989 жылы қыркүйекте «Қазақ КСР-інің тілдері туралы» заң қабылданды. «*Қазақ тілі республикада мемлекеттік тіл болып табылады*» деп атап көрсетілді. Орыс тілі ұлтаралық қатынас тілі ретінде бекітілді. Сонымен қатар елімізде басқа диаспоралардың тілдерін дамыту үшін жағдай жасалып, мемлекеттік қолдау көрсетіледі.

Қазақ тілінің мемлекеттік мәртебесін Қазақстан Республикасының 1995 жылғы Конституциясы нақтылады. 1996 жылы «Қазақстан Республикасы Тіл саясатының тұжырымдамасы» қабылданып, мемлекеттік тіл ретінде қазақ тілін дамытуға нақты міндеттер белгіленді. 1998 жылы ҚР Үкіметі «Мемлекеттік органдарда мемлекеттік тілдің қолданылу аясын кеңейту туралы» қаулы қабылдады. Осы жылы ҚР Үкіметінің жаңында Мемлекеттік терминология комиссиясын құру туралы шешім бекітілді.

1999 жылы республикалық мемлекеттік тілді жеделдетіп оқыту орталығы ашылды. 2011 жылы Қазақстан Республикасын-

да тілдерді дамыту мен қолданудың 2011–2020 жылдарға арналған мемлекеттік бағдарламасы қабылданды.

Мемлекеттің тікелей қолдауымен елімізде 88-ден аса ұлттық мектеп, 170 жексенбілік мектеп жұмыс істейді, онда ұлттық тілдер оқытылады. Ұлттық жаңғырту мектептерінде ана тілін оқыту бойынша бөлімдер ашылды. Оларға үкіметтен және жергілікті бюджеттеннән қаржылық көмек көрсетіледі. Республикада 14 орыс, өзбек және үйғыр, кәріс, неміс театrlары жұмыс істейді.

Бұғінгі күні елімізде ақпараттық алаңда 15 ұлттық тілде этномәдени орталықтардың 35 газеті мен 26 сайты бар.

2018 жылды мемлекеттің тапсырмасы бойынша тарихшығалымдар, географтар және ақпараттық технологиялар мамандары бірлесіп «Қазақстан халқы» интерактивті ғылыми тарихи картасын дайындады. Электронды картада ежелгі заманнан бастап қазіргі уақытқа дейінгі қазақ жерінде қоныстанған этникалық үдерістер тарихы көрсетіліп, елуден астам этностар тура-лы қысқаша деректер мен мағлұматтар берілді.

4. Қазақстандағы этносаралық тұрақтылықтың негізгі факторлары. Бұғінгі күні Қазақстан – бейбітшілік пен келісім сақтаған, этностар өзара ынтымақта өмір сүріп жатқан бірегей мемлекет. Этносаралық келісім мен бейбітшілік аясында әлемде баламасы жоқ қазақстандық үлгі қалыптасып, қарқынды дамуда. Этносаяси мәселелер мемлекеттік ұлттық саясаттың өзегіне айналды. Ол мемлекетті қалыптастыруышы қазақ ұлтына этносаралық келісім мен ынтымақтастықты сақтауға, өзге этностар құқықтарының шектелмеуіне деген жауапкершілігін жүктейді.

Қазақ халқымен еліміздегі барлық этникалық диаспоралар бейбітшілік пен келісім негізінде полимәдени қоғам болып құрылды. Халқымыз ынтымақ, бірлік пен діни тұрақтылықты қорғауға бар күш-жігерін салады.

Елімізде дәстүрлі *сүнниттік* исламның ханафи мәзінабы қабылданған. Ханафи мәзінабы – сүнниттік бағыттағы құқықтық ілім, жергілікті нағым-сенімдер мен ғұрыптарға, дәстүрлі ұлттық мәдениетке төзімділігімен ерекшеленеді. Қазақстан өзінің



Ынтымақ, бірлігі жарасқан Қазақстан халқы

ұлтаралық және дінаралық ынтымақтастыры тәжірибесімен исламның дау-жанжалға себепші емес екендігін дәлелдеуде.

Олардың бәрі де қазақтың даласында ұлттымызben бірге жасап келеді. Осыған орай, 2015 жылы Қазақстан халқы Ассамблеясының сессиясында Елбасы барлық ұлттың бір-біріне және өсіресе қазақтарға алғыс айту күнін бекітуді ұсынған еді.



5. Конфессияаралық қатынастар саласындағы саясат. Қазақстан көне заманнан бері сан алуан мәдениеттер мен діндердің тоғысу мекені болған. Еліміздің тарихында дінаралық қақтығыстар мен жанжалдар орын алған емес. Бұл аймақ әртүрлі діндердің тоғысқан жері. Ежелден бері көптеген мешіттермен қатар, иудей синагогалары, христиан шіркеулері және будда храмдары қатар өмір сүрді. Олардың көвшілігі еліміздің аумағы арқылы өтетін Ұлы Жібек жолының бойындағы қалаларда орналасқан еді.

Патша және Кеңес үкіметі дала тұрғындарына тән емес, өзгеше дін саясатын жүргізді.

Ресей империясы отаршылдық саясатымен қоса православие дініне көшіруге үлкен көңіл бөлді. Христиан дінін кеңінен таратуға кедергі болған ислам дінін әлсірету саясатын да үстанды. Дала қазақтарын шоқындыру мақсатында 1881 жылы Қырғыз миссиясы құрылған еді. Ол Семей облысының кеңбайтақ аймағындағы қазақтарды шоқындыруға кірісті. Көшпелі қазақ қауымы Қырғыз миссиясына қатты қарсылық көрсетті.

Кеңес әкіметі өсіреле алғашқы онжылдықтарында, дінге тыным салып, молдаларды құғындаудың түрлі тәсілдерін пайдаланды, жер аудару шараларына дейін қолданды. Дінге қарсы саясат «атеизм» енгізілді.

Қазіргі таңда Қазақстан – зайырлы мемлекет. Мемлекеттің дінге қатысты саясаты конфессияаралық татулық пен төзімділікті нығайтуға бағытталған. Елбасы Н.Ә. Назарбаев: «Жалпы екі нәрседен – діни фанатизм мен діни көрсөкүрліктан бірдей сақтандын жөн», – деп ескертеді.

Тәуелсіздік алдысмен елімізде 1992 жылы «Діни сенім бостандығы және діни бірлестіктер туралы» заң қабылданды. Заң қоғамдық тәртіпке нақты қатер төндіретін секталар мен ағымдарға қатысты либерализммен ерекшеленді. Заңда Қазақстан Республикасы әрбір азаматының наным-сенім бостандығы құрметтеліп, діни бірлестіктердің өзара сыйластық қарым-қатынасына негіз қаланды.

Ізден

Кеңес заманында атеизмді қазақтар қалай қабылдады?

1992 жылы ҚР Тұңғыш Президенті – Елбасы Н.Ә. Назарбаевтың бастамасымен I Бүкіләлемдік рухани келісім конгресі өтті. 2011 жылы «Діни қызмет пен діни бірлестіктер туралы» қабылданған жаңа заң бойынша еліміздің аумағында қызмет ететін барлық діни бірлестіктерді қайта тіркеуден өткізу рәсімдері мен олардың қызметтерін реттеу қарастырылды. Қазақстанда дінтанушылар конгресі белсенді қызмет атқарады. 2014 жылы Дін істері агенттігі мен **ҚМДВ**, елдегі православие шіркеуі қоғамда үйлесім мен төзімділікті сақтау, ынтымақтастық жөніндегі келісімге қол қойды.

Қазақстан Республикасының Конституциясы мен заңдары азаматтардың ар-ождан және діни сенім бостандығына кепілдік береді. Конституция конфессионалдық, этникалық және өзге де белгілердегі кемсітушіліктің кез келген түріне тыйым салады. Біздің мемлекет діни бірлестіктердің ішкі ісіне араласпайды, діни сенімдерге құрметпен қарайды.

Қазақстан адам құқықтары аясындағы маңызды халықаралық келісімдер мен шарттарға қосылды. Республиканың конфессионалдық саясатында діни төзімділік пен бейбітшілік басты ұстанымдар болып табылады.

6. Қазақстан – дінаралық диалог орталығы. Қазақстан Республикасының Тұңғыш Президенті – Елбасы Н.Ә. Назарбаевтың бастамасымен Қазақстан Әлемдік және дәстүрлі діндер көшбасшыларының съездерін өткізу жауапкершілігін алды. Елбасының ігі бастамасын Кофи Аннан, Джордж Буш, Margaret Тэтчер секілді беделді саясаткерлер қолдады.

Талқыла

Тұрлі дін өкілдерінің бейбіт өмір сүруі қоғам дамуына өсер ете ала ма?

Дінаралық форумдардың қатысушылары – әлемнің ірі конфессиялары басшылары, белгілі саясаткерлер мен халықаралық үйымдардың өкілдері. Әлемдік және дәстүрлі діндер лидерлерінің съезін өткізу Қазақстанның ғаламдық және аймақтық қауіпсіздікі қолдау механизмдерінің бірі ретінде өркениет және мәдениетаралық диалогтің ғаламдық үдерісіне қосқан елеулі үлесі болып табылады.

2006 жылы Әлемдік және дәстүрлі діндер көшбасшыларының конгресін өткізу мақсатында елордамызда арнайы Бейбітшілік



Нұр-Сұлтан қаласындағы Бейбітшілік және келісім сарайы

және келісім сарайы (Пирамида) салынды. Сарай түрлі діндердің, этностардың және мәдениеттердің әлемдік орталығына айналды. Мәдениеттер мен діндердің халықаралық орталығы осы Бейбітшілік пен келісім сарайында орналасқан.

Мәдениеттер мен діндердің халықаралық орталығы шетел мемлекеттерімен байланыстарды кеңейтіп, серіктестік орнатып келеді.

Қазақстандық бірегей тәжірибе жаһандық деңгейде қолдау тапты, сондықтан елордамыз дін көшбасшыларының кездесетін орнына және диалог алаңына айналды. Қазіргі күні Қазақстан жаһандық деңгейдегі діндер мен өркениеттер диалогі ұстанымын бекіту туралы мәселені көтере отырып, Шығыс пен Батыс арасындағы көпірге айналып отыр.

Әлемдік және дәстүрлі діндер көшбасшыларының I съезі 2003 жылы 23–24 қыркүйекте Нұр-Султан қаласында өтті. Форумның жұмысына Еуропа, Азия, Таяу Шығыс және Африканың 13 елінен ислам, христиан, буддизм, иудаизм, синтоизм, даосизм және басқа конфессиялардың, 17 діни үйымдардың өкілдері қатысты.

Пікірің қажет

Съездердің Қазақстанда өтуінің әлем мемлекеттегі үшін маңызы бар ма?

Съезде түрлі дін өкілдері әлем халықтарының бейбіт және лайықты өмір сүруі жолындағы ынтымақтастық пен бірлік идеяларының өзектілігін, оны іске асырудың қажеттілігін талқылады. Съезд шешімдері Декларацияда көрініс тапты, атап айтқанда, әділдік, ақиқат, имандылық, төзімділік сияқты рухани құндылықтарды уағыздау әрбір діннің мақсаты болуга тиіс деп атап көрсетілді.



Әлемдік және дәстүрлі діндер лидерлері съезі хатшылығының
17-отырысы. 2018 жыл

Діннің атын жамылып жасалатын экстремизм, лаңқестік және күш көрсету мен қаскунемдіктің басқа да түрлерінің шынайы дінге еш қатысы жоқ екені айтылды.

Съездің үлкен жетістігі – Қазақстанның бүкіл әлем алдында шынайы қоғамдық және дінаралық келісім мен бірлікке қол жеткен ел ретінде танылуы еді. I съезд барысында қатысуышылар Әлемдік және дәстүрлі діндер көшбасшыларының съезін үдайы турде өткізу және оның жұмыс органы – Хатшылықты құру туралы шешім қабылдады.

Съездердің жұмысы барысында адамзаттың өзекті мәселе-лері: «Діни және саяси басшылардың адамзат алдындағы жауапкершілігі»; «Діннің жастарға әсер ықпалы»; «Дін және саясаттың өзара әсерінің жаңа үдерістері мен перспективалары»; «Бейбітшілік, қауіпсіздік пен үйлесімділік үшін әлемдік және дәстүрлі діндер көшбасшылары арасында өзара құрмет пен түсіністікке негізделген үнқатысы» деген тақырыптар төңірегінде жан-жақты пікір алmasылды.

Әлемдік және дәстүрлі діндер лидерлері съездерінің тарихи маңызы зор. Қазақстан Еуразияның географиялық қана емес, жаһандық рухани-конфессионалды орталығына айналды. 2008 жылы АҚШ конгресмені Dana Рорабахер: «*Қазақстан қазіргі таңда тек Азия орталығы емес, әлем орталығына айналды*», – деп жоғары баға берді.

- ? 1. Көптілді саясаттың қандай артықшылықтары бар?
- 2. Бірнеше мемлекеттік тілдері бар елдерді атаңдар.
- 3. «Елдегі конфессияларың бейбітшілікті қалай нығайтуға болады?» деген тақырыпта эссе жазыңдар.



Атеизм – құдайға, дінге сенбеушілік.

Доктрина – іс-әрекет жасауга бағыт беретін нақтылы нұсқаулар жиынтығы.

ҚМДБ – Қазақстан мұсылмандары діни басқармасы.

Сепаратистер – өздері өмір сүріп отырған елден жеке мемлекет ретінде бөлініп шығуға немесе сол мемлекетке тиесілі аумақты басқа бір мемлекетке қосуға үмтүлған белгілі бір саяси топ.

Сунна, сунниттер (араб. – жол, іс-әрекет) – сұннетті ұстанушылар, Мұхаммед (с.ғ.с.) пайғамбардың үлгі-өнегесі мен өсietтіне сай ислам дініндегі адам орындағыны амалдар.

 **Джеймс Монро** (1758–1831) – АҚШ-тың саяси және мемлекет қайраткері, бесінші президенті (1817–1825). 1823 жылы Монро доктринасы жарияланып, «Америка тек американдықтарға» қағидаты бойынша Америка және Еуропа бір-бірінің ішкі істеріне араласпауға тиісті деп атап көрсетілді. Монро қағидаты АҚШ-тың ішкі және сыртқы саясатында көптеген жылдар бойы пайдаланып келеді.

Шығармашылық тапсырмалар.

1-тапсырма. Қосымша материалдарды пайдаланып, Үlt доктринасы мен Монро қағидатына салыстырмалы талдау жасандар.

2-тапсырма. Қазақстандағы үлтаралық және конфессияаралық келісімді нығайтуда тағы қандай бағдарламалар мен құжаттар қабылданғанын анықтаңдар.

3-тапсырма. Сабакта жинақтаған білімдерінді қолданып, Қазақстандағы қазіргі діни ахуалға SWOT талдау жасандар.

S Күшті/мықты жақтары	
W Әлсіз жақтары	
O Мүмкіндіктер	
T Қауіп-қатерлер	



АСТАНА – ӘЛЕМ ДІНДЕРІ ҮНҚАТЫСУНЫҢ ОРТАЛЫФЫ

(2003 жылдың қыркүйегінде өткен діни съезд жайлыш ой)

2003 жылғы 22–24 қыркүйекте Астанада Елбасы Нұрсұлтан Обішұлы Назарбаевтың бастамасымен Әлемдік және дәстүрлі үлттық діндер лидерлерінің кең ауқымды халықаралық қырылтайның өткеніне де екі жыл болды. Бұл аз да, көп те емес. Өйтке де осы бір ерен оқиғага ой жүгіртіп, бағамдаپ, қорытындылайтын да мезгіл жеткен сияқты.

Астанадағы жиынға дейін де мұндай форумдар әлемнің өр жерінде өтті. Бірақ олар санаулыған дін өкілдерін жинаудан аса алмады. Дей түрганмен жалпы осындай басқосулардың маңсағаты – сан алуан өркениеттер мен мәдениеттер жағдайында адам баласының өзара тіл табысып, бірлік пен ынтымақта өмір сүруін баянды ету жолдарын қарастыру. Өйткені туындастын проблемаларды шиеленістірмей шешуде дін қайраткерлерінің де қосар үлесі аз емес. Ал бұл ретте биік деңгейлі алқалы съезд өткізуге көпүлттү, бірнеше конфессиялы, ынтымағы мен бірлігі өзгеге үлгі Қазақстанның қолайлы да лайық болғандығы күмәнсіз еді.

Астанадағы діни үнқатысуға дүниежүзінен 17 діни делегация және Біріккен Үлттар Ұйымы, Еуропадағы қауіпсіздік пен ынтымақтастық ұйымы, ЮНЕСКО, ЮНИСЕФ сияқты халықаралық ұйымдардың өкілдері, БҮҮ жаңындағы Бүкіл-әлемдік діндер лидерлері кеңесінің президенті Шри Шри Сугендра Тиртха Свами Мадхавачгарьян, Жапонияның экс Премьер-министрі Цутому Хата, Италияның Ассизи қаласының бас министрі Томас Геремек һәм 250 отандық және 60-қа жуық шетелдік журналисттер қатысты.

Әлемде өркениеттер үнқатысуы көкейкесті мәселелеге айналып отыр. Қазір біз мұдделердің кең көлемдегі қақтығысы мен өзара шиеленіскең күрделі мәселелер уақытында өмір сүрудеміз. Сол себепті де, – дейді дін қайраткерлері, – оларды реттеудің немесе жоюдың бірден-бір жолы – діндердің үнқатысуы. Өйткені дін – татулық пен ынтымақты сақтаудың үлкен кепілі де. Діндер тату болса, мемлекеттер де тыныш екені дәлелдеуді қажет етпейді.

Дербісәлі Ә. Исламның жаунарлары мен жәдігерліктері. – Алматы, 2008, 201–204-беттер.



Астанада өткен діни үнқатысудың мәні мен маңызы неде?

§21–22. Қазақстанның саяси-әлеуметтік және мәдени өміріндегі Қазақстан халқы Ассамблеясының рөлі

Оқу мақсаты:

- ✓ Ұлттық бірлікті және қазақстандық бірегейлікті нығайтудағы Қазақстан халқы Ассамблеясының рөлін сипаттау.

Тірек сөздер:

Қазақша	Орысша	Ағылшынша
Ассамблея	Ассамблея	Assembly
Форум	Форум	Forum

Тақырыпқа шығу:

Қазақстан халқы Ассамблеясының тәуелсіздіктің алғашқы жылдарында құрылу себебі неде деп ойлайсың?



1. Қазақстан халқы Ассамблеясының құрылу тарихы. Қазақстан Республикасының Тұңғыш Президенті – Елбасы Н.Ә. Назарбаев Қазақстан халқы *Ассамблеясын* құру идеясын алғаш рет 1992 жылы Алматыда өткен Қазақстан халықтарының бірінші форумында ұсынды.

Дайындық жұмыстары аяқталған соң 1995 жылғы наурызда жаңа қоғамдық үйим – Қазақстан халқы Ассамблеясы құрылды. Осылай жалпықазақстандық бірліктің бірегей моделі іске асырıldı.

Қазақстан халқы Ассамблеясы (ҚХА) – Президент тәрағалық ететін консультативті-кеңесші орган. Қазіргі таңда Ассамблея Қазақстан Республикасы ұлттық саясатының сенімді тетігіне айналды.

2002 жылы 26 сәуірде ҚР Президенті Жарлығымен Қазақстан халқы Ассамблеясының стратегиясы бекітілді. Бұл құжатта Ассамблеяның мақсаты мен міндеттері, жұмыс құрылымы мен ұйымдастыру қызметінің негізгі бағыттары белгіленді. Кейіннен ҚХА-ның қоғамдық-саяси салада қызметін реттейтін басқа да құжаттар қабылданды.

2. Қазақстан халқы Ассамблеясының негізгі міндеттері. Бүгінгі күні Қазақстан халқы Ассамблеясы қоғамда маңызды қызмет атқарады. *Біріншіден*, ол Қазақстан халқының бірлігін нығайтуға бағытталады. *Екіншіден*, Ассамблея ұлтаралық келісім мен жалпыұлттық бірлікті қамтамасыз ету жөніндегі мемлекеттік саясатты өзірлеуге және іске асыруға жәрдемдеседі. *Үшіншіден*, бұл қоғамдық құрылым мемлекеттік тілді және Қазақстан диаспораларының ана тілі мен мәдениетін дамытуға қолдау көрсетеді.

2008 жылы Елбасы бастамасымен «Қазақстан халқы Ассамблеясы туралы» заң қабылданып, Ассамблеяның құқықтық мәртебесі кеңейтілді.

Қазіргі таңда Ассамблея 23 республикалық және 470-тен астам аймақтық ұлттық-мәдени бірлестіктердің басын қосып, «Достықтың инфрақұрылымына» айналды.

2014 жылы бірқатар жетекші жоғары оқу орындарында «Қазақстан халқы Ассамблеясы» кафедралары құрылды. Ассамблея қызметін жоғары деңгейде қамтамасыз ету мақсатында 2015 жылдан бастап «Қоғамдық келісім» республикалық мемлекеттік мекемесі тұрақты және жүйелі түрде жұмыс атқарып келеді.

3. Қазақстан халқы Ассамблеясының құрылымы мен қызметі. Ассамблея құрылымында 17 кіші ассамблеялар біріктірілген, олар 14 облыстық және 3 республикалық маңызы бар қалалардың ассамблеялары.

Қазақстан халқы Ассамблеясының өңірлік кіші ассамблеялары ұлттық-мәдени орталықтары мен диаспоралар бірлестіктерінің жұмысын біріктіреді және үйлестіреді. Нұр-Сұлтан, Алматы, Шымкент қалаларының және облыс әкімдері өңірлік Ассамблея тәрагалары қызметін атқарады. 2008 жылы Ас-

Ойлан

Ассамблеяның құқықтық мәртебесін кеңейту не үшін қажет?



Ассамблея жиналышы

самблея үлттық-мәдени орталықтары ресми түрде этномәдени қоғамдық бірлестіктер болып қайта тіркелді.

Қазақстан халқы
Ассамблеясының
қоғамдағы өзара кепісім
мен бейбітшілікті
сақтаудағы жұмысы
жайлы айтындар.

Қазақстан Республикасының Тұнғыш Президенті – Елбасыға Қазақстан халқы Ассамблеясын басқару құқығы тиесілі. Ассамблея төрағасының этномәдени бірлестіктерден тағайындалатын екі орынбасары Президент өкімімен бекітіледі.

Сессияларды Ассамблея төрағасы жылына кемінде бір рет шақырады. Кезекті сессиясының өткізілетін күні, орны және күн тәртібінің жобасы ол басталғанға дейін бір ай бұрын хабарланады. Кезектен тыс сессия Ассамблея төрағасы бастамасы бойынша немесе Ассамблея мүшелері жалпы санының кемінде үштен бірінің өтініші бойынша шақырылады.

Ассамблеяның құрамы мемлекеттік органдар, этномәдени және басқа да қоғамдық бірлестіктер өкілдерінен және қоғамдық-саяси саладағыabyroy-беделі бар тұлғалардан құралады.

Ассамблея хатшылығы Қазақстан Республикасы Президенті өкімшілігінің құрамына кіретін Ассамблеяның жұмыс органы

болып табылады. Қазақстан халқы Ассамблеясы жанынан ғылыми-сарапшылық кеңес, этносаралық қатынастарды реттейтін журналистер мен сарапшылар клубы, ҚХА қоры, кәсіпкерлер ассоциациясы т.б. қоғамдық және кеңесші органдар құрылған.

Қазақстан халқы Ассамблеясы мүшелігіне кандидаттарды жергілікті жерлердегі Қазақстан халқының кіші ассамблеялары, респубикалық және аймақтық ұлттық-мәдени бірлестіктер, Ассамблея кеңесінің мүшелері ұсынады. Жыл сайын мемлекет этномәдени орталықтар мен кіші ассамблеяга қаржылық қолдау көрсетіп келеді. Этномәдени орталықтардың басшыларына Президент гранты бекітілген.

Барлық облыс орталықтарының *Достық үйлеріндегі* этномәдени бірлестіктер орналасып, ҚХА аймақтық құрылымдары қызмет етеді.

Ассамблея өзінің құрылған кезінен бастап этносаралық қатынастар үйлесімділігі мен ұлттық бірлікті нығайтуға бағытталған беделді қоғамдық құрылымға айналды. Ассамблея «Қоғамдық



Нұр-Сұлтан қаласындағы Достық үйі

бірлестіктер туралы», «Мәдениет туралы», «Қазақстан Республикасындағы тіл туралы» және басқа да бірқатар заң жобаларын дайындауға белсene қатысты.

ҚХА маңызды жиыны Елордадағы Бейбітшілік және келісім сарайында өткізіледі. Ассамблея жанынан шығатын «Достық – Дружба», «Менің елім» журналдары этносаралық қатынастар саласындағы атқарылған іс-шаралар туралы ҚХА-ның ақпараттық ресурстары ретінде бұкіл елімізге таралады. Ұлттаралық қатынастарды нығайтуға бағытталған түрлі жиындар, *форумдар* өткізіледі.


Қазақстан заңнамасына сәйкес, Парламент Мәжілісінде ҚХА-ның 9 өкілі депутаттар құрамына енген. Сенаттың 15 депутатын ұлттық-мәдени және басқа да қоғамның өзекті мүдделерін ескере отырып, Президент тағайындаиды. ҚХА депутаттарының алдына елдегі этносаралық келісімді, бейбітшілік пен тұрақтылықты одан әрі нығайту басты міндет етіп қойылған. 2015 жыл Қазақстан халқы Ассамблеясы жылы деп жарияланды.

4. Қазақстан халқы Ассамблеясының құру тәжірибесінің әлемдік сахнадағы орны. Қазақстан халқы Ассамблеясының құнды тәжірибесі әлемдік тәжірибеге енгізіліп, жоғары бағасын алды. Ассамблея қызметі этносаралық қатынастар мәселелерін тиімді шешіп келе жатқан ел ретінде Қазақстанның халықаралықabyroyның өсуіне ықпал етуде.

Республиканың көпүлтты халқының өміріндегі Ассамблеяның рөлі туралы шетелде ірі халықаралық конференциялар өткізілді.

Қазақстанның Ассамблея құрудагы тәжірибесін бірқатар ТМД елдері (Ресей, Қыргызстан, Молдова) қолданып отыр.

Қазақстанның үлгі халықаралық сарапшылардың жоғары бағасына ие болды. БҮҮ-ның бұрынғы Бас хатшысы Кофи Аннан айтқандай: «*Қазақстан барлық мемлекеттер үшін тұрақтылық пен ұлтаралық келісімнің цлгісі болып табылады*».



Кофи Аннан

2010 жылы БҮҮ-ның Бас хатшысы Пан Ги Мун Қазақстанға сапары барысында: «Қазақстан халқы Ассамблеясының қагидаты мен багыт-багдары Еіріккен Ұлттар Ұйымының жұмыс қагидатына толық сәйкес келеді», – деп айрықша атап өтті.

-  1. Қосымша деректерді пайдаланып, өздерің тұған, өскен өлкелеріндегі аудан, қала немесе аймақтық этномәдени бірлестік тұралы айтып беріңдер.
2. Елде бейбітшілік пен келісімді одан әрі нығайтуға қатысты қандай ұсыныстарың бар?



Ассамблея (франц. Assemblee – жиналыш) – а) жиналыш; ә) қандай да бір мемлекеттік немесе халықаралық үйым органдының аты; б) қоғамдық үйым атауы.

Форум – жиналыш. Ежелгі Рим қоғамдық өмірінің барлық саласы талқыланатын орталық алаңы. Нақты бір мәселені талқылауга салу үшін тиесті жүртшылықтың бас қосқан үлкен жиыны.

Шығармашылық тапсырмалар.

1-тапсырма. «Қазақстан халқы Ассамблеясы – татулық пен бірліктің кепілі» деген пікірді ПТМС формуласы арқылы талдандар.

Позиция (мен солай санаймын, ...)

Түсіндіру (... себебі, ...)

Мысал (мен мұны мынадай мысал арқылы дәлелдей аламын ...)

Салдар (айтылған мәселе бойынша мынандай қорытынды жасаймын ...)

2-тапсырма. Кестедегі ақпаратты пайдаланып, IDEA формуласы бойынша Қазақстан халқы Ассамблеясының құрылудың талдандар.

I (Identify) – тарихи оқиғалардың себептерін анықтау	
D (Describe) – сәйкесінше дәлелдерді сипаттау	
E (Explain) – осы себептердің тарихи оқиғаға қалай ықпал еткенін түсіндіру	
A (Analyze) – осы себептердің маңыздылығына талдау жасау	



ҚАЗАҚСТАН РЕСПУБЛИКАСЫ ПРЕЗИДЕНТИНІҢ ЖАРЛЫФЫ

Қазақстан Халықтарының ассамблеясын құру туралы

Қазақстан Республикасында қоғамдық тұрақтылық пен ұлттаралық татулықты нығайту мақсатында және Қазақстан Республикасы Конституциясының 78-бабына сәйкес қаулы етемін:

1. Қазақстан Республикасы Президентінің жанынан консультативтік кеңесші орган ретінде Қазақстан Халықтарының ассамблеясы құрылсын.

2. Қазақстан Халықтарының ассамблеясы туралы Ереже (қоса берілп отыр) бекітілсін.

3. Қазақстан Халықтары ассамблеясының бірінші сессиясы 1995 жылғы 24 наурызда шақырылсын.

4. Қазақстан Республикасының Министрлер Кабинеті Қазақстан Халықтары ассамблеясының бірінші сессиясын өткізуге байланысты мәселелерді шешетін болсын.

5. Осы Жарлық жарияланған күнінен бастап күшіне енеді.

Қазақстан Республикасының Президенті Н. Ә. НАЗАРБАЕВ.

Алматы қаласы, 1995 жылғы 1 наурыз

№ 2066



1. Қазақстан Халқы ассамблеясын құрудағы мақсат қандай?
2. Қазақстан Республикасының ұлттық құрамын естерінде түсіріндер.

Екінші бөлім бойынша тест тапсырмалары

1. Поляк ақыны, «Қыргыз» («Қазақ») және «Дала» поэмаларының авторы:

- A) С. Гросс
- B) А. Янушкевич
- C) Б. Залесский
- D) В. Недзвецкий
- E) Г. Зелинский

2. Үйгырлардың Қазақстан аумағына алғаш қоныс аударған жылы:

- A) 1861 жыл
- B) 1824 жыл
- C) 1877 жыл
- D) 1881 жыл
- E) 1889 жыл

3. Орта Азия республикаларын ұлттық-аумақтық межелену еткен жыл:

- A) 1920 жыл
- B) 1921 жыл
- C) 1924 жыл
- D) 1929 жыл
- E) 1931 жыл

4. 1959 жылғы Бүкілодақтық санақ бойынша республика аумағындағы халық саны:

- A) 6,1 млн
- B) 8,5 млн
- C) 9,3 млн

- D) 10 млн
- E) 15 млн

5. Екінші дүниежүзілік соғыс жылдары Қазақстан аумағына күштеп қоныс аударылған ұлттар саны:

- A) қырық үш
- B) елуге жуық
- C) алпыстан астам
- D) сексен екі
- E) тоқсан бір

6. Қазақстан Республикасы Мемлекеттік Елтаңбасының авторы:

- A) Халифа Алтай
- B) Жандарбек Мәлібеков
- C) Әлкей Марғұлан
- D) Шәмші Қалдаяқов
- E) Мұзафар Әлімбаев

7. Төуелсіздіктің алғашқы жылдарында Қазақстандағы халық саны азаюының негізгі себебі:

- A) Балалар өлімінің өсуі
- B) Еуропалық ұлт азаматтарының елден кетуі
- C) Адам өмірі орташа ұзақтығының азауы
- D) Өлеуметтік жағдайдың нашарлауы
- E) Халық арасында өлім-жітімнің өршіп кетуі

8. «Нұрлы көш» мемлекеттік бағдарламасы бекітілді:

- A) 1991
- B) 2000
- C) 2008
- D) 2011
- E) 2019

9. Қазақстан халқы Ассамблеясы құрылған жыл:

- A) 1994
- B) 1995
- C) 1996
- D) 1999
- E) 2003

10. Қазақстан халқы Ассамблеясының Парламент мәжілісіндегі өкілдерінің саны:

- A) 4
- B) 6
- C) 9
- D) 12
- E) 16

Екінші бөлім бойынша зерттеу жұмысы:

Қазақстан этностары: тарихы мен тағдыры.

Екінші бөлімге қорытынды

Қазақстанның Ресей құрамына енүі, 1822–1824 жылдары хандық биліктің жойылуы елімізде курделі полиэтникалық құрамның қалыптасуына әкелді. Бір ғасыр шеңберінде қазақ олкесінің моногенетикалық құрамы айтарлықтай өзгеріске үшінады. Жергілікті ұлт өкілдерінің үлесі 30%-га дейін түсіп кетті.

Сталиндік әкімшіл-әміршіл жүйе жеке халықтарды республика аймагына қыштеп жер аударды. Ашаршылық пен қузын-сүргін әсіресе қазақтардың кемуіне әкелді. Тың игеру жылдары КСРО-ның еуропалық боллігі мен республикалардан елімізге жүздеген мың адам келіп қоныстанды.

КСРО ыдыраган алғашқы жылдары кері көші-қон үрдісі, еуропалық ұлттардың елімізден тарихи отандарына көшіп кетуі басталды. Осы жылдары республика халқының саны 16 793,1 мыңнан 14 886,8 мыңға түсіп, 11,5%-га кеміді. Елден 811,3 мың адам көшіп кетті. 1991–2008 жылдары республикадан жалпы 3,5 млн адам көші-қон қозғалысына түсті. 90-жылдардың ортасында көші-қон үдерістердің негізгі себептерінде, экономикадагы дагдарыстан басқа, азаматтардың ең алдымен атамекенмен табысуы тұрды. Оның цітіне психологиялық фактор да басым еді: көптеген адамдардың тарихи отанында тұрып жатқан туыстарымен байланыстары қзіліп, ертеңгі қындеріне деген сенімдері жогалды. Сондықтан бұл этностар өз елдеріне оралуга, тездеміп көшуге кіресті.

Тәуелсіздік жылдары республикага 1 миллионнан аса қандастарымыздың оралуы халықсанында қазақтардың үлес салмагын 70%-га жеткізді. 1995 жылы Қазақстан Республикасының Тұңғыш Президенті – Елбасы Н.Ә. Назарбаевтың бастамасымен Қазақстан халқының бірлігін нығайтуға бағытталған әлемдегі бірегей құрылым Қазақстан халқы Ассамблеясы құрылды. Елде әлемдік және дәстүрлі діндер көшбасшыларының съездері, рухани келісім форумдары откізіліп келеді.

ҰСЫНЫЛАТЫН ӘДЕБИЕТТЕР

- Абай.** Қалың елім қазагым... Өлеңдер. – Алматы, 2017.
- Академик Қ.И. Сәтбаев** жөне Қазақстан ғылымы (мақалалар мен очерк, естеліктер). – Алматы, 1999.
- Академик Қ.И. Сәтбаев:** Хаттары мен жазбалары. – Алматы, 1998.
- Аққұлы С. Әлихан Бекейхан.** Өснегі. 2 т. – Шымкент, 2016.
- Алаш қозғалысы.** – Алматы, 2011.
- Алашорда.** Құжаттар жинағы. Құрастырган Мартыненко Н. – Алматы, 1992.
- Алексеенко А.Н.** Қазақстан тұрғындары. 1920–1990 жылдар. – Алматы, 1993.
- Алексеенко Н.В., Алексеенко А.Н.** 100 жылдағы Қазақстан халқының саны (1897–1997). – Өскемен, 1999.
- Аманжолова Д.** Алмағайып заман. Алаш Қазақстан этносаяси тарихында. – Алматы, 2009.
- Андреев И.Г.** Орта жүз қыргыз-қайсақтарының (қазақтарының) сипаттамасы. – Алматы, 1998.
- Асылбеков М.Х., Галиев А.Б.** Қазақстандағы әлеуметтік-демографиялық үрдістер (1917–1970). – Алматы, 1991.
- Аяганов Б.** Кеңестік социализмнің шарықтау шегі мен күйреуі. Қазақстандық полигон. – Алматы, 2000.
- Байпақов К.М.** Ұлы Жібек жолы (Қазақстан аумағындағы бағыттары). – Алматы, 2007.
- Бес ғасыр жырлайды.** 5 томдық. – Алматы, 1989.
- Верт Н.** Кеңес мемлекетінің тарихы (1922–1991). – Москва, 1992.
- Гумилев Л.Н.** Қоғам тарихы. – Алматы, 1994.
- Депортация тарихы.** Қазақстан. 1939–1945 жылдар. Құжаттар жинағы. – Алматы, 2019. – 3-т.
- Депортация.** – Алматы, 2000.
- Ерімбетова Қ.** Қалдырылған ізі мәңгілік. Анна Панкратова. – Астана, 2016.
- Ермұханов Б.** Жазба деректердегі Қазақстан тарихы. Б.з.б. V ғ. – б.з.-дың XV ғ. – Алматы, 2006.
- Ерофеева И.В.** Әбілқайыр хан: қолбасшы, әмірші жөне саясаткер. – Алматы, 1919.
- Әбдіуақап Қара.** Мұстафа Шоқай. – Астана, 2012.
- Әбсеметов И.** Сәкен Сейфуллин. – Астана, 2006.
- Жиреншин К.Ә.** XIX ғасырдың соңы – XX ғасырдың бас кезіндегі Қазақстанның саяси дамуы. – Алматы, 1996.

- Кеменгерұлы К. Қазақ тарихынан. – Астана, 2015.
- Кәрібаев Б. Қазақ хандығының құрылу тарихы. – Алматы, 2015.
- Кәрібаев Б.Б. Қазақ хандары. – Алматы, 2015.
- Кәрібаев Б.Б. Қасым хан. Тұлға. – Алматы, 2008.
- Конвест Р. Зұлматты жылдар. – Киев, 1995.
- Қазақ интеллигенциясының тарихы. – Астана, 2006.
- Қазақ КСР-інің индустрияландыру тарихы (1926–1941 жылдар). – Алматы, 1967.
- Қазақстан тарихы. – Алматы, 2010, 4-том.
- Қазақстан тарихы. Очерктер. – Алматы, 1993.
- Қазақстан тарихы: Ақтандықтар. – Алматы, 1991.
- Қазақстан. Ұлттық энциклопедия. – 1–10 том. – Алматы, 1998–2007.
- Қазақстан тарихы. Энциклопедия. – Алматы, 2019.
- Қазақстан халқы: тарихи тағылым және қазіргі заман. – Алматы, 2017.
- Қазақстан халқы: тарихы және бүгінгі жағдайы. – Алматы, 2017.
- Қазақстанға жер аударылған халықтар: тарихи тағдыры. – Алматы, 1998.
- Қазақстандағы 1916 жылғы көтеріліс. Материалдар мен естеліктер жинағы. – Алматы, 1937.
- Қазақстандағы Азamat соғысы: оқиғалар жылнамасы. – Алматы, 1974.
- Қалыбекова М.Ш. Қазақстанға арнайы қоныс аударылғандар: құжаттар мен материалдар (1930–1956). – Алматы, 2011.
- Қалыбекова М.Ш. Қазақстанның депортацияга үшыраган халықтары тарихы (1937–1956 жылдар). – Алматы, 2008.
- Қаһарлы 1916 жыл. Құжаттар мен деректер жинағы. – Алматы, 1998.
- Қасымбаев Ж. Қазақ хандығының мемлекеттік қайраткерлері (XVIII ғ.). – Алматы, 1999.
- Қозыбаев М.Қ. Тарих және қазіргі заман. – Алматы, 1991.
- Қозыбаев М.Қ., Ф.И. Голощекиннің саяси портреті. – Алматы, 1998.
- Қозыбаев М.Қ., Алдажұманов К.С., Абылхожин Ж.Б. Қазақстандағы күштеп колективтендіру: қорлық пен зорлық. – Алматы, 1991.
- Қойгелдиев М.Қ. Алаш қозғалысы. – Алматы, 2017.
- Қонаев Д.А. Сталиннен Горбачевке дейін. – Алматы, 1994.

Құл-Мұхаммед М.А. Алаш қайраткерлері саяси-құқықтық көзқарастарының эволюциясы. – Алматы, 1998.

Құрманов З. «Алаш» партиясының қыргыз белімшесі: құрылуы, қызметі, тағдыры. – Нұр-Сұлтан, 2019.

Левшин А.И. Қыргыз-қазақ немесе қыргыз-қайсақ ордалары мен даласының сипаттамасы. – Алматы: Санат, 1996.

Мендіқұлова Г.М. Қазақ диаспорасының тарихи тағдыры: қалыптасуы мен дамуы. – Алматы, 1997.

Мұрсөлім Б.С. Алаш автономиясының өскери. – Алматы, 2015.

Назарбаев Н.Ә. Тарих толқынында. – Алматы, 1999.

Нұсіпбеков А.Н. Қазақ жерлерінің Қазақ АКСР-і құрамына біріктірілуі. – Алматы, 1953.

Нұрпейісов К. Қазақстандағы кеңестердің қалыптасуы (1917 жылғы наурыз – 1918 жылғы маусым аралығы). – Алматы, 1987.

Олкотт Брилл Марта. Қазақтар. – АҚШ, 1987.

Омарбеков Т. 1929–1931 жылдардағы халық көтерілістері. – Алматы, 2018.

Омарбеков Т. Ашаршылық. – Алматы, 2019.

Орта Азия мен Қазақстандағы 1916 жылғы ұлт-азаттық көтеріліс: қозғаушы күші, барысы, тарихи тағылымы. – Алматы, 1997.

Райымханова К.Н. Дәстүрлі өнер. – Алматы, 2002.

Роберт Киндер. Сталиндік көшпелілер. Қазақстандағы билік пен аштық. – Мәскеу, 2017.

Сәдуақасұлы С. Уш томдық шығармалар жинағы. – Астана, 2013.

Смағұлов О., Смағұлова А. Қазақ халқының шығу тарихы. – Алматы, 2017.

Сталиннің кезіндегі КСРО қазақтары. Ұжымдастыру және әлеуметтік өзгерістер (1928–1945 жылдар). – Алматы, 2009.

Толыбеков С.Е. XV–XX ғасырдың басындағы көшпелі қазақ қоғамы (саяси-экономикалық зерттеу). – Алматы, 2017.

Тынышбаев М. Қазақ халқының тарихы. – Алматы, 1993.

Үәлиханов Ш.Ш. Шығармалар жинағы. 5 томдық. – Алматы, 1984–1985.

Ұлы даланың Ұлы есімдері. Материалдар жинағы. – Алматы, 2019.

Хафизова К.Ш. Дала өміршілері және XVII–XIX ғасырлардағы олардың көрші елдермен елшілік байланыстары. – Нұр-Сұлтан, 2019.

Шоқай М. Кеңес өкіметі қол астындағы Түркістан. – Алматы, 1993.

1917 жылғы орыс революциялары кезеңіндегі Қазақстан. – Алматы, 1991.

ИНТЕРНЕТ ДЕРЕКТЕРІ, ЭЛЕКТРОНДЫҚ ҚОСЫМШАЛАР

e-history.kz
edu.-e-history.kz
nlrk.kz
archive.president.kz
cga.kz
iie.kz
almatymuseum.kz
nationalmuseum.kz
csmrk.kz
library.kz
adyrna.kz
kk.wikipedia.org
bugin.kz
history-state.kz
akorda.kz
strategy2050.kz
edu.gov.kz
kaznpu.kz
bolashak.gov.kz

МАЗМУНЫ

Кіріспе	3
---------------	---

I БӨЛІМ

ОРКЕНИЕТ: ДАМУ ЕРЕКШЕЛІКТЕРІ

Бірінші тарау

Қазақтардың тіршілікті қамтамасыз етудегі дәстүрлі жүйесі

§1–2. Қазақстанда көшпелі малшаруашылығы және егіншіліктің дамуы.....	6
§3–4. Қолөнер мен кәсіптер	22

Екінші тарау

Дала мен қала: өзара қарым-қатынас және өзара әсері

§5–6. Қазақстан қала мәдениетінің дамуындағы Ұлы Жібек жолының рөлі.....	34
§7–8. Экономикалық және мәдени қарым-қатынастың дамуы мен өзара әсері	48

Үшінші тарау

Қазақстаниң қазіргі замандағы әлеуметтік- экономикалық дамуы

§9–10. ХХ ғасырдағы Қазақстан экономикасының дамуы	58
§11–12. Қазақстан Республикасы экономикасының дамуы	78
Бірінші бөлім бойынша тест тапсырмалары.....	89
Бірінші бөлім бойынша зерттеу жұмысы	91
Бірінші бөлімге қорытынды.....	92

II БӨЛІМ
САЯСИ-ҚҰҚЫҚТЫҚ ҮРДІСТЕР

Төртінші тарау

**Қазақстанда поліэтникалық қоғамның
қалыптасу тарихы**

§13–14. Қазақстан халқы monoэтникалық құрамының өзгеруі (XVIII ғасыр – XX ғасырдың басы).....	93
§15–16. Кеңестік кезеңде Қазақстанда поліэтникалық қоғамның қалыптасуы	104

Бесінші тарау

**Қазақстан Республикасының этносаралық
қатынастар саласындағы саясаты**

§17–18. Қазақстан Республикасының көші-қон саясаты	116
§19–20. Ұлтаралық және конфесияаралық келісімнің қазақстандық моделі.....	128
§21–22. Қазақстанның саяси-әлеуметтік және мәдени өміріндегі Қазақстан халқы Ассамблеясының рөлі.....	142
Екінші бөлім бойынша тест тапсырмалары	149
Екінші бөлім бойынша зерттеу жұмысы	151
Екінші бөлімге қорытынды	152
Ұсынылатын әдебиеттер	153
Интернет деректері, электрондық қосымшалар.....	156

Оқулыққа республиканың бірқатар белгілі жоғары оқу орындары
мен ғылыми-зерттеу мекемелері (әл-Фараби атындағы ҚазҰУ,
Л.Н. Гумилев атындағы ЕҮУ, Абай атындағы ҚазҰПУ
және Мемлекет тарихы институты)
өз сын-пікірлерін білдірді.

Оқулықты дайындаура қатысқандар –
Д. Қалиев, А. Манқараев, А. Нартай, Е. Өбдіхалықов.

Мұқабадағы А. Дүзелхановтың «Сақ жауынгерлері» суреті.

*Мәтіндегі ауылшаруашылығы, малшаруашылығы, шегара, көгөніс,
Монголия т.б. сөздер ҚР Үкіметі жанындағы Республикалық
терминология комиссиясы мақұлдаған Орфографиялық сөздік
(– Алматы, 2013) бойынша жазылды.*

Оқу басылымы
Қабылдинов Зиябек Ермұханұлы
Сандыбаева Ақмарал Даңырқызы
Лебаев Фархат Рашидұлы

ҚАЗАҚСТАН ТАРИХЫ

Жалпы білім беретін мектептің 11-сыныбына арналған оқулық

Екі бөлімді

1-бөлім

Өдіскер-устаз Е.М. Куркеев

Редакция менгерушісі Ә. Пірманов

Редакторы Г. Нұрланқызы

Көркемдеуші редакторы А. Лукманов

Техникалық редакторы Ү. Рысалиева

Корректоры Ү. Бахова

Компьютерде беттеген С. Төлегенова

ИБ № 026

Терүрге 15.05.2019 берілді. Басыра 05.06.2020 қол койылды. Пішімі 70x90 ^{1/14}.

Офсеттік қағаз. Әріп түрі «мектептік». Офсеттік басылым.

Шартты баспа табагы 11,7. Есептік баспа табагы 13,93.

Тараалымы 93 000 дана. Таңсырыме №5161.

«Атамұра» корпорациясы» ЖШС-і, 050000, Алматы қаласы, Абылай хан даңғылы, 75.

Қазақстан Республикасы «Атамұра» корпорациясы» ЖШС-нің Полиграфкомбинаты,
050002, Алматы қаласы, М. Макатаев көшесі, 41.

